

عالم ادب

ایک نودان

ایک نوجی طبعی

ناشری
اقبال کتب خانہ سی صاحبی
حسین .

۱۹۲۱ - ۱۳۴۲

[اور خانیہ مطبعہ سی]

خالد اُرب

یک روزِ تَوْرانِ

ایکسچی طبعی

ناشری
اقبال کتب خانہ سی صاحبی
حسین



۱۹۲۴ - ۱۳۴۲

[اورخانیه مطبعه سی]

یکی توران

يکي توران

[ای یکی توران، سوکیلی اولکه،

سویله، سکا یول نره ده ؟]

بوکون یازمغه کندیمی مجبور کوردیکم وقعه ۱۳۴۷ سنه سننده اولدی . اوله جکم تحقق ایتدیکی دقیقه دن بری - وجدانمده بویوک بر موقع طوتان - بو حادثه یی مزاره برابر کوتورمک تهلسکه سندن همان اولومدن چوق قورقیورم . اکر بو ، بویوک کلکری نی نهایت طانی دیغم روحلرک عذاب و اشکنجه سنه منحصرأ اعتقادات سیاسیه م اوغری نه هم برآز سببیت ویرمش همده تخفیفی المده ایکن لاقید قالمش اولمق کنهندن عبارت اولایدی بونی - مملکتیمک سلامتی ایچون یاپدم اعتقاد صمیمیسی ایله - انسانلرک کنه اهلری و کولکلری ایچون آچیق اولان اللهک حضور غفرانه کندیمله برابر کوتوروردم . فقط برده بوتون عالم ایچون ایضاح ایدله مش قارا کلک بر وقعه یی تورک تاریخنه تنویر ایتمک وظیفه سی وارکه بونی اکر بن اولورسه م ارتق یاپه بیله جک دنیاده کیمسه قالمادی نی ایچون یازمغه کندیمی مجبور کوریسورم .

ا کر بوکون حالا مملکتی برفرقه دورینی ایله کوره ایدم ، شبهه سز
ینه بووقعه یی مزاره کوتوروردم . فقط اولوم یاقلاشدیقه نقطه نظر مک
مرکزی بوتون مملکتی قوجاقلایان و بوتون سیاستک فوقنده بیلن
وسون بویوک بر روح اولدی . اورادن بئم فرقه مه یاخود مخالفله
منسوب هرهانکی بر وطنداشک یادیغی بویوککلری تورک تاریخی
استقبالک و چوچقلرینک کندینه قارشى شفقت و وفالری زینکینلشدیرمک
ایچون - مطلق قید اتمه لی اعتقادنده بولونیورم . هپسنى یازمغه موفق
اولورسم هیچ سیاستله مناسبی اولمایان بر مورخه کوندره جکم که
نه فرقه سینه مخالف نه ده فرقه سی ایچون بر ره قلام ديه حقیقی تغیره
قالقیشامسون . الله یار دیم جم اولسون !

برنجی قسم

۱۳۴۷ تاریخندہ یکرمی بش یاشندہ ایدم . مکتب ملکیہ دن
چیقلی برسہ اولشدی . حیآئمدہ ہرشدن، کنجلیکدن، استقبالدن
حتی قادین عشقندن بویوک براحتراض واردی : سیاسیات ! بوکا بن
او وقت سیاسیاتدن زیادہ وطنپرورلک دیوردم . چوقولغمک اک
ارکن زمانلرندن، کندیملی بیلدیکم ایملک کونلردن بری حیآئمدہ حکم
ایدوب اوینایان شی مملکتی قیصہ قیش کونشلی ایلہ ایصیتوب اوزون
ومنبعلری مغلق فیرطنہ لر، ظلمتلرایچندہ ساللایان ساسلہ مشکلاتدی .
بو بیک چهرہ لی مشکلات وفیرطنہ لرہ کویا چارہ بولدم ، بولا جغم
ادعاسندہ بولنان ایکی لیمان دہ - مملکتندہ بربرینی بعضیلرندہ صمیمی
اعتقادلرک فقط برچوغندہ دہ اختیاری ، غیراختیاری منفعتلرک یاپدینی
حرصلرلہ ییہن - ایکی سیاسی فرقہ ایدی .

چوقولغمک ایملک زمانلرندہ ، کہ مشروطیتک عقبندہ بولنیوردی ،
بوفرقلرک پک دہ معین، آیری برر سیملری، امملری، غایہ لری یوقدی .
ذاتاً مملکتندہ هیچ معین برامل ومقصد یوق کبی ایدی . او زمان
بزم فرقہ ییہ سادہ جہ مخالفلر، اوتہ کیلرہ اتحاد وترقی دیورلردی . اگر

بکا بوکون مخالفتک یاخود اتحادجیلرک پروغرا ملرینی فلان صورارسه کز
 قطعاً بر فکر حاصل ایتهدیکمی سویله بیلیم . یالکز عمجه مک مخالفتک
 اک قوتلی سیاسی اولماسی و دائماً اتحادجیلر علیهنده بولونماسی قلمده
 اولرد قارشى درین بر نفرت یامشدی . چوجوقلرک حسلری واعتقادلری
 بعضاً غدار فقط هر وقت پک واضح و خط مستقیم اوزره کیدن تعریفلرله
 خلاصه ایدیله بیلیر . بن اوپله اینانیوردم که اتحادجیلر مملکتده دینه ،
 ایملکه ، وطنپرورلکه مغایر نه وارسه هپسنی یاپورلردی ؛ خلاصه ،
 وبا قدر مضرایدیلر . بزم فرقه ، عمجه مک فرقه سی ده . نجبه یکانه خلاصکار
 و وطنپرور قدرندی . بواعتقادیمی بیلیم ناصل بردمیر ارادت و بندن
 نهایتسن دفعه لر بویوک بر قدرت محاکمه و ثباتله عمجه م یکر می بش یاشنه
 قدر بنده ادامه ایتدی . حتی عمجه مک اطرافنی ، ارادتمی ، بوتون
 محاکمات و حسیاتمی صاران ، اداره ایدن قوتلی شخصیتی بنی اتحاد
 و ترقیده بر تورک کنجک طبیعی صورته تمایل ایده چکی بعض
 تجلیاته بیله بیکانه براقدی . تورک کی هر نقطه ده اک بویوک مقصد
 ایدینه بویوکونکی مؤسسه نک پراکنده و بربرینه منسوب کورونمه یین
 باشلانغجلرینی اتحاد و ترقینک اوپاندیردینی تمایلات و جریانک نتایجی دیه
 تلقی ایتک پک طبیعی ایدی . اوکونک یکی لسان جریانی ، اتحاد و ترقی
 مکتبلرینک ملیتپرور تدریساتی ، تورک عرقی آزالور اخطارینک
 فجیع آوازیله هر شیئی ایشیدوب کوردهن اسمسن بر قسم قلیل ؛ حتی
 تورک قادینی اوپانیور ، اوپانسن ، اوپانماسین دیه هایقیران ، شکلی
 آوروپاده کندن باشقه اولان تورک فمینزمی بیله اتحاد و ترقینک کنیش
 و غیرمعین محیطنده یاشایوب قابلیوردی ، یاخود اوپله کورونیوردی .

بزم فرقه‌نك اجتماعی چهره‌سی اوزمان بكا اتحاد و ترقیدن‌داها واضح کلیور، بلکه‌داها چوق سیاسی کورونیوردی، بلکه‌ده بزمکیلراووقت ایلك مخالفتده اولدقلرندن ، بيلمه‌یورم . بوتون بو غیر واضح شیلر بو کون براز داها واضحلاشدی .

اتحاد و ترقینك ده ، بزمده سیاسی واجتماعی کیرینتی و جیقینتی لریمز نسبی بر آچیقلاق و دوزلکه کیردی . حتی فرقه‌اسملری بیله‌دها معنیدار اولدی . سیاسیات واجتماعیاتم‌نك برغایه‌سی وار، اشکالی‌ده هیچ سیلیك دکل . اولنرك دها چوق سیاسی کورون کنج تورکلری فقط اجتماعی قوللر سالان اتحاد و ترقیسی بو کون « یکی توران » اسمیله بوتون امل و غایه‌لرینی برلشدیریور . بزمده مخالف اسم مغلق ایله تعریف ایدیلن فرقه‌مز ، تورك عنصرینه اوقدر اهمیت ویرن فرقه‌یه قارشی پولتیقه‌سنی ایضاح ایدن « یکی عثمانیلر » اسمنی آلدی . یالکمز ، پولتیقه‌لریم‌نك سیای اصلیلری منطقی فقط غریب بر صورتده مبادله ایدلدی . « یکی توران » عدم مرکزیت حتی براز « فده‌دراسیون » بزمکیلر ایسه شدتله مرکزیت طرفداری اولدی . فقط مقصدم پولتیقه‌م‌نك اساس واسباب موجب‌سندن زیاده پولتیقه‌ایله قاریشان بر قلب حکایه‌سنی دها دوغروسو فجیعه‌سنی ضبط ایتك اولدیغندن شو مقدمه‌م فضله‌جه اولدی ظن ایده‌رم .

عمرجه‌م حمدی پاشا ناصل اولا مخالفتك، شیعدی یکی عثمانیلرک، اک قوتلی و بویوک سیاسی ایسه اک سوکیلی مکتب و سلاح آرقداشی لطفی بکده شدتله اتحاد و ترقی طرفداری ایدی . لطفی بکک سیاسی چوجقلغمک اک ارکن زمانلرنده کی پولتیقه‌قوغالری، حکومتی رفرقه‌دن

اوتنه کنه کچرن بعضاً اختلاله بکزمین ضربه حکومتلری، هیجانلری ایله سیلندی. بر زمان اوبزه کلیور، عمجهم اونک اوینه کیدیوردی فقط بوده خیالمک اشیا وانسانلره واضح چهره لر ویرمه دیکی زمانلرده ایدی. ذاتاً اوزمان بکا اوتنه کی فرقه یه بزم فرقه نک قدرت واهمیتی ویردیرمه ین شی بلکه لطفی بکک عمجهمه نسبتاً سیلیک سیای هویتی اولدی. عمجهم نه قدر قطعی، مدهش صورتده ادعالرنده قوتلی وبلکه ده براز مفرط ایسه لطفی بک اوقدر حقیقتدن اوزاق، ایشدن زیاده خیال ایله دولو برآمدی. عمجهمله دوستقلری پولتیقه کرکینلکی آراسنده قیرلدی. لطفی بکک شخصیتی ده شهر سز سیلینوب کیده جکدی:

ا کر قیزی سامیه اولمایه ایدی.

لطفی بک بزم محمله ده بویوک بر اوده قزی سامیه ایله یالکنز یاشایوردی. سامیه نک آنه سی اولدکن صوکره لطفی بک بر دها اولنمه مشدی.

لطفی بکله عموجهمک دوستلنی نهایته ایردکن صوکره بیله سامیه بزه ینه کلوب کیدیوردی. بو هر نه قدر هر کسه قارشی مرحوم آنه سی ینکهمک پک عزیز دوستی اولماسندن وسامیه نک ینکهمک هر وقت بر آنه محبت و تقیدی کوستره سندن ایلری کلیورسه ده بن پک اعلا بونی ساده جه سامیه نک عموجهمه عموجهمک ده سامیه به اولان محبت و دوستلنی اثری دییه تلقی ایدیوردم. او وقت کوچوک بر قیزله صاحیلری آغیرمش بر عسکرک آراسنده فکری و صمیمی بر رابطه غایت غریب کورونیورسه ده شیمدی هر شیئی اکلا دقن صوکره پک اعلا بونی ایضاح ایده بیلیورم. ای خاطر لایورم، لطفی بک،

عمجهم وبوتون عاٹھ - ینکھم لطفی بکھ چیقاردی - صمیمی بردوستلق
محیطی ایچنده طوپلانیلان کیجه لر نہایت بولدقدن ، عمجهم ایله لطفی
نک ، بربرلرینه آنجق اوفاق برر سلام ووروب کچمکه باشلادقلری
کونلر کلدکن صوکره بیلہ جمعہ کونلری سامیہ بزہ مطلق کلیردی .
باباسیلہ عمجهم آراسنده پولتیقه اوچورومی آچیلدینی زمانلر اوھنوز
چارشافہ کیرمکہ باشلایان بر قیزدی . جمعہ کونلری عمجهمک بوکون
سامیہ کلہ جک دی یہ تلاشی ، سامیہ نک چارشف ایچنده دھا اوزایان
اینجہ اوزون بویله ، اودہ کیلرہ قارشی آزیجق باردلشن متکبر طوریلہ ،
کوچوک باشی ھوادہ ، دوغرو عمجهمک یازی اوطہ سمنہ چیقیشنی
اونوتاام .

ذاتاً اتحاد جیلر مملکتدہ یواش یواش غائب ایتمکہ باشلادقلری
زماندن بری بزم اولک ، خصوصیلہ کوچوک عمجه زادہ لریمک طوری
نہ قدر دیکشمش ایسہ سامیہ نک کمنہ دہ او درجہ دہ بر عظمت ووقار
کلمشدی . مکتب آرقاداشلرندن ، آنہ سنک سوکیلی دوستندن اونی
آیران بو حسہ رغماً عمجهمہ محبتنی محافظہ ایتہ سی غایت عریب بر
شیدی . اوزمانلر ینکھم « بزم پاشاشویله ، بزم پاشا بویله » تفاخریلہ
طاشارکن سامیہ نک آزیجق مستہزی وپک چوق بارد برتبہ سی واردی کہ
عمجهمک متکبر باشندہ ہر وقت حدتله قاریشیق حورمتکار برشی
اویاندریدی . سامیہ آناسز ودائمابویوک لقردی لرلہ قونوشان بویوکلر
آراسندہ بویومش اولماسندن یاشندن چوق بویوک ، عادتاً کندی نہ صاحب
بر ارکک طوری آلمشدی . شہہ سز دماغی دہ ، عزم وارادت قابلیت لری دہ
بک خادق العادہ ایدی .

فقط بن اوزمان عمجه مك يازى ماصه سنك اوستنده آياغى آياغى
 اوزرينه آلمش ، تونه مش كې اوتوران ، دنياده اك بويوك بيلديكم
 عمجه مه تكليف سز و آمرانه لاقيردى سويلين اتحادجى قيزى عمجه
 زاده لريمك كينه يقين بر كينه بوغمق ايستردم هله دنياده اك يقينلرينه
 بيله يوز آرشون يو كسكدن باقان عمجه مك قدرتلى عسكر چهره سندن
 بو قيزه قارشى كوستردىكى اطاعته بكزر محبت و شفقتى نه آكلارنده
 چكه بيليردم بونلر هر حالده پك كولكهلى حسلردى . چونكه كوچوك ،
 پك كوچوك برچوچقدم . اونسته بويوك برقيزدى . آزيچق صولغون
 يوزنده كى سيم سياده اينجه قاشلى ايله دالغلى سياه صاچلرينك
 كولكه لندردىكى كوزلرينك بعضاً تحفلق ورقنله يانان درينلكرنده كى
 اوزاق ، بارد تحكملردن آزيچق قورقاردم ، ظن ايدرم .

نهايت بر كون ينه بر پولتيقه پاطيرديسى اولدى . حكومت مخالفلره
 يعنى بزه كچدى واوزون ، تهلكهلى ، هيجانلى كونلر كچيردك . عمجه م
 مهم بر موقع صاحبي اولدى . كيجهلرى مملكتهك ايشنى دوزلتمكدن
 اوه كله ميوردى . اتحادجيلرك مهملى اورتهدن غائب اوليورلردى .
 ووتون بو فئالقلره رغماً ، حكومت كنديلرينه كچر كچمز هرشى
 دوزه له جك قناعتيه ممنون كورونن عمجه مده اينجه بر كدر كولكهسى
 اولدى . بو پاطيردى آراسنده لطفى بك ساميه ايله اورتهدن غائب
 اولمشدى . بر قسم خلق حكومت كنديسى اورتهدن قالديردى دييور ،
 كيميى ده كندى كنديلرينه بابا قيز مملكتمدن كيتديلر ظن ايدىيوردى .
 كدرينك بويوك قسمى هر حالده ساميه نك خاطرى ايچون اسكى ارقداشنى
 قورتارمق ايسته يور ، قورتاراميور ، ياخود ذاتاً اورتهدن كندى

کندینه غائب اولمش دوستلری ایچین کدر ایدیوردی . کدرینک بویوک قسمی هر حالده سامیه ایچین دی . فقط بز جمعه کونلری همیزک فوقنده دوران صوغوق قیزک نفوذندن قورتلیدیغیزه ممنون اولدق ، زمان کچدکجه سامیه ایله باباسنی اونوتدق .

سنه لر چابق کلدی کچدی . ۱۳۴۷ سنه سی بوتون ایمانیله یکی عثمانیلر فرقه سی طرفدار ی اولان عمجه م حمدی پاشانک کاتب خصوصیمی یکر می بش یاشنده بر کنج بولدی . مجلس معبوثانده ، بیلم نه دن ، اکثریمزه رغماً « یکی توران » صوک سنه شدله افکار عمومیه نک سوکیلیسی اولغه باشلامشدی . صوک سنه ده فعالیتنی پک آتیر مشدی . یکی تورانک مکتبلری ، مؤسسه لری ، کیجه صالونلری ، فقرا پرور تشکیلاتی ، تکشیر نفوس جمعیتی ، صحت عمومیه قلوبی ، تورک ادبیاتی تورک اولان هر شی طرفدارلری ، غزته لری آزیتدجه آزیتمشدی . یکی تورانی اک چوق کوزه چاریدیران شی بلکه ده تورک قادینی مؤسسائی ایدی . یکی توران قادینلری ده اوقودیور ، قادینلری ده یانی باشنده چالیشدیریوردی . یکی توران قادینلرینک قیافتی ده ساده لشمش ، دیکشمش ، موده یه هیچ موافق دکل فقط یاراندقلری تورک واسلام عالمی ایله پک مناسبتدار بر شکل آلمشدی . شیمدی بزم قادینلرک ایجه ، ظریف ، صنعتکار چارشقلری وتوالتلریله اولرینک بر زینتی ، ارککلرینک غایه عشقی اولقله قالان قادینلریمزه مقابل یکی تورانک خوجهلق ایدن ، جدی صورتده خسته باقیچی بیتیشن ، بر محاربه اولور اولماز عرب مجاهده لری کبی محمدجکلرک یارالرینی صارمغه کیدن ، اردونک دیکیشنی دیکمک ایچون قادین

اعمالآتخانه لرنده چالیشان ، اسكى تورك اينلمه وصنايعنى يکى تورانه تطبيق
ايچون اقتصادى ، انسانى ، علمى وبيلممدها يوزدورلو چالیشان آقین آقین
قادينلری واردی . برسوسدن ، قيمتدار بربيلودن بردن بره مفيد ، چالیشان
برعضوجمعيه ، برآنا ، برآرقداش ، برهرشى اولان بوقادينلری اعتراف
ايدرم كه تقدير ايدى يوردم . فقط هيچده كوزل بولما يوردم . آرقه لرنده
اسكى تاتار توركلرينى خاطرلاتان بعضاً قورشونى اوزون بر مانطو ،
باشلرنده بياض ، يوموشاق بر اورتو ، آياق لرنده ساده ، قالین آياق
قابيلر ، اللرنده ايش طور به لری ايله وطن وچو جو قلدن باشقه بر
شى حس ايمه ين بو قادينلرده يکى عثمانيلر فرقه سى قادينلرينك جاذبه سى
بولما يوردم . فقط يکى توران له برابر بنجه مضر اولان پولتيقه لرى
خلقه خوش كوستر نلر بوقادينلردكلى ايدى ؟ صوك سنه لرده يکى تورانى
او كمزده كى انتخابانده قازانه حق كې ظن ايندين قدرت بوقا ينلردكلى
ايدى ؟ ايشته مضر بر پولتيقه يى خوش كوستره جك اولدقلى ايچون
مملكه تنك بوقيلزلى بوتون فداكارلقلرينه ويو كسككلرينه رغما سوميوردم .
طبيعى مقصديمزه ايريشمك ايچون قوللانديغمز وسائلك چركينه كنه
باقمقسزين ، ياواش ياواش ، يکى توران عليه نه قادينلرينك ايلرى كيتمش
اولماسدن طوتدیره رق خلق آراسنده پروپاگاندايه باشلادق . بوپك
جاهللىرى بزم طرفه آمله برابر عقلی باشنده لری اقتاع ايدمه دى . بر
محله يوقدى كه فقيرى ، خسته سى يکى توران قادينلری فقرا پرور
تشكيلاتنك برى طرفندن بالذات باقلمش اولماسون ؛ بر محله يوقدى كه
مكتب پاره سى ويره ميه جك قدر فقير اولانلر چو جو قلدن يکى توران ،
آجدينى مكتملر ك برنده مجاناً او قوتماسون . بر محله يوقدى كه اوراده

یکی تورانك بنا ايتديرديكي ساده ، سالاش برصالونده بوقادينلرك اداره ايتديكي ، چوجوقلره ديني ، اخلاقي ومفيد معلومات ورن بر جمعه مكتهي اولماسون .

بعضاً جمعه كونلري بزم محلهك كوشه سندن چركن بو جمعه مكتهك قايسىنى آراق بولورسم ، باقاردم . هر وقت اوزون ، جدى يوزلى ، بياض باش اورتولو ، سياه جبهلى بر قادين ، چوجوقلرك قارشيسنده طاتلى بر سسله اخلاقي بر حكايه سويله ديكني ، ياديوارده كي تحته بر حيوان ، بر اشياء نبات رسمى چيزديكني يا خود چوجوقلره بر ال ايشي ياپديغنى كوريردم . بو جمعه مكتهلري هله استانبولده اوقدر چوغلماشدى كه يكي عثمانليلر بيله چوجوقلريني اوزالره كوندرمكه باشلامشلردى .

ايسته هپ خلقك مادي ، معنوي روحه كيرمكه باشلايان يكي توراني كوزدن دوشورمك ايجون قادينلري علمه ياپديغمز پروغاندا بو سببلره بر تاثير اجرا ايمدى . صوكره باشقه وفقا بر يول طوتدردق ذاتاً بزم پولتيقه مزده بو ابدى بر واسطه دكلمي ؟ قادينلرك بوترقيسى ، قادينلرك هر ايشه كيرمه سي وبوكامائل بر طاقم احوالك اسلاميه دو قونديغنى ديلزه دولادق . ظن ايدرسه بونده ده ازياده موفق اولمغه باشلا . مشدق . فقط ايشك عجيبي بز كويادينك مدافعي اولديغمز حالده اونلر بزدن زياده دينداردى . يكي توران مكتهلري ايلك شديد متعصب شكلى آتمش اولمقه برابر رسمى مكتهلرك تشديرديكي دينسز كنجلره مقابل تماماً مدنى اولمغى اسلاميه مغاير كورمه ين ، بوتون وظائف حياتيه لري ومدنى اكلنجه لري آراسنده بيله عبادته ير بولان حقيقى

دیندار، بر آلائی یکی توران کنجی واردی. حالبوکه مکتبلی رسمی مکتبلر قدرده علوم دینیہ اوقوتنادینی حالده اورالردن یتیشن بوتون دینه لاقید کنجلی یکی توران مکتبلی یتیشدیر میوردی. فقط عوام و جاهل خلق ظاهر پرستدر. دینی، قومشوسنک هر حر کتنه مداخله و صرف هر مدنی شیئه قارشی بر دیوار بیلن جاهل طاقه بویکی یتیشن کنجلی دینسر کوسترمک قابلدی. اونک ایچون موفق اولمی امید ایدیوردق.

عموجهم بو آراق پک عصیلش یوردی. « بودفعه جدا آازانه جقلر، صوکره فلاکت؛ ایشته بو اونی چیلدیر تیوردی. بودوغر و عسکری، فکر نجه مملکتک اضمحلالی عد ایتدیکی بو پولتیقه صاحبلینی موقع اقتداره کلمکدن منع ایچون هر شی یا بغمه حاضر حتی باشقه یرلرده کوچوک و شایان نفرت عد ایده جکی وسائطه بیله متمایل کوردم.

بز بو پروپاغاندا ایله اوغرا شیرکن ا کمکمه یاغ سورده جک بر حوادث اورته ده چالقامغه باشلادی: یکی توران قادینلرینک بعضیلری اسکی عرب مسلمان قادینلری کی اجازت آلوب جامعه درس ویرمک ایسته یورلر مش، ویریورلر مش، مش مش! بیک سنه اول پیغمبر وقتنه ده یقین بر زمانده قادینلرک یاپدینی بر شیئی بیک سنه صوکره دینه مغایر دیه کوستره بیله جک حالی بولمق شایان افتخار اولما مقله برابر ینه بوندن ده استفادیه قالدیشدق.

« یکی توران » یوردلرندن برنده بر قادینک منتظماً موعظلر ویردیکنی خبر آلدق. بونک ارن کوینده اولدینی تحقیق ایتدم. جمعه کونی سویله یه جک وعمومه سویله یه جک دی. بو، طبیعی یکی انتخاباتده

یکی تورانه قازاندر مق ایچون دی. همان بونی خبر آیر آلمازیولی طوتمد.
حیدر پاشا واپورنده مکتبه ایکن طانیس اولدیغم شدله یکی
توران طرفداری برقاچ کنج کوردم. بونلردن برینک یانه یاقلاشهرق
بویله انتخابات حقنده لاقیردی سویله مک اقتداری و جسارتی کندیسنده
بولان قادینک کیم اولدیغی صوردم. خطاب ایتدیکم کنج، ارض رومده
بر کوچوک قضا قائممقامی صبیح اسمنده بر چو جقدی. سؤاله، یاری
حیرت، یاری استهزا ایله قاریشیق بر کوزلرینی آچدی:

— فقط بوکون لاقیردی سویله جک اولان بزم باشوغ اوغوز
آراده قیاده لاقیردی سویله یور. قیای هیچ ایشیتمه دکمی؟

— خایر، مونشر، هم باشوغ ندر، شو سزک «لیدر» می؟
اونکده یکی تورانی داماری قیاردی. سرتجه:

— بر کره مونشر دیمه، رجا ایدرم. بویابانجی کله لر سیکیره
دوقونیور. صوکره قیای بیلمه دیککه همان همان اینانیه جغم کلیور.
اوغوزی، شکر، بیلورسک.

— نه بیلهیم بن! شیمدی جبه مسخره لغی آلتنده طاش، قیا،
کوک، آی خلاصه طبقات ارض و علم نجومدن آلتش اسملرله برچوق
عجایب یکی توران قادینی وار.

صبیح قورناز بر میسیونر وضعیتی ایله باشنی صالادی:
— تورکلکه عاڈ شیلری، اصل تورک قادینلرینی بیلمه مکی بیله
سنک کبی کنج لر بر فرقه مسئله سی یاپارسه ماما کته جدآ یازیق.
— کس عزیزم؛ اوفکه لندیریرسه ک مونشر بیله دیرم، سزک شو
مشهور طاش خاتونمی، قیا بیکم می ندر، اوکا کل.

— سویلیه جک پک چوق شیئ یوق ، عاصم، دیدی. شو صوک اون سنه ظرفنده یکی توران قادینلرینک فعالیتنی کوریورسک یا، ایشته بونلری برآز دها کندیکه مال ایدرده یقیندن تدقیق ایدرسک اک اهمیتلی حرکتلرک اطرافنده دائماً قیابی کورورسک . قیا اک اول ارضرومده آچدینی یکی توران مکتبلری ایله آرامزده طانمغه باشلادی. کندیسنه یاردیم ایدن بش آلتی قادین ایله ارضرومده ایلك یکی توران مکتبنی آچهلی اون سنه اولیور. بوکون اوراده اون بش بکرمی قدر یکی توران مکتبی وار.

— مملکتی مزارینه سوروکلیه جک فنا فکر یوالری! اولدقلری یرده هپسینی یاقالی. شبهه سزکه، بوتون تدریسات یاشاسون یاشاسوندن عبارت! دیه خورداندم.

صیبح، مساحه کار و بیوک:

— بالعکس ، دیدی ، هان هیج پولتیقه یوق . عملی صورتده زراعت، چوجوقره لازم اولاجق قدر معلومات ابتدائی و اک چوق صحت و صحتلرینک الزمیتی اوزرینه بنا ایدلمش تدریسات جمعه کونلری سینهماتوغرافله چوجوقره و کویلو قادینلره اک ابتدائی طرزده صهی، عملی، زراعی قونفرانس لر.

— آکلادم، تسکیر نفوس وتورک کویلوسی جمعیتلری پروپاگانداسی آلتنده ینه نه یایوب یایوب یکی توران پولتیقه سی.

— پک اعلا ، اولسون . سن قیا ایچون معلومات ایسته دک ، شمیدی ده سویلتمیورسک ، اگر مرامک پولتیقه قوغاسی ایسه ، نیتیم یوق.

صوکره ینه مستهزی :

— موقع اقتدارده کی یکی عثمانلیلرک بویوک سیاسی حمدی پاشانک
یکنی ایله قوغا ؟ تکریم صاقلاسون ! بوبلکه بکا موقعی بیله غائب
ایتدیرر .

صبیح ایله آدم عقللی لاقیردی ایدهمیه جکمزى آ کلاینجه صوصدم ،
صومورتم . صوک زمانلرده ایکی فرقه آره سنده کی کرکینلک او قدر
آرتمشدی که ایکی فرقه یه منسوب ایکی کنج بررینک غرتلاغنه آتله دن
هان هان لاقیردی ایدهمیوردی .

برآز صوکره ، بزم محاوره مزى دیکله ین دیکر بر کنج ، بزم
چوق صورمق ایسته دیکم بر سؤالی صبیحه صوریوردی :

— قیا کنجی ، کوزلمی ؟

— خایر ، اوتوز بشلک بر قادین .

— اولیمی ؟

— خایر .

— کوردکسه تعریف ایت .

— برآز صبر ایت ، کوره جکسک . فقط ناصل اولیورده سز

استانبول کنجلی اوئی بیلمه یورسکیز ؟ قیا بر سنه در استانبولده ،
کیرمه دیکی جمعه مکتبی ، دولاشهادینی خسته خانه ، مکتب یوق .

— پکی اما چارشفلی قادین چوق .

— خایر ، قیا چارشفلی ، اینجه خانلردن دکل .

— ها ، شو خوجه قیافتلی جبهلی قادینلردن .

— اوت .

— يکي اما جبهه ليلرده ايجه چوغالدى . آللر نده يافته يوق که
چوجوق هانکيسي قيا ، هانکيسي ، طاش ، آي ، ييلديز بيلسون .
بوصوك جمله بندن . فقط واپور حيدر پاشايه ياناشمغه باشلاد يغندن
صبيح اوموزيني سيلكمکه اکتفا ايتدى وترنده پك بللى برچکينيشله
يانمده کي قومبارتيانه کيتدى ، اوطوردى .

استاسيونله «يکي توران» يوردى آراسنده اون اون ايکي دقيقه دن
فضله مسافه يوقدى . بوني بن آرابه ده ، واپورده کي يکي توران کنجلىرى
ايسه يوريه رك کچر کن دوشوندم . بونلرک اڭ زنکيني بيله شهه سز
آرابه به ينمه مکى عادتاً «يکي توران» اساساتندن عدايد ييوردى . يکي
تورانک بر چوق باطيردى ايتديکي اقتصاد مى جمعيتلىرى ، يالکيز
کوچوك امنيت صندوقلى آچقله قالمياور ، هر يکي توراليمده هر دقيقه
قطعى بر فکرى وحيات مقتصدانه ياراتمغه چاليشيوردى . عادتاً بو ،
تکشير نفوس ويکي توران زراعت جمعيتلىرى قدر اجراى نفوذ
ايد ييوردى . هر حالده بر قسمي جدى قناعتلره مستند اولسه بيله بويوك
بر قسمي ده بوني صرف بر کوسته ريش ، بر مودا ديهه ياپيورلردى .
يکي تورانه منسوب اڭ زنکين بر کنج بيله مثلاً بر کون توقلتليانده
يمک ييه جکمه مطلق اڭ او جوز يکي توران قيرياخود شهر لوقطه لر ينک
برنده ساده بر پارچه ات وپلاو بير ، قوميصنى ايجر ، کيدردي . بيلمم ،
بوتون بکا او وقت مبالغه کار کلن بو شيلرک هپسى بو کون تورکلرده
حسن اقتصادى و فعاليت اقتصاديه يي چوغالتمغه ، هر درلو تشبثاته تورکلرى
سوق ايتمه سبب اولديغى اعترافه مجبورم . فقط ۱۳۴۷ ده بکا بونلر
کوسته ريش و جان صيقه جق شيلر کي کليوردى . بله که هر شيك باشلانغيچي

بويله در. حاصلی ، يکي توران کنجلى صانکه آرابيه بينمه مکه دنيا ده
 الك خارق العاده قهرمانلق ياپورلر مش کي قوللريني صاللايه رق ، بنده
 آرابه ده صانکه اسکی عثمانلی تورکنک اک کزیده بر افندی اساسانه
 صادق بر کوچوک بک وضعیتی ايله آرابيه قورولمش اولديغم حالده
 يکي توران يوردينه واصل اولدق .

ارن کوي يکي توران يوردي ، يوردلرک ايايلرن دن معدوددی .
 چيچکلر و چمنلرله سوسلنمش بر باغچه اورته سنده اوستندن بر قسمی
 جاملي وبوبوك ساده بر بنا ایدی . اوست قسمندن باشقه هرشي اخلاموردن
 ياپيلمش ، قاپيلری سلچوق تورکلرينک اويما لريله پک استادانه دکلسه
 بيله جداً پک شخصي و خصوصي صورته ايشلنمشدی . بو يوردلرک
 بوکي تفرعاتی تورک صنايعی احيا ايجون اوغراشان يکي توران کنجلى
 طرفدن ياپيلوردي . بو قاپيلرده کی يازيلر آلتنه دائماً « يوردينک
 چوجوغی فلان فلان ... » ديه امضا آندقلرينه دقت ايتدم .

باغچه دن کيرنجه کوزه چاربان شی هر طرفی اورتن ، آغاچله ،
 صارماشيق و چمنله دولمش نهايت سر ، صولاق ، مبذول بر يشيلک دی .
 يوردک کنديسي اورته ده مستطيل ، هوا وزمانله آزيچق اسمرلشمش ،
 اسلوبک سرت دنيله جک درجه ده سادکيسي و دوزلکی ، اوزرنده کی
 قانی و پنجره لرینک اينجه صنعتيله — يکي تورانليرک ساده لک و چيرکينلک
 مبالغه لرينه پک ويرمديکم — برسهای هویتی اولان بر بنا ایدی . ايکی
 اوچ باصا ماق طاش مردیوندن صوکره آجیق قاپیدن کيرن آلايله
 بنده ايجری به کيردم . قاپينک اوکنده بنالک درينلکينه دوغرو
 اوزانان برقره طاش دهليز ، اورته لرندن ايکی طرفه ايکی بوبوك قانی

بری ایچ ایچه اولان قرائت و کتبخانه و اوتہ کی قونفرانس سالونہ اچیلوردی .

قرائت سالونندن ایجری کیردم . اولا بوراده کی غرابته کولمک ایسته دمسهده بوغرابتهده خصوصی برکوزلک اولدیغنی اعترافه مجبور اولدم . قرائت سالونی ده مستطیل ونهایی پرده لرله کتبخانه اچیلیر بویوجک براوطه ایدی . ایکی طرف باشدن باشه عینی ساده تخته اوزرینه اویولمش ، تورک خالیریلہ اورتلش ، آچاق ، اوزون یایی کروترلہ دوشنمشدی . بوکروتلرک اوستنه اسکی تورک ایشلریله یاییلمش یاصدقنر آتیلمش ، اورتهده ینه باشدن باشه عینی تخته دن بر رحله قدر آچاق واوزون ماصه اوزرینه برچوق کاغدلر وکتابلر براقلمشدی . ماصه نک اطرافنده هیچ صاندالیہ یوقدی . ذاتاً بوراده صاندالیہ اوطورنجه ماصه یه بلی ایکی بوکلوم اولونجه یه قدر اکیلیمک لازمدی . اورتهده ، کوزل قویو برخالی اوزرنده برآز دولغون ویوکسکجه برچوق مندر ، اوتہ یه بری یه آتیلیمشدی . هپسنگ اوکنده ینه اویولمش ساده تخته رحله لر واردی . بومندرلر اوزرنده وکروتلرده صارقلی ، صارقسز ، فسلی ، فسسز ، قیلجلی ، قیلجسز برچوق کنج ، اختیار آدم . کیمیمی رحله اوزرینه قوبدینی کتابه اکیلیمش ، کیمیمی النده کی غزته یه دالمش ، اوزون ماصه اوستنده ینه مندرلرده ، برچونغی ده دیرسکلرینی ماصه یه دایامش ، رسملره باقیورلردی . کرک بوماصه لرک بعضاری اوزرنده کی اسکی ایشلردن یاییلمش اورتولر ، کرک پنجره لرده کی عینی صنعتله واسکی تورک بدیع رنگلریله ایشلنمش پرده لر ، هپسی ، اویمالر ناصلسه اونلرده اوله امضالی ایدی . هپسنگ آردنده یوردک

قیزی فلان فلان دییه قادین امضالری واردی . سالونک اوزرنده کی
 جاملر قرדם، یومشاق بروسه بزلرندن پرده لرله صیقیجه اورتولمشدی .
 فقط بورادن نشئه لی و صحنلی آچیق برضیانک کیرمه سنه مانع اولنماشدی .
 قرائت سالونک نهایتنده یاریم آچیق کوردیکم کتبخانه ده باشی
 صیقی صیقی اورتولی ، قورشونی جبه لی کوچوک بر اختیار قادین برماصه
 ناشنده سسسزجه بر شیر یازارق، اللرنده کتاب ، بر بری آرقه سنده
 سکونتله بکله ینلری قید ایدیور ، کتاب داغیتوردی . بو کون بوتون
 بوتقرعانه کیریشمه م بکا بو یوردک استانبولک باتقه طرفلرنده کوردیکم
 یوردلردن دها جدی و منتظم سیاسی اولدیغنی حس ایتکلیکمه انضمام
 ایدن بوراده لاقیردی سویله یه جک قیا حقنده کی تحسسم بوتون
 کوزللیکلری وهرشیده آریستوقراسی نی احا ایدیورلر دیه یکی تورانه
 قارشى دویدیغم حدت ونفرتک فوقنده اولماسندندر . اکر اورته ده کی
 یووارلاق مندرلر یینه آرقه لی قولته قیلر قویمش اولسه لر دی شهه سز
 استانبولک الکراحت وکوزل قرائت سالونی بولدیغنه ایچمدن حکم
 ایده جکدم .

اطرافه باقینیرکن ، چهره لری تدقیق ایدرکن قاپی یه یاقین مندرلردن
 برینک اوستنده دیز چوکمش ، کوزلری رحله یه معطوف ، ساللانهرق
 برشی اوقویان کوچوک صارقلی بر اختیار نظر دقتمی جلب ایتدی .
 عادتاً اوطوروبده رحله ده اوقونه جق قدر یوکسکجه اولان بومندر
 اوستنده خواجه افندی رحله یه دوغری یوکسلن بلی ایله غریب
 کورونیوردی . براییک آدیم آتدم . بر دنبه خواجه یی طاییدم . بو
 بزم محله نک امامی ، النده بویودیکمز ، هر رمضانده عمجه مه افطاره

کلن فیضی افندی ایدی . فیضی افندینک اولا اتحاد و ترقیه شیمدی ده
 یکی تورانه متایل اولدیغنی عمجهم بیلورسه ده فیضی افندینک ملک
 کبی حلیم و طاتلی بر آدم اولماسی بلکه ده وقتيله لطیفی بک قیزی سامیه یه
 قرآن خواجه لغی ایتسی ، اوکا قارشى عمجه مده دائماً برحس مسامحه
 بر اقمشدی . همان یانه دوغری کیتدم . جبه سنک قولندن چکدم .
 بنی کورنجه اولا برآز شاشیر بر کبی اولدیسده ینه بنمله برابر بانچه یه
 قدر کلدی .

.. ماشالله ، عاصم بک ، سز بورالرده ؟

— ماشالله ، امام افندی ، سز بورالرده ؟

اختیار کوزلرنده برچو جوق سوينجی ایله کولدی .

— شیمدی بکا آ کلات باقهلم ، بوراده قیا اسمنده بر قادن

آراده نطق ویریورمش ، بوکیم اولیور ؟ هم بوراده سز ، قوزوم ،

— برآز صبر ایدرسهک ، اوغلوم ، نه یاپدیغمزی کورورسک .

یاواش قونوشهلم . هرکس بزه باقیور . کل ، قونفرانس او طه سینه

کیدهلم اوراده قونوشورز . ذاتاً باشلامق اوزره .

امام فیضی افندی ایله دوندک ، قونفرانس صالونه کلدک . بو ،

چیپلاق ، بویوک تخمه صیره لر دیزلمش بریردی . یکانه کوزله کی دیوارلر

و یرده تکمیل تخته لر اوزرینه تورک صنعتکارلرینک ایشله دکلری

چیز کیلردن عبارتدی . نهایتده کی کوچوک صحنه یوموشاق ایکی ایپک

قرمزی سنجاقدن پرده لرله آچیلیور . نهایتده ، یانه اوزانان یشیل

یاپراق لرله بریانو ، اورته ده ساده ، یوکسک بررحله دوریوردی .

بوتون بوصار متراق ، ایشلنمش ، تمیز تخته لرله قیرمزی سنجاقلرک

اتحادى ، قرائت سالوننده کى بزرگ قويويشيلاندىن پردلر چکيلن جام
طاواندن سوزولن لوشلق ، روحى بردن بره آلايشندن صويان چيپلاق
صاف وتميز بررنك آهنگنه بوغيوردى .

سالونه کيرنجه يان طرفدن ، باغچه دن برقاني اولديغنه دقت ايتدم .
اورادن ايجرى کيربيورلردى . تلاشله اوڭ صره يه قوشيدم . برير
بولوب صيقيشدم . فيضى افندى ، متبسم ، آياقده دوربيوردى .
— بن آرقه يه کيده جگم ، اوغوزى او قدر سنه دن برى طانيورم که
ياقیندن کورمکه حاجت يوق .

— يا ؟ ديمک اسکيدن بيلورسکيز ، امام افندى ؟

— اوت ، حتى او قادار مراق ايتديکک قياي بيله .

— ديمک قيا اصل بزم محله دن ؟

فيضى افندى جواب ويرمکه وقت بولامادى . دها اوتيه کچمک
ايچون هر کس کنديسنى ايتوب ايلريلورلردى . عيني تبسمي ايله :
بيتدکدن صوکره قونوشورز ، اولاد ، ديدى ، چکلدى .
اون دقيقه صوکره سالون خنجا خنج دولمشدى . بنده ،
کوزلرم صحنه ده ، برزمان ايچون شديد برانتظاردن باشقه برشى حس
ايمه يوردم .

چوق بکله مدم . اولابش آلتى مولوى ، اللرنده نى لرله کلديلر .
آرقه لرنده اون ايله اون درت ياش آرالرنده ، ينه مولوى قيا فتنده
اون ايکى چوجوق صيرا ايله ديزيلديلر . اللرنده اوفاق نوطه لرى
واردى . يکى توران ، موسيقيسنه ، خصوصيله دينى برشکلده اولورسه ،
مطلق مولوى برسيا ويربيور . موسيقيده ، معمارلقده دائما منبع

الهامنی سلاجوقیلره قدر یوکسلیتوردی . بونسکه برابر یکی موسیقی شناسلرندن برینک ملی شرقلری . الهیلری ودراملری بواجبه، اسرار انکیز صوفی عناصریله برابر ، بیلمن نهدن ، بردن بره ، بوقدر سنه بوقدر اجنبی نفوذ و تأثیرندن صوکره دیلنی بولان مرد، وحشی، سرسری وقوی بر تاتار ترکی سسنی، نفسنی، کتیریوردی . فی لک انجه، د: بن بر مقدمه سندن صوکره بواون ایکی کنج تورک کوکسندن مختلف سسلره آیریلهرق کوزل بر آهنگ یاپان بوتازه روح شالاله لریله یکی توران، بوتون، بوتون بنالری، قادینلری و مؤسسات اجتماعیه سی ایله روحنک چپلاق ساده لکسندن قومش بر نغمه نفخ اییدیوردی .

یکی تورانک ، خلقک تا روحنی قازانق ایچون حیلهدن عاری کورون بوموسیقی مقدمه سیله نه یادیغنی ، انسان وملت دنیلن شیدک روحنک باغلرینی ناصل بیلدیکینی درحال آکلادم . اسکی تورانک چوجوقلرینه قاریشه رق وجوده کتیردکلری عثمانلی تپنه اهمیت ویرن، اونک هویتنی محافظه ایتمک ایسته ین بز یکی عثمانلیلر ایله بواجدادینک باشلادیغنی خط مستقیمه دوغرو یوله چیقاراق اورادن تکامله یورومک ایسته ین یکی توران چوجوقلری آراسنده کی فرقی بوتون قدرت و حقیقتی ایله او کون آکلادم . بو کوزل ، پوروزسز سسلر ، فی لرله برابر روحلریمزده ، دماغمیزده ، محیطمیزده چارپنهرق تا کوکلره چیقارکن بخده اجدادیمک اسکی یولی ، اجدادیمک اسکی روحی چاغیریورطن ایتدم . فقط بن او اسکی ترانک آنا بولندن چیتاراق عثمانلیلق دنیلن خصوصی یوله یورون آرقداشلرمدن ایرلماغه قرار ویردم . او یول، حواسمی، روحی، بوتون وارلغمی چاغیرسون، کیتیمه جکم، کیتیمه جکم؟

حالا بوکون اولورکن او سسک ، او اسکی توران یولنک بنی
 چاغیران درین ، چپلاق عکس صدالرینک روحده کی متین عثمانی
 اعتقادی قایلرینی دووب اویدیغنی، ییدیکنی دویورم. فقط کیمه دم،
 کیمیه جکم ! بیلیم بونم عرقدن ناصل اولوبده قوپدیغنه شاشدیغم
 هیچ قوتی غائب اتمین موسیقی ایله برابر « یکی توران » شرقیسنی
 بوکونکی کی ایشیدیورم. فقط او کرن توران، قلبی او قدر شدتله
 چکرکن ، پک عجیب اولارق، بونلرک حیاتک منبعه کیدن مقصدلری
 یاننده صرف پولتیقه کی کورون بزم مقصدیمزده بردن بره ده
 بونک وبوکسک برغیه کورور کی اولمشدم. بوتون موجودیتلره
 تاباتاندن حیوان، انسان و عرق و ملت وارانجهیه قدره پسک کمدیلرینی
 محافظه ایچون ، مبارزه حیات صحنه سنده ، ادامه نفسه اک زیاده لایق
 اولق ایچون کیریشدکلری فعالیتلری کوردم. اونلر ناصل تاسکی عرقه
 عودت، تورانی محافظه ایتک ایستیورلرسه بزده عثمانی دنیلن بویکی
 شی ایچین چالیشوردق. مطلق بونلردن بری اوته کنی یولندن چویروب
 کند یولنه آلمه سیله بومبارزه بیته جک، اورته ده توران یاخود عثمانی
 قاله جقدی. فقط بونلرک ایکسی ده مساوی قوتده قالان وداوما بربریه
 چارپیشان ایکی غایه نك ، عثمانی وتورک غایه سنک، بربرینی احما ایدوب
 بر یوزندن قالدیردقلرینی بر آن ایچین کورور کی اولدم. بو اوقدر
 آجی بر آن اولدی که بنی چاغیران، چکن تورانه کیریورم ظن ایتدم.
 فقط ، خایر ! یالکمز ، بن خایر دیرکی روحک اک مقاوم زنجیرلرینی
 تورانک یولنده یورویوب یول کوسته رنلری چکیورلردی:

« ای یکی توران، سو کیلی اولکه، سویله، سکا یول نره ده؟
 « آلتی یوز ییل وار، ییانجی ایلرده، اراق یوللرده صوسز
 یایلار، کولکه سز طاغلرده کزدک؛ قوراق، چوراق
 اولکه لرده قوراق، چوراق آغاچلر کی قورودک. سویله،
 سنک جان ویرن براق ایرماغک، یشیل یوردک نره ده؟ »
 « ای یکی توران، سو کیلی اولکه، سویله، سکا یول نره ده؟ »

چو جوقلر چوقدن چکلمشلردی. فقط بوتون، بو، نفس بيله
 آلامدن، عرق ویورد چاغریشی روحلرینک بوتون محیط وهواسنده
 دویان خلقله برابر بنده نردن کلدیکنی بيلمديکم بر سسله ایچمدن
 هایقیریور کی اولدم:

« ای یکی توران، سو کیلی اولکه، سویله، سکا یول نره ده؟ »
 سوکره بردن بره ملتک تابندکندن قوپان بر آلقیشله اویاندم
 وسیلکندم. صولده کی لوجه لره برچوق یکی توران قادینلری، برطاقمده
 چارشفلی قادینلر کیریورلردی. باشده کی بویوک لوجه یالکز بر
 قادینک کیردیکنی و بو قادینک کیریشی یکی توران کینجلرینه حرمتکار
 بر وضعیت ویردیکنی کوردم. نردن یانمه کلدیکنی فرق ایدمديکم
 صبیح:

— باق، دیدی، ایشه شو برنجی لوجه یه کان قادین یکی توران
 قادینلرده اخلاقی، اجتماعی بر انقلاب یاپان، قادینلری بر اوت، بر

ماکنه خالندن چیقاروب اُرککلره تمیز ، چالیشقان بر آرقداش ،
چوجوقلره و بوتون مملکته بر آنا ، بر مربی یا یق ایچین چالیشان قادیندر .

همان باشمی چویردم .

اوت شیمدی آرتق حواسمک بنی کوتوردیکی کریودی دویار
کبی دماغمک اک صوک قوتیلله مقاومت ، عصیان حاضرلانیوردم .
یکی توران تورکیسک عکسی نه قولقلردن نه قایلردن کیمه دن اوزون
بویلی بر قادینک بولوجهیه کیردیکنی کوردم . ایلاک حسم ، هیچ قادینه
باقادن ، بویک شخصی یورویشک معناسی کشف ایتک ایچین درونی
بر مجادله اولدی . یول ، اوزون جهه سی آلتده اوزون وجودینک
تموجی عجباً بر قادینک نازی رفتاریمی یوقسه بوتون فیرطنه لره قوی
وسوکولمز بر سازک ، طبیعتک لسان و اوضاعیلله مقاومت ایدن دالغایریمی ؟
دیه دوشوندم . صوکره ، روح اوکا دوغرو کیمدکجه ، ایچمده ضعیف
بر اورپر مه حاصل اولدی . تاریخ اسلامده امثالی چوق ، فقط تورک
تاریخننده کورولمه مش بر شی ، بر قادین نمونسی قارشیسنده ایدم .
قادین ایلرلرکن قیافتی او قدر اسلامک روایات و اعتقاداتیلله متناسب
کورونیوردی که بومئلسز حادثه حضار آراسنده بکله دیکم بر کوچوک
عصیان یا خود حیرت حاصل ایتمده دی . آرقه سنده تا آیاقلرینه قدراینن ،
و ، بول ، اوزون قوللری اللرینی اورتن ، دیزلرینه دوشن یوموشاق ،
قورشونی بر یوک جبه واردی . اطرافنده او یاندیره جنی هر درلو حسه
قارشی قدرتلی فقط ساده شخصیتی بی حس کبی ، قطعی آدیملرله یورورکن
اینبه ، اوزون آیاقلرنده بعضی توران قادینلری کبی یوموشاق بر دریدن
فقط تماماً تورک کویلو سی کبی یاپلش بر چفت چاریق اولدیغنه قانع

ایدم. قادینک بوتون اوضاعی کبی آیاقلرندهده تا طبعندن، ایکی بیک سنه اولیکی اصل توراندن کلن کورولتوسمز، طبیعی بر قدرت واردی. بوتون بوهیئت عمومیه نك قدرت ساد کیسنه اشتراك ایدن باشنده سرت فقط قصورسبز بر خط و معنا کوزللیکی بولدم. دوشوک و قوتلی اوموزلری اوستنده اینجه واوزون بوننک طاشیدینی باشنک اسککننده خلقت اک اینجه قلمارله اوینامشدی.

بونک اورتولوشنده کی سادکی و قدرت ! آلتنک صاچ خطنک آلتندن قولاقلرینی وچکه سنک آلتی چورهرک یالکیز براز یوارلاجه یوزینی میدانده براقان بر بیاض بروسه بزی اوموزلرینه ادعاسز فقط کوزل قیوریتیلرله دوشیوردی. بر تل صاچنی بیله آچقده براهه دن یوزینی بوتون قابلیت قدرتی ایله کوسترن بویض اورتو اورتیسنده بوتون نظر لردیکلیدی. تنی بیاض، رنکسز؛ فقط کونشده هواده دولاشمقدن آلتونی بر زنکینلک آلمش. قاشلری سیاه، اینجه، قامله چکلمش؛ صوکره آلتنده اوزون سیاه کیرپیکلر آراسنده بویوک، بر آزدونوق فیروزه رنکسند ایکی مائی، مصر و قدرتی نظر .. باقیشنده قطعاً قادین، ارکک، انسانه جنسیت خاطرلاتان برشی یوقدی. بوایکی کوز، قوتندن بی خبر اولدینی ایچون غیر قابل مقاومت ایکی اسمسز قوتدی! حس ایتدم که یکی تورانک، حتی بر آزده کندیمی قاتیشیردم، بوتون یکی تورکیه نك بوقادینک ایکی مائی کوزنده تورکیه نك هنوز بیلنمه یین روح و دماغ قابلیتلرندن بحث ایدن بوایکی ضیاسندن قوتلی نه طوبی نده توفیقی وار! بووقور و معظم آلتی و کوزلری آلتنده بر زمان صوکره کوزل بر بورنی، یמושاق، مشفق، رنکسز قادین دوداقلری

اولدیغنه دقت ایتدم . چکهک اطرافندن چهرهک وقور اسکلتی وجدیتنی سودیرن ، کولمکه ، آجیمغه ، بوتون انسانلره روحنی آچغه فدا ایتمهک او قدر حاضر ، کوزلیموشاق چیزکیلر واردی . بوقدرتک یکی توران ایچون نه اولاجغنی دوشونه مدن اونک بوتون حضاری آریان ، دین نظرلریله قاریشدیغمی حس ایتدم وایچمدن بونظرلری طانیق ایسته ن بر اذا دویدم .

فقط قادینله داما فضله مشغول اولمغه وقت قالمادن یکی توران فرقه سنک رئیس اوغوزک صحنه یه کلدیکنی کوردیم . عمرمده ایلك دفعه اولارق عمجه مک هویتی قادار برهویتله قارشى قارشى یه کلدیکنی وایلك دفعه اولارق یکی تورانک ، یکی عثمانلی فرقه سی رئیسى حمدی پاشایه معادل بر رئیس بولدیغنی حس ایتدم . بو ، اورته دن اوزونجه قوتلی اوموزلی فقط کیمکلی ، اوتوز بش ایله قرق آراسنده برآمدی . قوتلی چیزکیلری ایله ، قوتلی اعضالریله کیمکلی ، بویوک ، قیرصاحلی برایشی واردی . اک چوق ، برآز چکیک ودرین یشیل کوزلرنده عناد ، یوموشاقلق وعزم انسانه چاریوردی .

آرقه سنده ، بوتون مودایه ویکیلکه میدان او قور کبی یاقه سبز بر کوملک ، یوموشاق تورک قماشندن بولجه قورشونی ، ساده برقوستوم واردی . قطعی آدیملرله اورته یه کلدی . الی رحله یه دایادی وبرزمان افکارینی اکک ایسته دیکی زمینی ، حضارک روحنی کوزلریله پاموق آتار کبی ، تارلا سورر کبی قاریشدیردی . بونده ، بوساده وقوتلی آمدمه آتیلارک ، جنکیزلرک ، تا ایلك تورکلرک اک ابتدائی ، سرت ، جدی طبیعت و هویتلرینک صوک درجه تکاملنی بولش بر تمثالنی ،

غايه سنه ايرمش ، شکل قطعیسی آلمش برتورك املنی کوریبورم ظن
ایتم وینه کوچوک بردقیقه ایچون ، یکی عثمانلیردن دکل برتورك ،
تورانك اك صحیح بر چوجنی اولدیغمی دویدم . فقط بو یکی حس
و هیجلك تأثیرینه قایلهرق اعتقادتمی صارصامق ایچون ایچمده کی
وحشی عصیان ومقاومته ینه صارلدم .

اوغوز ، چوق سورمه دن قطعی وقوتلی برسسله باشلادی :
قاردشلم ،

برقاچ آی صو کراسز و بوتون ملت تکرار اولکه منی اداره
ایچون یکی آدم لر سچه جك وبویکی آدم لر واسطه سیله تورکیاه درت
سنه ایچون خارجی وداخلی شکلی ویره جکسکسز . یالکسز درت سنه
دیلم ده بلسکه دوغرو دکلدر . چونکه کرك انسان کرك ملت درت
سنه ظرفنده آلدیغی استقامته پك چوق آلیشیر ، ویريله جك شکله
پك چوق یوموشار ، یاتیشیر . بودرت سنه صو کره درت سنه دن
بری آلدیغی شکله وبویوله دوام اوکا قولای کلیر . باشقه یوله
کتمک لازم کلیرسه پك چوق زورلق چکر . انسانلر کی ملتدره
آلیشمق دنیان شینك آز چوق اسیریدرلر . برملته اسکی اعتیادلری
دکیشدیروب یکی اعتیادلر ، یکی شکلر ویرمک لازم کلیرسه
بونى یاپانلر سنه لرجه ، یورولمه دن ، حتی ایسته دکلرینه بعضاً موفق
اولمان فداکار وصبور ، چالیشیلدرلر .

شیمدی سزک اوککسزده آچیق ایکی یول وار ، قاردشلم : یول
یکی تورانك کوستردیکی یول ، اوتنه کی یکی عثمانلیرك کوستردیکی یول .
بونلرک هانکیسی سچه جکسکسز ؟ بونلرک ، ایکسی ده سزه کمندی

یوللارینک دوغرو اولدیغنی سویلیه جکلر . نته کیم بوکون ، بن ، یکی تورانک چوجوغی سزی یکی تورانک یولنه چاغیریورم . دوغرو یول بودر دییورم . فقط سز بکا بو یول نروده وناصل ؟ دییه جکسکز . اوت « ای یکی توران ، سوکیلی اولکه ، سویله ، سکا یول نروده ؟ » اوت ، بن مادامکه سزی یکی تورانک یولنه دعوت ایدیورم ، عینی زمانده بویولک دها صاغلام دها دوغرو و صوکی خیره ، سلامته چیقار اولدیغنی اثبات ایتلیم . ظن ایتیه یکز که بن بو یوله یالکز تورانک چوجوقلرینی ، تورک قارداشلریمی چاغیریورم . خایر ، هپسینی تورکیانک بوتون چوجوقلرینی ، بو طوپراقده ، اولکه ده ماضیسینی ، حیاتی ، اجدادینی و تاریخی صاقلایان بوتون تورکیا طوپراغیچک چوجوقلرینی ، کوردلری ، عربلری ، ارمنیلری ، روملری ، هپسینی چاغیریورم و هپسی ایچون بویولک بوکون سلامت یولی اولدیغنی ادعا ایدیورم . یالکز ، دییورم که تورانک اصل چوجوقلرینک ، تورکلرک ، بویولده اوتکی وطنداشلر آراسنده معناً و مادهً اونلر قدر قوتلی ، اونلری و بوتون مملکتی ، ایپلکلری قاجش چوراب اورکوسی کبی سوکولوب داغلمقدن منع ایده بیله جک قدر بر برینه صیقیشمش ، متحد و مقتدر اولملری لازم کله جکینی ادعا ایدیورم و اکر بوتون لاقردیلرمده دها زیاده منسوب اولدیغم عرقه طرفدار کورونیورسم بیلکز که [انسانلر صمیمی اولسه لر ، اعتراف ایده جکلری کبی] سوکیلی عرقی قورتارمق ، یاشاتمق آرزوسنه اوتکی عرقلرک منفعت و سلامتلرینی مزج ایتس اولمق اعتقادینی ده کوکلده و وجدانده طاشیورم . کندی اعتقاد و مقصدیمی سویله دکن صوکره اصل سزه اثبات ایتک ایسته دیکم

شیئه کچپورم . بونی برجه شکلنده برکزه دها تکرار ایدیم :
 یکی تورانک یولی سلامت یولدر : بونی اثبات ایچون اولاشیمدی به
 قدر تورکیانک هانکی یوللردن کیتدیکنی ، بو یوللرک هانکیسی یکی
 تورانک یولنه بکزمه یوب بکزمه دیکنی و بکزمه مکدن کوردیکمز
 ضررلری یاخود فائده لری صایلم وصوکره کندی یولمزی وچیقاراجنی ،
 سوق ایدمه جکی نتیجه یی تدقیق ایدلم . بونی یایمق ایچون ، بر آذ عثمانلی
 تاریخنده بنمله برابر دولاشمه کزی رجا ایدمه جکم . کرچه بوراده کی
 یکی توران چوجوقلرینک علم و حاللردن صوکره اک مقدس بروطفه
 دیه بلله دکلری شی عثمانلی تاریخی اولدیغنه امینم . فقط انسان
 بیلمه دیکی فقط بولمق ایسته دیکی یوله ، پک آشنا اولدیغنی اسکی یوللردن
 چیقار . بونی یاپه بیلمک ایچون ده مطلق بواسکی یوللرده اوزون اوزون
 دولاشمغه مجبور اولور .

تا میلادک اون دردنجی عصرینه ، هجرتک سسکزنجی عصرینک
 صوکنه و دوقوزنجی عصرک ابتداسنه کیده لم . اولا آسیای وسطی به ،
 صوکره آوروپا به دوغرو یا ییله رق اسکی سلجوق و بیزانس حکومتلرینک
 خرابه لری اوزرینه یکی بر حکومت و یکی بر هویتله چیقان عثمانلی
 تورکلرینک ابتداسنه ، اجدادیمزه عودت ایدلم . یالکمز سلجوقلر
 و مختلف کوچوک تورک عشیرتلی اوزرینه حکومتلرینی بنا ایدرکن
 عثمانلی تورکلرینی سیر ایدلم . بن بوکا برنجی دور یاخود تمل آتمق
 دوری دیورم . بو دورده کی سیاسیاتلرینی ، غایه خیاللرینی ، عثمانلی
 تورکی حکومتنک استقبالنه ویرمک ایسته دکلری استقامتی ، سویه
 اجتماعیه لرینی ، خلاصه تکمیل اوکونکی چهره لرینی تدقیق ایدلم .

اجدادیمزك تمل آتمق دورنده کی سیای هویتلرینی هیچ بردورده بولامیه جغمز بر بویوکلک ، برقابلیت واستقبال بنا ایدیجی بر سیاست وتمدنه دوغرو شتاب ایدن بر استعجال ایله دولو کورورز . درت یوز آتلی ایله کندیلرینه نسبة پک بویوک بر ساحه یه حکم ایتمهک باشلایان اجدادیمز تورک عرقنک باشقه یرلرده کوستردیکی قابلیتدن [بحارلر و فینوالرله بر درجه یه قدر هندده کی تورک حکمدارلری مستثنا] دها یوکسک برقابلیتله ایشه باشلایورلر . عادتاً عثمانلی تورکلرینی قدیم غول و آلمانایه ، بوتون آوروپایه داغیلوب - ایلك قیروب خراب ایتمه لرینه رغماً - تشکیلات و حکومت بنا ایتک قابلیتینی اک چوق کوستهرن شمال آدملرینک درجه تمدنده بولیورم . سیاسی و قومی بر مقصد بسله میهرک ساده جه ، آیاق باصدینی یرلرده اوت بیتیرمه جک قدر خراب ایدوب کچن ایلك اجدادیمز آتیلالر ، جنکیزلر وهلا کولردن پک باشقه خمیده اوکزه بر قاچ آووج تورک چیقیور . بونلر آتیلالر ، هلا کو و جنکیزلرله مشترک محارب بر مشرب و اعتیادی ، یرلشمک و بنا ایتک ایچون قوللانیورلر . او داغیدیلان تورک عشیرتلی و سلجوقلرک اوزرینه شایان حیرت صورتده اساسلی بر حکومت بنا ایدیورلر . قانونلر یاییورلر ، یوللر یاییورلر ، بنالر یاییورلر ، مکتبلر ، مدرسه لر ، یکی برادیات وهویت ذهنیه یاییورلر . کندیلرنده اولمایان بوشیلری بویوک بر تواضعله عربدن ، عجمدن ، سلجوقدن ، اسکی رومانک بقیه سندن ، خلاصه نردن بولیورلر سه آلورلر . بوايلك دفعه تشکیلات یایمقده بو قدر قوی و یوکسک بر قابلیت کوسترن تورکلر اطرافنده روملر و دهاها باشقه قوملرده طوبلانیور . بو عادتاً یکی آمریقا

بناسی کبی برشی ! دین و مذهب اختلافنه باقمسزین یوزلرجه سنه کورولمه‌ین بر عدالت و مساواتله ، دوریین بر سیاستله عثمانلی تورک حکومتی قورییورلر . بوراده بو حکومتی قورمق مقصد و غایه‌سنه نه تعصب نه غرور هیچ برشی قاریشما یور . معین بر مقصدلری وار ، اونی یاییورلر .

فقط دقت ایدیکز . بوقوی ، عادل و بناسی صاغلام حکومتک عنصر اصلیبی ، تملی یکپاره برتورک عرقی ، اوته کیلر اوعرق ، اونمل اطرافنه ، اوزرینه طوپلانیور . و بو تورک عرقی او کون ایچون مادی ، معنوی بوتون فضیلتلرله جداً مجهزدر .

صوکره ، یاواش یاواش بو حکومتک اطرافه قول صالوب بویودیکنی ، تورک اولمایان عنصر و مملکتلره حکم ایتدیکنی یکپاره تورک عرقی یاننده صربلر ، ماکه‌دونیا لیلر ، آرنادولروسائر طوپلانلغنی و بو حکومتک آروپایه ممکن اولدینی قدر ایلرلیوب یورودیکنی کورییورز . ایلک استیلا دورنده بر مقصد و سیاست ! وار . عناصری مختلف ، طوپراقلری و قابلیتلی چوق اولکه‌لر اوزرنده ، خایر ، بو اولکه‌لری طوپلایه‌رق قوی برال ایله عثمانلی تورک حکومتنه قلب ایدرک بویومک سیاستی ! بو ایکنجی دوره بویومک و استیلا ایتک دوری دیه‌جکم . بونی ، شهزاده سلیمان پاشانک روم ایلییه کچمه‌سندن سلطان فاتحک ارتحالنه قدر تمدی ایتدیره‌جکم بوراده‌ده دیدیکم کبی معین بر مقصد و غایه خیال و بوکا سوق‌ایده‌جک وساطتی تقدیر ایده‌رک استعمال ایدیش وار . اکر عثمانلی تورک حکومتی دائماً برنجی ایکنجی دوره‌سنگ غایه املنده‌کی وضوح و وساطت‌نده‌کی

بیله کی بی کو سترمش اولسه یدی بو کون اولکه مزی بابل قله سنه بکزه دن
ملت ، و پولتیقه قوغاسنی کورمیه جکدک . او کون حکومتک بوتون
عنصری عینی سویده بر قابلیت ایچنده ، عینی یوله کیدیورلر . فقط
ایلاک دورلرنده کی قطعیت واستعجال صوکره آزماش ، بوتون بو عرقلری
و حکومتی اداره ایدن قوت تنبلیشمش آغیرلاشمش ، مقصدینی غائب
ایتمکه باشلامشدر . بوندن صوکره سلطان سلیمان ده داخل اولدینی
حالد عثمانلی تورک حکمدارلرینک و حکومتک سیاسی مقصد سنو مضر
اولمه باشلایور . بلکه اسکی دربدر قان ، بلکه بویزانس ، عجم ، روم
و دیگر اسکی مدنیلرک آنجق ضرر ویرن جهتیرینه معروض قالمق
عثمانلی تورکلرینک اسکی بنا ایدیجی ، ساده ، فقط عینی زمانده هر
طرفدن متناظر صورتده تمدن ایتک هویتلرینی سیلیور . بو « مقصد سنلق
وقوغا » دوری . آرتق تورکلری ، کافی درجه ده بویوش ، تشکیلاتی
ضعیفلامش اولکه لرینک تقویه سی و تأمین ترقیسی ایله مشغول کورمیورزه .
بلا مقصد ، بالازوم ویانه قاپیارینه قدر کیتمک ، موسقوفله طوتوشمق ،
مجارلرله طوتوشمق ، قوغا ، قوغا ، قان ! صوکره آلدینی یرلری
پاموق ایپلکنه بیله باغلامه دن عودت ، صوکره ینه بوتون مادی
و معنوی قدرتی ییهن جنک سلسله سنه ابتدار ! طبیعی بو بویوک ،
لزومسز و فائده سنز قوغالره برنجی درجه ده تورک عنصری ، ایکنجی
درجه ده مسلمان عنصری دوام ایدیور . آراده بر فضله ظلم ، بعضاً
فضله بر امتیازله وارلغنی ، یقینلغنی اخطار ایتسه تورک ایمراطورلغنک
تماماً لاقید قالدینی دنیه بیله جک خرسیتیان عنصری [چونکه آرتق
خرسیتیانلر اردویه کیرمه یور] یواش یواش فقط قطعی بر تکاملله

مختلف ملت و وجوده کتیریور ، ویاننده قوغادن دوشونمکه، بویومکه تمدنه وقتی اولمایان تورک قومشوسنی آرقه بر اقوب نسلی چوغالیور ، عقلی چوغالیور . وایرله یور . بر زمان کلیور که آسیا و آوروپا خریطه سنه تماماً یبانجی بر شکل ویرن بر تحوله تورک اولکه سی اوزرنده حکومتلر قورولدیغنی، ملتلریارادلدیغنی ، اولکه مزده هیچ بر حقلمی اولمایان حکومتلرک یر پایلاشدقلمی کوریورز . آرتق انحطاط! حالا، عثمانلی تورکی ، عرقدن هیچ بر وقت سیلنمیه جک اولان شجاعتی ایله صاغه صوله ووریور، یوردنی مدافعه یه چالیشیور. فقط فائده سز بر زمان ، ایلک تمدنه دوغرو بر آدیم آتان سلطان محمود و سلطان سلیم لک تجدد فکرلری ، مجاهده لری بر ظلمت ایچنده بر نور کی پارلایور . فقط بوده پک چابوق اجنبی احتراصلر ، منفعت پرست و مضر تعصلر ، تنبللرک و اخلاق سزلقملره سونیور ، آزالیور .

نهایت ، اک نهایت بوندن یکرمی بو قدر سنه اولکی انقلاب ، حکومت و سیاست اساسنده بوتون مدنیتک و انسانیتک قبول ایتدیکی حاکمیت ملیه اوزرینه حکومتلرینی بنا ایچون عثمانلی تورکلرینک ایلک ملی انقلابی .. طبیعی بر ملتک ترقی و تمدنی ، بقاسی اوملتک کندی کندینه بوتون مؤسسات اجتماعی ، مدنی و سیاسی سنی بنا ایتمکده کی قابلیت و موفقیتی ایله قابلدر . دیمک عثمانلی تورکلری یاشایه بیلیمک ، تمدن ایتک قابلیت و حقنی ایسته یورلر . فقط ایستدکلری حاکمیت ملیه اللرینه کچر کچمز پک عجایب بر حاکمیت ملیه اولیور . حاکمیت ملیه او زمان ، اوت ، فرانسه ده ، انکلتره ده آلمانیه ده و هر یرده قابل ؛

فقط تورکیاده مشکل ، پک مشکل ، حاکمیت ملیه عثمانلی ملتی خلیطه سی
 ایچنده غایت عجایب ودولامباجلی بر معنا آلیور ، بوندن روم ، بلغار ،
 تورک ، عرب ، آرناد ، هپسی باشقه باشقه معنا آکلایور ؛ حتی بو
 عینی عرقلر ایچنده کی مختلف صنفلر بیله باشقه معنا آکلایور :
 روملرک بر قسمی یونانستانه التحاق ، بلغارلر بلغارستانه التحاق ،
 آرنادلر بیلیم نه ، تورکلر کندی قدرت وعددلرینک وقابلیتلرینک
 اداره ایدمه چکی غیر واضح بر مرکزیت وسائر ! بردن بره عثمانلی
 ایمر طورلنی پک کوشه مش وچورومکه یوزطوتمش اساسندن صارصیلیور .
 اطرافزده ذاتاً موجود اولمیان معین و متحد بر مقصد ، بر امل بر یول
 اکسیکلکی ؛ آیاغمزک آلتنده قایان اجداد یوردینک خرابیسی ،
 حرارتنه صوصامش اولدیغمز اوجاغمزک صوغوماسنی دویوروز . ایلک
 زمانلرک ملیت قوغالری ، حاکمیت قوغالری آراسنده اساسندن زیاده
 ظاهرینه ، پولتیقه سنه شکل ویرمک ایسته یین ایکی یول ، ایکی آوازوار .
 ایلک سنه لری ایکی طرفده ده غیر معین بر پروغرام ، اساساً ضعیف
 اولان و بو وضعی سببیله اوتیه کی عناصری ده بر برینه قاتان تورک عنصری
 آراسنده قوغالر تولید ایدیور . بو قوغالر بر چوق فلاکته ده سببیت
 ویریور . فقط بو فلاکتلر وقوغالرکده آجی اولمقله برابربردسی ،
 بر فائده سی اولدی .

بر آن ایچون ، تورکیا دوردی . اوننده آچیلان ایکی یولک
 هانکیسندن سلامته چیقارم ، اوننده کی مالزومه دن هانکی طرفک
 کوسه تردیکی طرزده تمل آتارسهم یاپه جغم استقبال بناسی صاغلام
 اولور ؟ دیه دوشونیور . ایشته بورایه کلکدکن صوکره بو ایکی یولی

کوسته‌رن چو جوقنری ده تورکیانک اوننه کچور: بنم یولدن کلیرسه ک سلامته کیدرسک؛ دیه هایقیریور. بونلرک بری یکی عثمانلیر، بری «یکی توران».

بن بوراده یکی عثمانلیرک پروغرامندن، کوستردکلری یولدن بحث ایتیمه جکم. بن ساده جه یکی تورانک یولندن کیدیکمز دییه جکم. یکی تورانک ناصل سلامته چیقاره جغندن بحث ایده جکم. اونلرده طبیعی کندی یوللرینی، مملکتک تملی ناصل آتمق لازم کله جکمی آ کلاته جقلر. اونلری ده دیکلیه جکسکمز و بزی ده دیکله دکن صوکره ایکسینی ده مقایسه ایده جکسکمز.

یکی توران، وطنی قورتاره جغه ایمان ایتدیکی بوکونکی پروغرامنی حاضر لاهدن سنه لرجه تجربه دن تجربه یه کچدی. سنه لرجه عثمانلی ملتنک تاریخی، تجارینی کوزدن کچردی. بو تاریخده، سیاسی بر پروغرام یامق ایچون، تاریخک مختلف سیاسی مقصدلرینی و بونلرک ملتنک تکاملی اوزرینه تأثیرینی تدقیق ایتدی. بونده نه بولدی؟ دمنندن سزه قیسه بر خلاصه یاپدم. شیمدی بونلری ینه بر قیسه جه کوزدن کچوروب هانکیسی کفائده لی اولدیغنه باقه لم. طبیعی اورتده کی مقصد سز استیلا و قوغا دوری و اونی تعقیب ایدن انحطاط دورنده برشی آرامیه جغز. ایشیمزه یارایه جق عثمانلی ملتنک حیاتنده اولا بر تمل یاپان دوریه، صوکره شان و ظفر ترقی دورینه، برده اک صوک شویکری سنه ظرفنده حاکمیت ملیه اوزرینه دایامق ایسته دیکمز دوره باقه جغز. بزم ایشیمزه طبیعی برنجی دورله اک صوک شواک قاریشیق دور یارایه جق.

اولا هېمز اجدادیمز کبی عثمانی ایمراتورلغنه صاغلام ویکی تملار آتمق لازم کلدیکنه قانغزیا؟ [أوت أوت صداری] بونده یکی عثمانیلرله یکی توران و بوتون مملکت متفق دکلې؟ [أوت أوت صداری] پک اعلیٰ، شیمدی بوتملی ناصل آتاجغز؟ بر کره اجدادمزک بونی ناصل ونه شرائط ایچنده یاپدیغنه باقملم. اجدادمز قوتلی بر مرکزیت اوزرینه بنا ایدلمش مطلق فقط عادل بر تورک حکومتی تملی آتیوردی، دکلې؟ وبونده ده پک موفق اولیوردی.

فقط بز تورکک روحنه پک یاقین بوغایه بی بو کونته کی حاکمیت ملیه فیکریله مزج ایدرسهک یاپاییلمیزی؟ خایر. چونکه اجدادیمز، اساسلرینی متجانس، قوی بر تورک عرقی اوزرینه قوریسور. فقط بو اوقدر قوی وعادل بر اساسکه بونک اوزرینه یالکیز قوغا ایله ضبط ایدلمش خرسیتیانلر دکل باشقه حکومته منسوب خرسیتیانلرده کلوب حیاتلرینی قوریسورلردی. بونی بو کون یاپامایز. چونکه اولا تورکدن غیری عناصر تورکیانک پک مهم قسمی تشکیل ایدیور. وبوغناصرک قسم مهمنده اون دو قوزنجی ویکرمنجی عصرک میدان قویدیغی «ملیت» حسی صوک درجه قوتنده. او قدر قوتلی که حتی عینی دینه منسوب اولانلر بیله عرق مسئله سنده برندن ایریلیورلر. مثلاً طرابلس غرب محاربه سنده تورک ایله عربی دین قوجاق قوجاغه یرلشدیردیکی حالده عین تاریخده مسلمان آرانو دلرک دنیاده یکانه مسلمان حکومتی اوله رق قالان وطنلرینی آروپانک پایلاشه جغی، یغما ایده جکی بر اولکه حاله قویه جقلرینی دوشمنیه رک، بوتهدکلې زمانده عصیان ایتدکلرینی کوریسورز. حالوکه آرانو دده تورکده منسوب اولدقلری دینی

حفاظه ایچون نه لر فدا ایتزلر . دیمک که بوکون مملکتتمزی بنسا ایدرکن تورکی، عربی، ارمنی، رومی و سائرینی بربرینه باغلایه جق مشترک بر منفعت و محبت بولمالی .

بونی یاپه بیلیمک ایچون بو توپراغی هر عنصر کندی اداره ایتدیکی، یاشایوب اولدیکی بر اولکه اولق اوزرد سوملی و هر دقیقه اوته کی عناصرک غرتلاغنه آتلغه چالیشمالی . بونک ایچون ده عناصر آراسنده ذهنی سویه آز چوق برلشملی . صوکره قوغالری فیصل ایدن ، حدودلری بکله یین ، کندی مملکتندن باشقه کندی عرقندن باشقه هر عرق ایچون اولوب هیچ ده شو مملکتده بر نصیب آلمایان تورکن نفرت ایتمه ملی ، بو حدود بکله مکدن تارلاسنی سورمه یین ، باشقه مملکتلرک یوللری و معارفی ایچون ویرکی و یروب کندی یوردی و قاراکلق قالان ، حتی مملکته چو جوق یتشدیرمکه بیله وقت بولامدیغندن اوته کی عرقلرک نسللری چوغالوب برینه صیغمازکن اونک اوجاغی ، تارلالری و بوتون عمرانی ایله برابر عرقی آزالوب سونن ، اک مقتدر اولادلری کاه کردستان ، کاه عربستان ، کاه بیلیم نروده بر اوردو ، بر قضا ، بر ولایت اداره ایتدیکی ایچون کندی عرقنک تکامل ذهنی و مدنیسنه هیچ یاردیمی اولمایان تورکلره حقسز برر ظالم دییه باقمالی .

بوناصل قابل اولور؟ بو، آنجق تورک عرقنک کندی تارلاسیله ، کندی پاره سیله ، کندی اولادلری و بوتون قابلیت حیاتیه سیله اوته کی عرقلردن اوقدر کزیده کی آدیملری دولدورماسیله . آرتق بر اقالی ، هر کس کندی ولایتنک ، هر کس کندی عرقنک ، تارلاسنک و شخصنک

مدنیت و ترقی‌سندن مسئول اولسون؛ و آرتق بر اقالی، هر کس کندی آیری کوچوک مملکتی و عرقنی بر مشترک وطن فکری اطرافنده اداره آیشسون * چونکه قارداشلرم، بو مرکزیت سیاستی ایله یکریمی سنه صوکره مملکتده تورکلردن اثر قالمایه‌جق، تورکلر اولماینجده طبعی بو عثمانلی اولکه‌سی هر عرقک تمایلات و منفعتندن اوزاق بر تقسیم ایله داغیلوب کیده‌جک .

اوحالده؟ اوحالده بویوک عربستان والنده قالان آطه‌لریله آسیا، تورک خلیفه‌سی آلتنده طوپلاناں مشروطی بر « فدراسیون » یامغه حاضر لانا‌لی! و آنجق بوفه‌ده راسیون بزى آوروپانک آچیق کوزلردن قورتاراجق، بعض قارداشلریمزى آناطوپراغیله کوچوک براختلاف، حکومتنه قارشى کوچوک بر عصیان نتیجه‌سنده یابانجی حکومتلرک پنجه‌سنه دوشمکدن قورویاجق . بعض لرلر دون کوچوک بریاره ایکن بوکون تا قلمزه، جانمزه قدر چیقان بر قانغرن اولمغه باشلادی . یارین‌ده شه‌سز برر برر اوته‌کیلر باشلایه‌جق و بونلری طومق ایچون هر طرفه داغیلان تورک، قوتى تماماً غائب ایدم‌جک . نتیجه‌سی دمین‌ده دیدیکم کبی خرابی .

دی‌مک که یکی تورانک پروغرامی واسع بر عدم مرکزیته، فقط فده‌راسیون باغلی آلتنده بر قوتلی نقطه‌یه، بر حکمداره، حکومته باغلیه‌جق مشترک منفعت و محبت . یکی تورانک پروغرامی یکی تورانک اساسلرنی قبولدن باشقه بزم ایچون بوکون بر نجات یوقدر . یکی توران، قومشولرینه کندی ملی و ذهنی قابلیتلی ایله ممالکت و طوپراقلرینک انکشافنه چالیشمغه مساعده ایدرکن کندی‌ده بوتون

قوتی یکی توران چو جوقلرینک هر درلو ترقیسنه، انکشافنه و بیومه-
لرینه صرف غیرت ایده جکدر . یکی توران ، چو جوقلرینک حتی
قادرین قسمی ده داخل اولدینی حالده هپسینک تکامل و سعادت اچون
اوغراشه جقدر . یکی تورانک بوندن باشقده بر بویوک وظیفه سی وار*
یکی توران ، بوتون قومشولرینه مطلق بر حریت مذهبی و یرمکه
کندیسی ایلک دفعه اولارق دنیایه اسلامیتک مانع مدنیت اولمادیغنی
اثبات ایده جک . بوکون بزم یوزیمزه مدنی آوروپانک فیرلاتدیغنی اک
بویوک ضربه معنویه نه در؟ اسلامیت مدنیتله ائتلاف ایده مز، ادعاسی
دکلی؟ و بونی بزه برر برر منقرض اولوب کیدن دیکر مسلمان
مملکتلرینی و بزم آوروپاده کی موفقیتسز لکمزی کوسته رده رک اثباته
چالیشیورلر ، ایشته مادی دلیللر دیورلر دکلی؟ بزده اوکا خایر
دییه جکزر . مدنیت ، عائله اوچاغنک قدسیتنی ، متانتی ، قادینلرک
جمعیتده کی موقع حترمنی ، و مؤسسات مدنییه ی قبول ! دکلی؟ پکی !
ایشته یانی باشمزه اوچاغمزک اصل بکچی لری ، آنالری ، بوتون
حیات و مساعیمزک آرقداشلری ، قادینلریمز ؛ ایشته ، مکتب
وخسته خانه لریمز ؛ ایشته یوللر و فابریقه لریمز ؛ ایشته بوتون احتیاجات
مدنییه واجتماعیه و علمیه سنی تأمین ایدن علما ، متقن ، صنعتکار ،
مهندس ، ما کینیست ، تجار ، هرشی ، هرشیئمز . بونلری یامغه ،
کور یورسک-زیا ، اسلامیت هیچ مانع اولمادی . باقکزر یکی تورانک
چو جوقلری مدنیتی ناصل تعصب و ریا مانعه لرینه غلبه چالارق فقط
اسلامیتنی محافظه ایده رک یادی . او حالده؟ شرقده پارین بویوک مدنی،
قوی برفه ده راسیون شکنده تجلی ایدن قوتلی و عادل عثمانلی ایمپراطورلغنه

پرآز صوكره زواللى ايرانك و صره ايله سائر كوچوك دولتلك
التحاق ايتمه چكىنى كيم ادعا ايدم بيلير ؟

ايسته يامق ايسته ديكمز شيلرى سزه برر برر سويلدم. ونهايتنده
تورك عرقى، صوكرامشترك وطنمى قورتارمق آنجق يېڭى تورانك
اساسلىرى بوتون شجاعت مدنيه و ماديه ايله قوه دن فعله كتمىمكن
باشقه چاره اولمادىغنه سزى اقناع ايتدم ، اميد ايدىيورم .

اوغوزك قوتلى كوكسندن چيقوب بوتون حضارك روحلارنده
عكس صدا ياپان معظم و مقنع سسى برآن ايچون دوردى * صوكرام
اسكى شدت و حياتندن اوزاق ، نيازكار ، شفيق و ديندار برخشوعله
اللرىنى آجدى :

— يېڭى توران ايچون دعا ايدم ، ديدى .

وهپ بردن حضار آياقده ، باشلى اوكلارنده ، اللرى آچىق ،
دعا ايدىيورلدى . حضار آره سنده كى يېڭى عثمانلىلر ، بودعايه اشتراك
ايتمه ين يابانچىلر ، هممز غيراخيلىرى بر حرمتله آياغه قالمىشدىق . قادين ،
اركان ، برتك روحدن ، قلبدن كليورمش كى بوتون هر معنا و شكلده كى
سسلر اتحاد ايتمش ؛ يوردك جاملى طاوانلردن كوكه چيقيمق ايچون
يوكسه ليور ، كورله يوردى . بودعالى ده ، شريقلىرى كى ، سوكىلى
يېڭى توران غايه مى اطرافنده هپسنى يكلاره بر قلب كتله سنه بكمز تمشدى .
[طبيعى نم روحم بودعانك عكسنى ، يېڭى عثمانلى اساسلىرىنك موفقيتى
اللهدن استرحام ايدىيوردى .] هر يېڭى توران چوجوغنك ايلك
لاقيردى يه باشلاركن اوكره نوب سويله ديكى ، اك اختيار بر يېڭى توران
چوجوغنك اولوركن روحندن صوك قوپان بوقيصه دعانك ساده لكمنده

وصیمیتند تا ایلک تورکلرک قدرت و بویوکلکندن کلن بر گوزللك اولدیغنی اعترافه مجبورم .

هر کسک یوزنده جدی و دیندار بر معنا ، روحلرینه سوزولن بویکی توران خطینک صمیمی و بویوک نطق ایله براز بهوش داغیلور- لردی ؛ نه یاشاسون پاشاسون ؛ نه آلقیش ، نه پاطریدی . بردن بره بو سیلیوسک سلطان سلیمان زماننده تورک اردوسنده کی بایرامی آکلادیشنی خاطرلادم ، مسرت ، الم ، حدت ، هر شی تورک روحنده تا عمقنه چوکن بروقار وجدیتله کندینی کوستریوردی . کندی حسابمه قطعاً نه حس ایتدیکی تمامیله تحلیل ایده میوردم . بنده براز سرخوش کبی ایدم . قاپیدن چیقارکن قوله برال دوقوندی :

— موزیقه لری ، دعا لری ، ییلم نلری ایله خلقی آلداتمنی ایی او کره نمشله !

بردن بره دوندم وحیرتله :

— عمجه ، دیدم ، سز بوراده میسکیز ؟ نره دن چیقدی کیز ؟

عمجه مک چهره سی بولوتلی ایدی :

— انسان النده کی کاغدی اوینامه دن دشمنک کاغدی حقنده بر

فکر پیدا ایتله لی ، دلکی ؟

— موقعی ناصل بولیورسکیز ؟

— انتخابنده قازانق احتمال لری ظنم دن چوق فضلله . کوریورسک یا ،

بوکا شووه ن دنیه جک قدر ملیت پرور بر یولدن کیدیورلر .

— بکا پک او یله کلدی ، هر حالده تورکلره ایمراطورلقنده

اوتنه کیلردن فضلله یر ویر میورلر .

— پکی ، ذاتاً بوتون منطقسزقلری اوراده یا ! هم تورکلره
فضله یر ویرمه مک ، هم بو قدر تورک ملیتپروری کورونمک ، همده
عینی زمانده بوچیلغین عدم مرکزیت ایله مملکتی داغیتیق .
— بکا کلیورکه عدم مرکزیت یایسه قده یایماسه قده ذاتاً
مملکتک اوتنه کی عناصری داغیلور . نه وطن ، نه حاکمیت ملیه طوقالی
اونلری طونامیور .

— یا کیلیورسک . بوتون اوتنه کی عناصر آراسنده ، بوچیلغین
عدم مرکزیت پولتیقه سنی کوتمه مکله برابر مرکزیت ایسته ینار یوقی ؟
بوکون مثلاً کردستانه مختاریت ویرمک ایسته سه ک بوکاقیلیجله مقاومت
ایده جک کورد یوقی ظن ایدرسک ؟ عربستان ، كذلك .

— پکی اما ، ویرمدی کمز زمانده اللرنده قیلیج ! صوکره ،
عمجه ، بزده پک منطقی کورونمه یورز . هایدی مرکزیت ، پکی اما ،
بو مرکزیت بو قدر شدتله دوام ایتدجه حکومتک چهره سی دائماً
تورک قالدیه لجه جکمی ؟

— حکومتک چهره سی دائماً عثمانلی قالدیه جق !

— اداره ایدنلر ؟

— ایستر تورک ، ایستر ارمنی ، ایستر عرب ، ایستر روم ،
ایستر کورد !

— حکومتک دینی ، او حالده ؟

— دین رسمیسی دائماً مسلمان ، ملیتی عثمانلی !

— پکی اما بو یولدن کیدرسه ک ایمپراطورلقده چوغلان عنصرك
چهره ملیت ومذهبنه کوره برکون حکومتک دین رسمیسی دکیشه جک کی .

— سن دلمیسک عاصم؟ غالباً مملکتده مسلمان عنصرینک قاچ میلیون اولدیغنی بیلمه یورسک؟

— بیلورم، عمجه؛ بیلورم. فقط هر کونکی عصیانلر نتیجه سنده آرنالاولغ ناصل کیتدیکنی دوشونیورم. صوکره، عربستانی نره لره قدر محافظه ایده جکز؟ دییه دوشونیورم. هر حالده مشکل بر موقعه یز. عمجه م شدله قولدن صارصدی:

— سن ده می اوغوزی دیکلر دیکله من صارصلدک؟ شیمدی انتخاباده نه قدر سالانديغمزی آکلایورم. چونکه اونلرک اولطه لرنده ایکی یملری وار: تورکلر ایچون یکی توران مسخره لنی غیر تورکلر ایچون مستقبل فده راسیون!

— یوق، عمجه، پولتیقه لری دکل اما مکتب لری و بوتون حرکت فکریه واقصادیه لری جدا مفیده، دگلی؟

— پوف! عجبا بوکا بویکی توران اسمی ویریله سه خلق بر شی یایمایه جقمی؟ عاصم، سنی یوقسه سامیه نک کوزل کوزلریمی طوتیور؟

— سامیه؟ بوزره دن چیقدی؟

— قیا!

— بردن بره، وورلش کبی دوردم. قیالک چهره سنده خاطر لاق ایچون سیزلانديغم رابطه نی یاقه لادم.

— قیاء سامیه ها؟

— اوت. قیانی بردفعه سویلرکن ایشیته مدک. طبیعی پولتیقه دن زیاده اجتماعیات وخیر پرورلک. فقط بوده خاقی یکی تورانه تمایل ایتدیریور.

— بکا کلیورکه «یکی توران» که ایچمدن تقدیر ایتدیکم بر جسارت مدنیله ایله قادینلرینی اخلاقاً و موقعاً یوکسلیتمک اونلری بوشایان حیرت و تحسین بر حاله صوقق ایچون کوستردکاری غیرت پکده بر طاقم جاهل خلقی ممنون ایده جک شکله دکل .

— فقط بونی پک باشقه وجداً اسلامینه هیچ دو قونمدهن یاییورلر، هر حالده...

ایکیمزده دوردق، ایکیمزده سیاسیات ایچون فرقه مزک بواجتماعی ترقی و تعالیدن فنا صورتده استفاده ایتش اولدیغنی دوشنیوردق .
بونطقدن صوکراییکی هفته قدر کچدی ؛ عمجه مک دائمایکی توران اجتماع و نطقلرنده بولماسنه حیرت ایدیوردم. اوغوز هر یرده، سلطان احمد، بایزید و آیا صوفیه کبی بویوک میدانلرده بونطقنی بلدکه دها عوامپرست صورتده برقاج بیك کشی ایچنده کورله ین سسی و قدرت خطابتی ایله تکرار ایدیوردی.

یکی توران غزنه لری هپ بر آغیزدن عینی صدایی مختلف نغمه لرله؛ یکی عثمانلی غزنه لری اعتراضلر و شدتلرله تکرار ایدیورلردی. هیچ بو قدر احتراصلی بر انتخابات اولماشدی. مملکتده بر چوق فکر، حرص و اساس، یوزلرجه سنه نك روایات و عنعناتی، هرشی بر بریله چارپیشیوردی. یکی تورانه غیر تورک عناصر التحاق ایتدیکی کبی تورکلرک بویوجک بر قسمی ده التحاق ایتشدی. فقط التحاق ایتمین قسم همان بر اختلال یا بهجق قدر کورولتو ایدیوردی. اک چوق باطیردی یا پان شی قادینلرک تحصیلی وفه ده راسیون مسئله لری ایدی. بوکا اصلاً موافقت ایتک ایسته میورلردی. مملکتک هواسنده الکستریق

چو غالدقچه چوغالدی. پولتیقه دن آیرلمش اولان اردو پولتیقه یه قاریشه جق، قاریشدی کبی تهلمکه اشارتلی بلیرمکه باشلادی. بونک، بو حوادلک یکی عثمانلیلر طرفدن قصد آمی اشاعه ایدلدیکنی، یوقسه حقیقت بویله می اولدیفنی بیله میورم. بیلدیکم برشی وارسه اوغوزک موعظه لرینه بیکلرجه خلق طوبلانیور و بو موعظه لره قارشی خلقک وضعیت ذهینه سی بر ملتده اجتماعی و داخلی تجدیدات و انقلابات اولدیفنی زمانلرک شدت و مجادلاتنه بکزیوردی.

نهایت برکون داخلیه ناظری استعفا ایتدی. عمجه م داخلیه ناظری اولدی، تقیدات زیاده لشدی. اوغوزی توقیف ایتک شایعه لری چیقدی. هیچ اونوته میه جغم بر کیجه وکلا فوق العاده اجتماع ایتدی. ایرته سی کونی آسایشی اخلال ایتدیکندن دولای اوغوزه عمومی یرلرده سویله مه سی ایچین حکومت تبلیغاته بولوندی. بوتلیغانی غیر قانونی بولان اوغوز ایرته سی کونی بر معتاد سلطان احمد میداننده بر قاچ بیک کشی یه موعظه سی ویردی.

بونده بنده بولنشدیم. بویوک بر روز کار واردی. اوغوزک بویوک، بیاضلانمش باشی آچیلمش، صاچلری اوچیور؛ قوللر او موزلرندن آریلا جق کبی بویوک وضعیتلره اوچیور، سی روز کارله بر آز ده ا طنان، فیرطنه لی بر قدر تله اوچیور؛ خلاصه، اوغوزک بویوک وجودندن، بویوک حسلرندن هرشی بو روز کارله یالکز بودیکله ین خلقه دکل بوتون مملکتک اوچنی بوجاغنی دولاشوب هر طرفه صاحبک ایمان واعتقادینی کوتوریور کی ایدی.

او آقشام اوغوزی حکومت توقیف ایتدی. ایرته سی کونی غزته لرک

باطر دیسی و بو توقیف علیهنده کی معظم متینغلری صوصدیرمق ایچین حکومت بر هفته مدتله ادارهٔ صرفیه اعلان ایتدی . متینغلره بر از سکونت کلدی . فقط اهالیده کی قایناشمه دوام ایدیور، بر قسم اوغوز حبسدن چیقمازسه اختلال یابه جقلرینی سویله یور، بر قسم، اوغوزک اعدامی طلب ایدیوردی . حکومت طبیعی اوغوزک علیهنده ایدی و هیچ شهیم یوق که عمجهم مسکین بر غرضدن دکل، خایر، فقط کندی اعتقادنجیه مملکتی اونک ویرمه چیکی مضر اداره دن قورتارمق ایچین اعدامی طرفداری ایدی، اکر بونی یابه بیله جک قدرتی کندیسند بولاییدی! هر حالده، وکلانک صوگ اجتماعلرنده بر قسم اوغوزی اورته دن قالدیرمق، بر قسمده بر ائت ایتدیرمک ایسته یوردی . عمجهمله حربیه ناظری شدتله اوغوزک محوی طرفه کیدیورلردی . فقط اکثریت صالیورلمسی فکرنده بولونیوردی . هر حالده عمجهمک شخصیتی و حربیه ناظرینک راینک اهمیتی مسئله یی ایرته سی صباحه بر اقدیردی .

عمجهمله بن و حربیه ناظری اوتوموبیلله حربیه نظارتنه قدر کلدک . بومستله ده هم فکر اولان بویکی بویوک آدام کاغدلرک اوزرنده مناقشاته دالدیلر، اوتوردیلر .

هر اوان دقیقه ده بر خدمه آئنده قهوه تپسیسی ایله کلدکجه صوصیورلر، صوکره ینه آغیزلرندن صاورولان سیغاره دومانلریله باشلا یورلردی . بویکی عسکر ناظر ایکیمسی ده قیلینجلرینی چیقارمشلر، ستره لرینی چوزمشلر؛ بری قولتوقدن آیاقلرینی تاما صایه اوزاتمش، اوتنه کی قانابه ده، هر آن آرتان بر صمیمیت حرارتله مناقشه لری وطنپرور اولدینی حسب حالنه ده بکزییوردی . یالکیز عمجهم ایکیده برده « شو نقطه یی

ضبط ایت ، عاصم ، دیوردی .

حربیه نظارتک الکتریقاری یاندقن اچجه صوکره ایدی که
خدمه قانی آجدی :

— پاشا خضر تلی ، سزی برقادین کورمک ایسته یور ، دیدی .
ایکی ناظر بردن :

— بنی می ؟ دیه صور دیلر .

خدمه ، عمجه مه خطاباً :

— داخلیه ناظری پاشا خضر تلی نی .

— ینکهم اولدیکندن بری دنیاده قادینلرله علاقه سی کیلش

کورونن عمجه مه ، آچیق برصیقتی ایله :

— بررجا اولاجق ، کتیریکز ، دیدی . فقط خدمه چکیلهدی :

— مطلق پاشا خضر تلی نی یالکز کورمه م لازم کله جک دیور ،

دیدی .

شیمدی ایکی پاشاده متعجسس ، آیاغه قالمش لردی . حربیه

ناظری صور دی :

— ناصل قادین ؟

— بیلمم ، خوجه می نه در ؟ جبه لی قادینلردن .

حربیه ناظری متبسم :

— پولتیقه ایشی ، بن ایچری یه کیدیورم ، بنی خدمه ایله

چاغریکز ، دیدی . چکلدی کیتدی .

عمجه مک چهره سی متانتی غائب ایتمکمزین صاراردیغنی کوردم .

حرمتکار بر عسکر طور یله هم ستره سی ایلکیلیور همده بردن بره

رسيله شن برسيله :

- خانم افندي بي بورايه کتريکيز ، ديوردی .
- نيچون بو حرمت ؟ کيم کله جک بيلورميسکيز ، عمجه ؟
- بيلورم ، قيا کليور ، اوغوزک تخليه سنی طلب ايده جک .
- رجا بلکه ...
- خاير ، بنم بيلديکم قيا رجادن زياده طلب ايده جکه بکزر .
- سن شو پاراوانانک آرقه سنده بکله ، سکا احتياجم اولور .
- بن جواب ويرمکه وقت قالمادن قاي آچيلدی . خدمه نك آرقه سندن في الحقيقه قيا کيردی . ألكتریک ضيا سندن می ، يوقسه او طه نك يورده نسبة کوچوک اولماسندن می ، بيلم نه دن ، قيا بو آقشام داها يوکسک ، صولغون چهره سی جديتنک وبويوکلکنک نوری ايله داها باشقه يانيوردی . اينجه ويوموشاق برقاشدن بول جبهه سی ضيانک انعكاسيله بلند وقدرتلي وجودی اوستنده آرييور ، داغليوردی .
- آياقلارنده بياض يמושاق پودسوئدن چاريقلر ، باشنده بر آز دها اوموزينه دوشن فقط عيني صورتله اورتولمش بياض قرب دوشين بر باش اورتوسی بوتون اثوابيله برابر دالغه لانيوردی . بو ، قدرت و رفتاريله جداً معنيدار وتميز برنشيديه بکزه ين قادينک يکانه ثابت شي متين ، بياض چهره سيله مادی ، معنوی نره يه باصديغنی پک اني بيلن بياض آياقلى ایدی . اللری ، جبهه سنک اوزون قوللری ايچنده کورونمه يوردی .

عمجه م براز دكيشديکني فرق ايتديکم ودوست اولمغه چالیشان

برسيله :

— سامیه خانم ، دیبه باشلایه جقدی .

فقط قادینک چهره سی و سسی حقیقی بر قیا کی دیکشمه دی .
وناژک اولدینی قدر صوئوق بر سسله تصحیح ایتدی :

— قیا ، ظن ایدرسم داخلیه ناظری پاشا حضر تلی ...

عمیجهم براز داها صاراردی و چهره سی سرتلندی :

— اوت افندم ، بویوریکز .

— اوتورمایه جنم .

— اوتوریکز دیمک ایسته مدم ، دیکلیورم دیمک ایسته دم .

شیمدی ایکی قوتلی معارض روح ، قادین وارکک ، قارش قارشیه
ایکی طرفدنده ، مبالغه ایدیلکه چالیشیلان بر متانت و سرتلکه ،
آیاقده ، بر برلینه باقیورلردی .

— حکومتک حقسنر اولارق توقیف ایتدیکی اوغوز بکک

تخلیه سنی طلبه کلدن .

— اوت افندم .

— کندیسنی حکومت — بوراده سسند حدتله می یوقسه تأثیرله می

آ کلایامدیغم براهتزازله — مملکتده کی مستثنا قدرت و موقعندن قورقان

حکومتک یکی عثمانلی عناصری اونی اعدام ایتدیرمکه قدر بیله یوریه .

جکلرمش . طبیعی بویویوک جنایتی ایشلر لره بر کون قانونه چار بیلملری

ایچون هرشی یاپیله جغنی ده بیلملری لازم کله جکفی اخطار ایتک

و حکومتک اوغوز بک حقنده فکرینی اوکرنمک ایسته یورم .

— بیتردیکز می افندم ؟

— اوت .

— اولا حکومتک ایلک وظیفه سی مملکتده آسایشی اخلال ایدنلری اورتدن قالدیرمق اولدیغندن یکی عثمانلی ، اسکی عثمانلی ، حتی یکی توران نه اولورسه اولسون حکومت بونی یاپه جقدر . وظیفه سنی یاپان بر حکومتک سزک قانون اسمیله یاد ایتدیکی کیز انتقامدن قورقق خاطرینه بیله کلز . حکومتک اوغوز بک حقنده کی فکرینه و قرارینه کهنجه بونی اوغوز بکک نه سی صفتیله صوردیغکیزی بیلیمک ایستهرم .

— تیزه زاده سی واستانبولده یکانه اقرباسی صفتیله .

— تشکرایده رم ، اوغوز بکک تیزه زاده کز اولدیغنی بیلیمه یوردم ، هر حالده بوندن یکریمی سنه اولی میدانده یوقدی .

— بونی نه فکرله سسویله دیککی کیزی بیلیمه یورم ، حمدی پاشا حضرتلری . فقط بونی حکومتک قیوداتیله تحقیق قابل اوله جغندن فضله ایضا حانه لزوم کورمیورم .

— مادامکه اسمی خاطر لادیکیز ، تشکر ایده رم . بنده مسا . عده کزله سامیه خانمک اوغوز بک یکریمی سنه اول اقرباسی ایسه نه یه میدانده یوقدی ؟ دیه صورایم .

— شخصی شیلره قارشی سزی پک مراقلی کوریورم .

— اوت ، سزه عاندهر شیک چو جو قلغسکزدن بری بنجه براهیمت مخصوصه سی واردر .

— بنده تشکر ایتهم لازم . کرچه سزی دائماً ، مکتب ، خسته خانه بوتون بولندیغم یرلرده خدمتم آراسنده کوریورم .

— اوت ، حیاتکییزی بویوک بردقت و مراقله تعقیب ایدیوردم . معارض برطرفده اولماسی آجی اولمقله برابر موفقیتلری کزله جدأ افتخار

ایدیورم. فقط بوتیزه زاده کز اوغوز بك برتاتاركن ناصل سزك ...
 — حمدي پاشا ، نه ديمك ايسته يورسكز ؟ اوغوز بكك جنسنی ،
 يرینی ناصل تحقيق ايتديكز سه مرحوم آننه مك ده جنسنی و مملكتنی
 تحقيق ايمه كز لازم كليردی ...
 — عفو ايديكز .

برزمان سكوت ، صوكره ينه قيا :
 — اوغوز بك ايچون نه يايماق ايسته يورسكز ؟
 عمجه مك سسی خارق العاده بربرودت و قرارله كلدی . عاداتا بكا
 عائد اولمدينی حالده بنی بيله تيتره تدی :
 — بونی يارينکی غزته لرده كوره جكز .
 — اقرباسی صفتيله شيميدن آ كلا يامازمی ؟
 — خاير .

قيانك ، متانتنی غائب ايمه دن بر اولو كبی صاراران چهره سنی
 چويرديكنی ، قاپی به قدر يوروديكنی كوردم . قيا قايدن چيقه جنی
 وقت دكيشمك صيراسی عمجه مه كلشدی :

— كليكز ، قيا خانم ، اوغوزك حياتی صاتون آلابيلرسكز .
 قيا ، يوزنده خارق العاده بر آتشله ، دوندی . ماصيه دايانماق
 ايستين اوزون ، بياض پارمقلى تيتره يوردی . عمجه م ساكت ،
 فقط حرارتی آرتان برانها كله قيانك آلتنه بر آز اول حربه ناظرينك
 اوتوردینی قولتوغی چكدی .

— اوتوريكز ، بازار لغزه باشلايه لم .
 قيا كله دن اول حربه ناظريله مناقشاتی آراسنده عمجه مك اوغوز

یکی تخلیه به اوتنه کی آرقاداشلریله برابر یاقلاشمقده اولدیغنی بیلوردیم.
فقط بونی بیلیمه یین و اوغوز بکک حیاتی هر بهایه صاتون آلمق ایسته یین
قیایه نه لر یاپدیرلمازدی ! ایچمدن بو ، بر مرد عسکره یاقیشیرمی ؟ دیه
عصیان ایتمک ایسته یین ار ککله کمه وطن پرورلکم غلبه چالدی . عمجه مک
قیادن ایسته یه جکی شی یالکز فرقه ایچون دکل مطلق مملکت ایچون
خیرلی بر حرکت اوله جقدی .

بوسفر عمجه م باشلادی :

— یکی تورانه بو انتخابده قازاندره جق اولان ، امین اولکز که
بنم اعتقادمجه ، اوغوز بک دکل سزسکز ، قیا .
— اویله می ظن ایدیورسکز ؟ او حالده بنی حبس ایدیکز ، اونی
صالیو بریکز .

— خایر ، سزه اک اوافق بر ضرر فرقه کزک الک بویوک بر موفقیتی
اولور و بن بونی حتی وطن ایچون بیله یاپه مام .
قیانک چهره سنه ایجه باقق ایچون عادتا پاراواندن باشمی چیقاردیم .
اوزون سیاه کیر پیکلری ، جنسنی تعیین ایده مدیکم بر خلجانک تأثیر یله
قیزاران یاناقلری اوزرنده تیره یوردی . عمجه م بنم وارلغی تماماً
اونوتمش کبی ایدی . قیانک جوانی بر آز بکله دکلن صو کره دوام
ایتدی :

— فقط بنم ایچون ، بوتون مملکت ایچون اوغوز بک هر نقطه
نظردن آسایشه ، سکونته مضر بر آ نارشیست در .
— ایده آلیست دیمک ایسته یورسکز .

— خایر ، آ نارشیست دیمک ایسته یورم . فقط بونک بو قدار

مؤثر اولماسی ده صرف آرقه‌سنده سزك ، اوت ، قیا ، سزك داخل اولدیغکز یکی توران قدرتی اولماسنده در . سزی اویکی توراندن مثلاً چككم قابل اولسه قیاسز بر یکی توران رئیس اوغوز هیچده اورته دن قالدیرمق ایچون اعمال فکر ایتکه دکر بر شخص عد ایدیه من .

— بن مثلاً اولسه م ...

— هیچ فائده سی اولماز . اولسه کز بلکه اولککندن زیاده یاشار ، آچدیغکز مضر ، فقط بویوک یولده موفق اولورسکز .

— او حالده نه ایسته یورسکز حدی پاشا ؟ بوتون حیاتك سبب ومقصدی اولان بویکی تورانی رسماً انکار می ایدیم دیورسکز ؟ دنیاده برتك اقریام اوغوز بکدن بیله چوق سودیکم بو مقصدیمی ، بواساستی اثواب دکیشدیرر کبی دکیشدیریم می ایسته یورسکز ؟

— خایر ، برشی سویله مه یکز ، برشی یاپمایکز . ساده جه ، یکی تورانه منسوب اولمایان ، یکی عثمانلیغی تمثیل ایدن بریسیله اوله نیکز .

— یعنی سزکله ؟

— اوت .

بو دفعه قیا بر حمله ده قانی به قدر کیتدی . عمجه م آرقه‌سندن ، مرحمتسز ومتین :

— او یله ایسه عمجه زاده کزی اعدامدن قورتارمق غیر قابل اولاجق ! دیوردی .

قیاسینی وبوتون وجودینی صارصان بر حدت وعصیانله :

— نه مسکین بر بازارلغه کیریشدیککزک وبرکون بابام قدرسومش اولدیغم ، بوکون حالا حرمت ایتدیکم بردشمنی نه سفیل بر درکبه

ایندیردیککزک فرقنده میسکز ؟ دییه عادتا هایقیردی .
عمجهم بوتون صمیمیت و سادگیسیله ، حیرت ایندی بکم برهیجانله
دوام ای دییوردی :

— یا کلیورسکز ، قیا . اولاً ، سویله دکلریمک صحنه اینانیکز .
صوکره سزی ایسته مک نه دن سفیل اولسون ؟ تا کوچوکلککز دن
بری دماغمک یکانه بویوک بولدیغی بوشخصیتکزک قادینلغکزک نفرت
ایتدی بکم بر مقصد ایچون بوتون بویوکلکنی ابدال ایتدی بکی زمانلره قدر
سز بزم ایچون مملکتدن صوکره هریشی دویره بکم برامل تشکیل
ای دییوردیکز . سزک یانکزده اولمق . سزک صاحبکز اولمق ، بونی
ایسته مک و بونک ایچون هر فدا کارلنی یایمق نجه کوکلره چیقمق
آرزوسی قدر یو کسکدر . بونی ایسته دیکم ، بونی ایسته یه بیلدی بکم
ایچون روحک غموری هیچ بروقت بوقادار بویوک اولما مشدر .

— رجا ایدرم ، بر کره بولا قیردی بی کسیکز . بو غدار ، بو
ایشیدلمه مش شینه برده حس معذرتی ، عشق معذبی قاریشدی برماییکز .
— اوغوز بک ، اوغوز بکدن بحث ایتیمکز . اوغوز بکه مر بوطیتمک
درجه سنی کشف ایدر ایتمز بوندن استفاده یه قالدیشدیکز .. اوت ،
چو جو قلمدن بری بر تک غایه خیالم اولدی . اوده شکل ویرمک
ایچون سنه لرجه چالیشدیغم و بو کونکی شکلی ویره بیلدی بکم کبی توران .
اوزون ، مشقتلی ، یالکز حیاتمک بر تک عشقی اولدی . اوده یکی
توران رؤیاسنی بنمله برابر کوروب بنمله برابر حیاتده برأشنی یایمق ایچون
چالیشان اوغوز ! فقط اوغوز و بن رؤیامزی و مقصد مزنی سومکله ،
رؤیامز و مقصد مز ایچون یاشامقله بربریمزی کافی سویورز عد ایتدک ،

بوتون شخصی سعادتى اونده بولدق . اكر سزك دیدیکز کبی اینانسه که بن یکی توران ایچین اوغوزدن چوق لازم . جانمی برندن قوپارمق دیمك اولاجق اولان اونك اولومنه راضی اولوردم . چونکه چونکه او کندیسنك حیاتی قورتارمق ایچین یکی تورانه ضرر ویرسه م بنی هیچ عفو ایتمز . فقط اینانیورم که ، ایمان ایدیورم که اوغوزك حیاتی یکی توران ایچین هرشیدن زیاده لازمدر . ایشته بو ، بو ، بکا هرشینی یابدیره بیلیر .

اوطه یه کیردیکم وقت بکا سامیه دیدیکز . سزه سرت داوراندم ، عفو ایدیکز . بلکه سزده ، حقیقت ، صمیمی بر مقصد ایچون چالیشیورسکز . بر انسان قلبی یاشامق ایچون هر هانکی بر انساندن لازم کلیرسه یاردیم ایسته یه بیلیر ، بنده سزدن . وقتيله بنی پک تمیز برصمیمیتله سوردیکز . اوغوزی قورتارمق مطلق بومدهش بهایه می اوله جق ؟

شیمدی قیانك سسی ، ویوزی کوزل یناقلرینك وچکه سنك وعد ایتدیکی رقیق ویموشاق قادینك هویتی ایله تیتره یوردی .
عمرجه مک چهره سنده بویوک برفیرطنه واردی . بوغوق برسسله :
— بوملکتدن چیقوب کیتمکی و هیچ کلمه می وعد ایدرسه کز اوغوز بکی صالیویره بیلیرم . ونهایت مقصد ، اساس و وطن بلکه بربریکزه قارشى اولان عشقه کز بونلردن بویوکدر !

— خایر ، خایر ، بوکا اوغوز هیچ بروقت راضی اولماه جق ، بنده ! ذاتاً بو طوپراق واوستنده یاراتمق ایسته دیکمز یکی توراندن باشقه عشقمز وارمی بزم ؟ عشقمزك بوتون اوضاعی یکی تورانه خدمت

ایتمک ، یکی توران ایچون یاشامقدن عبارتدی . ذاتاً باشقه عشقمز اولمادی که ! بونی براقوب کیتمک ، خایر ، قابل دکل !

— او حالده بریکزدن بریکز بو یکی توراندن چکلمک لازم کلیور .

— اوغوز چکلمه سون ، اوغوز اولمه سون !

— اویله ایسه ایلمک تسکلیفم !

شیمدی قادین آیاقده ، حقیقی بر قلب قیاسی وقاریله یناقلرندن یووارلانان سسسز یاشلرله ، شیمدی ، درین بر صیزلاییشله ، تقدیر ایتدیکم صمدانی بزفدا کارلقله :

— پکی ، هایدی اوغوزک تخلیه سنی یازیکز ، دیدی .

بر قاج دقیقه اوطه ده عمجه م بر ییلدیرم سرعتیله دولاشدی وفیرلادی . صوکره اوطه دن کیتدی . قیانک یوره کنده کی سفالتک ، بوتون سیما سنی اویان المنب ، اشکنجه سنک قارشیدسنده بنده دورامه دن قاپالی کوزلرندن ، یک اوزاقلرده دولاشان روحندن استفاده ایدرک اودادن فیرلادم .

حربییه نظارتنده بردن بره یکی بر حیات اویانمشدی . یاریم ساعت سورمه دن حربیه ناظریله عمجه مک هیجانله قونوشدقلری صالونه بنی چاغیردیار . عمجه م کام تلفونه کام حربیه ناظریله بر بش اون دقیقه ممناقشه دن صوکره بکا بر کاغد اوزاتدی :

— بر اوتوموبیله آتلا ، توقیفخانه عمومییه کیت ، اوغوز یک تخلیه ایدلسون . صوکره بزم غزته لره اوغرا ، خصوصیه «یکی عثمانلی»یه بوراده چوجوقلغسکدن بری کوستردیکک ادبیات محبت واستعدادینی کوستر . غزته لرمن یارین باشند قیا ایله ازدواجزدن ، قیا کی

برقادیسك بزم طرفه كچمه سنده کی مظفریتدن ، یکی توران ایچون
بونك تشکیل ایده جکی ضربه دن اولانجه شعر و قدرت لرله ستونلر
دولدر دقدن صو کرا کویا هیچ اهمیتی یوقش کی یکی سطرله اوغوز
بکک تخلیه ایدلدیکنی یازسونلر !

اوتوموبیل اوچار کی بایزید میدانك ضیالری آراسندن کیدرکن
هپ ذهنمده بر سؤال واردی : عمجه مك قیایه سویلدکلری عجا هپ
پولتیقه می ؟ ...

ایکنجی قسم

حربیہ نظارتندہ قیانک عمجہملہ اولئمہ سی واوغوزبکک تخلیہ سی
قرالاشدینی خارق العادہ اقشامدن صوکرہ ایکی شی روحی بوتون
قابلیت مراقی ایلہ اشغال ایدیوردی: قیانک اولند کدن صوکرہ آلاجنی
طور ایلہ یکی تورانک خصوصیلہ اوغوزبکک قیانک بواز دواجنہ قارش
آلہ جنی طور . بونلرک ایچندہ اعتراف ایدہ رم کہ اک چوق تجسسی
اویاندران اوغوزبکک حالت روحیہ سی ایدی . عجبا قیا ایلہ آرالرنده کی
رابطہ ناصل بر رابطہ ایدی ؟ قرده شلکدن بر آرز فضلہ ، خیالی برهم
مسلك اولمق محبتی می یوقسہ تماماً بر عشق می ؟ بونلرک ہرہانکیسی
حتی اک بسیطی بیلہ اوغوز بکہ قیانک ازدواجنہ قارش الیم برصیزی
حسن ایتدیرہ جکنہ امیندم . حتی قیا علی العادہ برتیزہ زادہ اولسہ
بیلہ معارضی حمدی پاشا ایلہ اولئمسی بویوک بر اوزونتو اولاجقدی .
حالبو کہ قیا یکی تورانک چہرہ ہویتنی ویرن فوق العادہ شخصیتلردن
بریدی . بوشخصیتہ آرزچوق یقین اولمق ، درجہ سنہ کورہ ، اضطرابک
شکلنی وشدتی تعیین ایدہ بیلیردی .

قیانک آلاجنی طور و وضعیتی کورمک و تدقیق ایتک بنجه قولاییدی . طیبی قیا شهزاده باشنده قوناقدہ اوتوراجقدی . ذاتاً بنده اوأوده یاشایورددم . عمجه مک بویوک قیزی صبیحه قوجه سبله شامده ، یالکز کوچوکی ودیعه استانبولده ایدی . اوده آیری اوتوریوردی . شیمدی قیا عمجه مله بنم ، ایکی بکارک اوتوردیغمز اوده یاشایه جقدی .

اوغوز بك حقنده کی تجسم او قدر قولای قابل ازاله دکلدی . بوفوق العاده کیجه پی ، توقیفخانه یه تخلیه امرینی بر اقدقدن صوکره همان همان غزته اداره لرنده کچیردم . نهایت صباح اولدی . بنده «یکی عثمانلی» اداره خانه سنده محرراوطه سنده قاناپه اوزرینه اوزاندم . بك چوق سورمه دن غزته موزعلرینك باب عالی پی چینلاتان سسلریله اویاندم . یکی عثمانینك باش مقاله سنی بن یازمشدم . برکنج محررك امضاسنی و یازیسنی باصلمش کورمک ذوقنی هنوز غائب ایتدیکی بر یاشده اولدیغمدن ممنونیتله بر کوز کزدیردم . صوکره همان یکی تورانی ایسته دم . یکی عثمانلی ایله عینی موضوع اوزرنده کوستردکلری اهمیتك تضادی تبسمی جلب ایده جك درجه ده ایدی . بز ، یکی تورانك هنوز بيلمه دیکی قیانك اولنمه سی فلاکتی پارلاق سرلوحه لر ، آتشین ستونلرله دولدیرمش ، اوغوزك تخلیه سنه ایکی کوچوک سطر تخصیص ایتمشدك . حالبوکه «یکی توران» ستونلرینی باشدن باشه اوغوزك تخلیه سنه حصر ایتمشدی .

«تخلیه امرینی آلیرکن» ، «حبسخانه دن صوکره» ، «فاتح یوردنده» دییه بویوک سرلوحه لرله اوغوز بکک مختلف زمانلرده کی

قیافت ، وضعیت و سوزلرینی ضبط ایدیورلردی . اوغوزك حالت روحیه‌سنه اك چوق فاتح یوردنده کی نطق ایله یول بولنه بیلینوردی . غزته‌نك مختلف پارچه‌لری دفتر خاطرآمده شویله قالمش :

« بازار ایرتسی آقشاملری اوغوزبكك فاتح یوردنده موعظه‌لری واردی . بونی ایکی بازار ایرته‌سی در فاتح یوردی اعضالردن ارطغرل بك ویریوردی . دون آقشام ینه ارطغرل بك کرسی‌یه ککش ، موعظه‌سنه باشلامق اوزره ایدی که اوغوزبك ، سویملی بویوك باشنك حبس‌خانه‌ده آلدینی قاریشیق‌لغنی ، اثوابلرینك پریشانلغنی وتوزینی کیدرمه‌دن هیچ آرامزدن ایرلماش کبی عینی قارده‌ش تبسمی ایله صحنیه کلدی . حضارده کی حیرت وسونج تعریفك خارجنده برشدت ، بر جوشقونلق کوستیریوردی . اوزون قوللرینی بوتون حضاری قوجاقلار کبی آجدی ، اوزآدی وهیچ کیمسه‌نك مقاومت ایدمه‌جکی شفیق نظرلر و تبسملرله حبس‌خانه‌دن چیقار چیقماز حتی آنه‌سنه کیتمه‌دن بورایه کلدیکنی سویله‌دی . اوغوز بكك بویکجه کی نطقی خصملرینه وحکومه هرزمان کوستردیکی دوربین سیاسی تنقیدلردن ، فرقه‌مزك پولتیقه‌سنی ایضاح وترویج ایدن مقنع سوزلردن زیاده یکی تورانك تجدد وانقلاب اجتماعیسنك اك رقیق بر نقطه‌سنده توقف ایتدی . نطقنه اکر براسم ویرمك لازم کلسه «یکی تورانك قیزلری» دینه‌بیلیر . »

صوکره بونطق غزته‌لر باشند باشه ضبط ایدیورلردی . اوغوز تام حبس‌دن چیقدینی برکون نهدن بو قدر رقت وحرارتله تورانك

قیزلرندن بحث ایدیوردی ؟ یکی تورانک ، عائله اساساتی ، قدسیتی وضع ایتک ایچون یاپه جفی اجتماعی قانونلرک لزومی اوزرنده توقف ایدیور ، اولامسلمان ملترلرندن هپسنک بوکون غرب مدینتی آلاماش اولماسنک اسبابی تحری ایدرکن هپ بونلرک اجتماعی بر حیاتلری و موجودیتلری اولامامسندن ایلری کلدیکنی سویلیور و هر درلو تکاملات مدینهک احتیاجات اجتماعیله ناصل قابل اولاجغنه دائر اوزون اوزادی به ایضاحات وریوردی . دییوردی که :

« باشقه تورك عرقه منسوب حجار ، فینوا كی ملتلك واصل اولدینی درجه تكامله بايكنز . بونی صرف اقلیمه مخصوص بر تأثیره عطف ایتك دوغرو دكل ؛ فینوالر ایچون برشی دییه مزسه مده حجارستانله آره مزده کی اقلیم فرقی پك اودرجه آچیق دكلدر . آرا مزده کی یكانه فرق ، اجتماعی فرقدر ، قادینلره قارشى نقطه نظر مز فرقیدر . فقط اوجاغمزی ایصیداجق حرارتك منبى ، یوردیمزی یشیله ده جك عمرانك واسطه سی هپسی بوقادین مسئله سندن عبارتدر . بونی دائماً دوشونوردم . فقط بو سفر درت دیوار آراسنده آنه مك سوكیلی یوزندن اوزاق اولونجه دها چوق دوشوندم و حس ایتدم . بوتون حیات مساعیمده آنه مك متواضع ، كیزلی فقط بو مساعینك تملى تشکیل ایدن تأثیرینی حس ایتدم . اوزمان چالیشمه مك ، هپمزك چالیشمه مك معناسنی اولانجه قدرتیله حس ایتدم . هپمز اوجاغمز ایچون چالیشیورز ، دكلی ؟ هپمز اولا كوكلزك ، وجودیمزك احتیاجاتی تطمین ایله جك ، دائماً بوتون یورغونلق كدروالمریمزی ديكلندیره جك خلاصه باشمزی ایلک و صوك قویدیمز یا صدقدن صوك ودایى كوزلریله ، قلبیله ویره جك برشی احتوا ایده جك بر یووا ایچون چالیشیورز ، دكلی ؟

انسانلری ایلک چالیشدیران ناصل خصوصی بریورد حسی ایسه

دها متکامل بر صورتده چالیشدیران ده کندی یوردینک ده داخل اولدینی اوته کی یوردلرک منفعتلرینک برلشدیکی برغایه در. بویورد حسی نه قدر بر ملتده قوی ایسه اوقدر حقیقی وبویوک معناسیله وطنپرور ، ملتپرور اولور . دقت ایدیکیز ، تورکلرک مادی ومعنوی دوشدکلی زمان یورد کله سنک تورک لهجه سندن چیقدینی زمانلردر . انسان عمومی بر یورد اوغورنده چالیشمق ایچون مطلق کندی یوردینک معناسی ، موقعی جاننک ایچنده اولمق لازمدر . دوشونیکیز که یورد کله سی یوردک افاده ایتدیکی یالکیز بر انکلیزجه « حوم » ایله تقابل ایدم بیلور . بو یورد حسنک اک متکامل برشکلی ده شمال قوملرنده ، خصوصیه آنغلو ساقسونلرده بولنیور . بو کون ده مدینک اک جانه یقین ، اک انسانی شکلی اونلرده کورمیورمی ز ؟ فقط بویورد صمیمی بر یورد اولمق ایچون اونی قوران ایکی چفت ال ، ارکک و قادین الی ، بر بری ایچنه متقابل بر امنیت و محبتله کله بیلیم لیدر . کچیجی احتراصلرینه ، حیاتک دیدنمه لرینه وزهرلرینه غلبه چالاجق بر ذهن ، وقلب سویه سی ، آرقاداشلنی موجود اولمالیدر . بونک برنجیسی یعنی یورد سکاننده متقابل امنیت و محبت بزده قابل دکل . چونکه قوانین اجتماعیه بوتون قدرت وقوتی ، قادینک استقبالی وحیاتی اوزرنده کی هر حق بر طرفه ، ارککه ویریور . مساوی بر ذهن وقلب سویه سی ، آرقاداشلنی ، بوده قابل دکل . چونکه اولا برارکک آرقاداشنی اکثریا کندیسنی سچه میور . ثانیاً سچه بیله دواملی بریووا یا پمنی هر وقت دوشونمکه ذهنک ارثی تمایلاتی مساعد دکل . دائماً یکی و صرف مادی احتراصل و ذوقلر کچنجه قدر بریورد قوروب صوکره اونی ییقمق

حقنی عصر لردن بری ارکک عنصری قوللانه قوللانه بوتمایلات آرتق
ارثی برحاله کچمشدر . صوکر اهیچ بروقت تربیه لریمز برارککی بر
عائله رئیس ، برقادینک آرقاداشی ، برقادینی ده مسئول ومطلق برعائله
رئیس هسی ، برارککک آرقاداشی دیه حاضرلامامشدر . اونک ایچون
یازیق که بوکون تورک قارداشلریمزک اکثریتک یوردی یورددن زیاده
ایکی جنس انسانک برزمان ایچون اوطوردقلری بر اودن عبارتدر .
بوکون مملکتده عینی سیئنهک نتیجه سیله برچوق بدبخت قادین اولدینی
کبی برچوقده بدبخت ارکک وار . »

اوغوز هې بومسئله اوزرنده دولاشيور ، برار ككله برقادينك ،
بوتون بر مملكت ار ككي ايله بر مملكت قادينلرينك متحد چاليشه جقلري
سوكيلى بر مقصد اولورسه قادينلري بونك ايچون حاضر لامق لازم
كله جكنه كچيور . صوكرا آل آله عيني مقصد ايچون چاليشانلرك
قوراجقلري يو واده كي سعادت واميني تصوير ايد يوردى . هله بومسئله
اوزرنده توقى بكا حبسده بلكه قيا حقنده بوتون بوتون باشقه دوشونمش
اولاجقنى فرض ايتدير يوردى . فقط ايرتسى كوني ناصل بر خط
حركت اتخاذايده جكدى ؟

تيزه سى وتيزه زاده سى اوغوزله ياشايان قيا ، نكاحى حربه نظرارتنده
همان قيلدقدن صوكره اوينه عودت ائمه مش ، دوغرو شهزاده باشنه
حدى پاشانك قوناغنه كچمشدى . بزم اوده او هفته اويله بر حاضر لانمق
حامى كچيوردى كه عمجهم دوشمه جيلر وترزيلرله ياشايور كبي ايدى .
قيا ، او ايلك هفته هيچ ميدانه چيقمادى . وديعه همان قوناغنه كلدى .
قيانك هر حالده بوتون بو حاضر لقمده هيچ رايى و آرزوسى يوقدى .
عمجهمك حاضر لاديني دائره يي كزد كدن و عمجهمه بونك كوزل و صوك
موده اولديغنى سويله د كدن صوكره بو هيچ بر سياسى اولمادن صوك
موده ايله توصيف ايديلن يپ يكي ، ماضيمز ، هويتسز اشيارلر ايچنده
قياي اسكى و آنتيقه بر موزه چهره سى كبي بوراده ييانجى بولدم .

اونك محيظه كندى اجدادينك چهره سنى و یرمك ایسته ديكی جانلی و هویتلی اشیاسندن صوكره بو قانا به لر ، پرده لر ، آینه لر اوكانه سوله یه جكدی ؟ بو ماروكن جیغاره سالونندن آقاژو و ایك نازك اوتورمه او طه سنه قدر هپسنى نه قادار یادیرغایه جقدی ؟ روحنده کی عرق و یورد چاغریشی بو یابانجی ، اوزاق محیط ایچنده صوصوب قیصلمايه جقمیدی ؟

بز بونكه مشغولكن بر طرفندن ده قیانك ازدواجنك یکی توران اوزرینه تأثیرینی تدقیق ایدیوردم . شبهه سز بو ، اونلر ایچون بویوك بر فلاكت ، بویوك بر ضربه ایدی . قیاسنی غائب ایدن یکی تورانك چهره سنده ابدی بر اکیسكلکی اولاجقدی . فقط اعتراف ایدرم كه بوفلا كته بویوك بروقار و مردلكه مقابله ایتدیلر . غزته لری بو حوادی تکرار بيله ایتهدی . بومسئله یه و بوتون قیایه هیچ بر وقت موجود دكلش کبی ، ساكت و لا قید کورونمكه چالیشیورلردی . یالکز بر هفته قدر اوغوز اورتدن غائب اولدی . خسته دیورلردی . مختلف یوردلرده کی نطقلرینی کلوب ویره مدی . یکی توران ، اوغوزه بویوك بر فلاكت و ضیاعه اوغرامش بر بویوك آدمه محبت و حرمتك ناصل آرتبيله جکینی کوستردی . اوغوزه قارشی کوسته ریلن پرستش و تعبدك شیمدی شخصی ، رقیق و نوازشکار بر چهره سی واردی . اوغوز سوکیلی بر رئیس کن شیمدی کندیلری کبی بویوك انسانی فلا کتله اوغرار بر انسان اولمشدی . قیانك ازدواجنك یکی تورانده آچدینی اویوغی اوغوزه قارشی کوستریلن بویکی حس دولدورمغه چالیشیوردی . اوزون مدت یکی توران کنجلرینك اوغوزی کوزلرنده حرمتکار

نملره برتعقیب ایتمه لری، او آرالرنده یورورکن عادتاً اوکا سورونمک ایچون، اوکا دو قونمق ایچون بر یاقلاشمالری واردی که پک انسانی و کوزل ایدی.

عمجه م آرتق بر زمان ایچون پولتیقه به عائد خصوصاته قارشی فعالیتنی آزالتمش کبی ایدی. انتخاب اولانجه شدتیه دوام ایدیوردی. بر هفته صوکره اوغوز نطقارینه، آچیق موعظه لرینه اسکیدن دها آرزحساسیتله فقط دها قطعی و مدهش بر عزمله باشلامشدی. اسکی هیسچ اولچوسنی غائب ایتمه ین لساندن شیمدی یکی عثمانلیره قیلیچلر، کرزلر، او قملره هجوم ایدیوردی. یالکیز مجادلانتک حبسه کیرمه دن و چیق دینی کیجه کوستردیکی حسی واجتماعی عناصری، سیاسی و فکری قسمی یاننده شیمدی اسکی قوتنی محافظه ایده میوردی. بواز دو واجدن صوکره اونک ویردیکی نطقلرک هپسنه تا انتخاباتک صوکنه قادار استانبولده دوام ایتدم، تدقیق ایتدم. بو آدمک روحنی آراشدیرمق بنجه عادتاً مرضی بر تجسس حالی آلمشدی. اوغوزک پک دقت ایدلمزسه دیدیکم نقطه لردن باشقه حالنده پک چوق فرق ایتش برشی یوقدی. شایان دقت باشی یالکیز دها کسکینلشمش، صاچلری حیرت ایدیله جک قدر آق لرینی آرتیرمش ویشیل نظر لرینک اسکی آراده کی یوموشاقلنی آزیجق غائب اولمشدی. بوکا مقابل اک بویوک شیلره مرد وساکت برنظر و کوکسله قارشی چیقان قوتلی برارکک حسی ویریوردی. برده یکی تورانک قادینلریله دولو اولان افکار و مقاصد اجتماعیه و مدنییه سندن شیمدی بحث ایدرکن اسکیدن اونک ایچون سوکیلی بر موضوع اولان بو نقطه ده آزیجق کندیسنی زور لایه رق توقف ایده بیلور ظن ایدیوردم.

حریه نظارتنده کی نکاحك اون بشنجی کونی عمجهمله قیا مشترک حیاتلرینه باشلادیلر. بو، ساکت وادعاسز برعائله طویلانیشی اولدی. بو طویلانیش ده و دیعه ایله قوجه سنك او آقشام بزمله یمکده بولماسندن عبارتدی.

بر بازار ایرتسی آقشامی ایدی. عمجهم هر وقت اعتیادی اولان شیق و درست عسکر قیافتنده بردن بره کنجلهشن بر حیاتله کینمشدی. بنی قیانك سالوننه کوتوردی. قیا، و دیعه و قوجه سی — بر کنج یوزباشی — ایله اوتوریوردی. سالونك الکتریقلری بر دونانما پارلاقلی ایله ایشیقلرینی یکی دوشه مه لره، آچیق قورشونی جدی، ساده اثوابیله قولتوقده سسبز و کیمسه سز طوریه اوتوران کلینه دوکیورلردی. و دیعه، بیاض پوللو آچیق اثوابی، قرمزیناقلی کنج باشی، صوکره یاننده کی شیق یوز باشی ایله صولغون قیا واختیار عمجهمدن زیاده کلین و کووه به بکزه یورلردی.

قیا، قورشونی، یوموشاق، اوزون اپك دالغهلری اوزرندن سیاه قیصه بوقله لری دوشن اینجه باشی بز کیرنججه قالدیردی. عمجهم خارق العاده مونس و مجلوب بر تبسمله بنی یاننه کوتوروب تقدیم ایتدی: — عاصمی خاطر لایور میسك؟ دیه صورتدی. قیا بوتون بوتبسم وشعشه لری کور میورمش کبی متکبر و ساده برخایرله اکتفا ایتدی. ایلك خاطریمه کلن شی باشنده و کوکسندۀ عمجهمك او قدر زماندر استانبولك اکی قویو مجملرینه یاپدیردینی الماسلرك نیچین بولنمادیغنی دوشونمك اولدی. فقط اوکا مقابل آیاقلرنده ظریف، ساده اسقارپنلر واردی. بلکه حمدی پاشایه بو قدر لطیف کافی کوره رك الماسلرینی

طاقامشدي . بوايلك آقشام غايت راحتسز وعجيب كچدى . هر كس قيايه خوش كورونمك ايسته يور، كيمسه بونك ناصل ياپيله جغنى بيله- ميوردى . مكالمه يي باشلى باشنه عمجه م اداره ايدييور، بويوك برمه ارتله سياسياتى لاقردى يه قاريشدير ميوردى . بونى بزم محيطده ياپه بيلمك مشكلدى . هر نه حالسه، دامادى صبرى بلكه اردوده يكي تطبيق ايديلن بالونار حقنده مكالمه يه دالدى . بكا كچن سنه تعطيلمده فرانسه ده كي سياحتم ائناسنده كي تحساستى سويلتمدى؛ وديعه يه مودادن بحث ايتديردى؛ هميزى آز چوق سويلتمكه موفق اولدى . فقط قيا مظلوم و تهلكه لى بر ساحه كي كندينه كيمسه يي ياقلاشدير ميوردى . بوتون لاقرديسى قيصة اوت وخاير لرله تمام اوليوردى . اعتراف ايدرم كه بوكا وبوسكونته هيچ ده اولديغى محيطدن يوكسك كورونمك، هيسنه ته دن باقق كي بر شكل و ير ميوردى . اولاً بزم حياتمزه قاريشمامسنه بر آز قيزيور - دى سه م ده صوكره بونك پك يابانچى اوله جغنى تقدير ايدييوردم . طبيعى، نه وديعه نك موداسى نه ده بزم فرانسز تياترولرم اونك مراقنى جلب ايدمك ماهيته موضوعلر دكلديلر . اك چوق اردويه عائد تفصيلاته اهميت ويرديكنه دقت ايتدم . بو، كننج صبرى بلكه آزيحق غرورينى او قشادى . ظن ايدرم كه همان سسى واوضاعى دكشدى . عمجه مك عثمانلى اردوسى ديه دائماً توصيف ايتديكى اردومزى، آرا ده اونوتوب «تورك عسكرى ، تورك اردوسى شويله بويله قيا خانم افندى» ديه خطاب ايدييوردى . بونك عمجه مده مساحه كار بر تبسمدن باشقه برشى يامامسنه آزيحق حيرت ايتهم لازم كليرسه ده عمجه مك اولنديكى كوندن برى، كنديسنده اولدن هيچ كورمديكم بر مساحه پيدا اوليوردى .

حق بن انتخابده یکی تورانك بویله خارق العاده صورتده قازانماسنی
آزیمحق ده اونك مساعمه واهالنه عطف ایدیورددم .

سالونده سیغاره لر وقهوه لردن صوکره و دیعه قوجه سیله وداع
ایدوب اوینه کیتدی . و دیعه آرتق قیای کویا یکی اوینه آلیشدر مق
وظیفه سنی ایفا ایتمشدی . فقط کونلر کچدکجه قیانك بویکی اوینی پکده
بنمسه مکه نیتی یوق اولدیغنك فرقنه وارییورددم . یمکه اینیور ، چیقیرور ،
کینیور ، او قیور ، دیکیش دیکیور ، قوجه سنه قارشى ساکت و نازك معامله
ایدیور ؛ فقط بو اوی بنمسه مک ، اداره ایتك بوکا هیچ یاقلاشما یوردی .
بو عائلده عادتاً اوی اداره و آرقداشنك بوتون مادی راحتنی تأمین
وظیفه سی عمجه مه قالمشدی ؛ بو وظیفه سنه انتخابده قازانق قدر اهمیت
ویرییوردی . قیانك اوتوردینی اودانك توزندن کیدیکی چاشیرك اوتوسنه
قدر هر شی عمجه مک آمر کوزلرندن کچیوردی . ایکی خرستیان اورتیه
خدمتچی ایله برده سفره جی ، بر فرنك اوینك انتظامنی ، سکونتنی
بو اوه ویریور لر سه شه سز بو ، هپ عمجه مک دقت و اداره سندندی .
صوکره قیانك کیدک لری ده شیمدی تماماً عمجه مک ائندن کچیوردی . قیا
ناصل آرقه سند . جبه ایله حربیه به کلشسه اویله جه عمجه مک اوینه ده
کلشیدی . عمجه مک شیمدی داخلیه نظارتنده کی ماصه سی اوزرنده دائماً
برقاج مودل کورییورددم . بردفعه تبسمله باقدیغمه دقت ایتدی ، باشنی
صالادی :

— نه یاپارسك ، دیدی ، قیای کیدیرمك لازم . بو قدر غیرتمه مقابل
آنحق تئنه ، الماس ورنك اولماق شرطیله بودوز قورشونی یا خود
سیاه ایپکلیلرک یکی یچیمارینه تحمله آلیشیدی . هله چاریقلرینی چیقارمقدمه

بلغارستانله صوك تجارت و حدود معاهده مزك نتيجه نلمسى قدر جداً صيقتى چكدم.

هر حالده ياواش ياواش هر فدا كارلقه دكه جك قدر دكرلى برقادين اولديغنه بنده قانع اولمغه باشلامشدم. بكاك بويوك كلن شئي، صرف او قدر اليم ومعظم بر فدا كارلق ديه ياپدينى بواز دو واجده فدا كارلق ماسكسنگ ياشلى نظرلرى، كينلى، صومورتشم سيماسيله كز مه مسى ايدى. هر حالده روخندن نهرلرچيورسه بوقادين عز مكار و ساده طبيعتك بتون وقار و اراداتي ايله اولملرى اورتىوردى. فدا كارلق ديه كيرديكى بويولده آدم عقللى آديملرله يورييوردي. شهبه سز عمجه مى سوميوردي. و سوه مزدى. فقط خصومت ده كوسترميوردي. ايكي كيشى قارشى قارشى يه قيانك اعتقاد نجه اوغوزك حياتى اوزرينه بر بازارلق ياميشلر، اونى قيانك تعيين ايتديكى دكل فقط حمدي پاشانك تعيين ايتديكى بر بها ايله صاتون آلمشلردى. بونى فضله بهالى بولديغنى آكلاته جق هيچ بر وضعيت ده كورونمىيوردي.

كنديسى جانلى و بويوك دنيا سندن ابدى اورتىن بو حبسه خانه سنده تنبل، فائده سز بر حيات كچيرميوردي. دائماً آئنده بر كتاب يا خود بر ديكيش واردى. اولند كدن بر آي كچمه دن شهزاده باشنده محله مزك فقراسنى آيى آيى اوكرنمش هانكى اوده فقير كلينك بر قيز وار، هانكى اوده غدا سنى و يره ميه جكلرى، كيد يره ميه جكلرى قدر چوق چو جوق وار، هانكى اوده خسته وار و بوققرالرك هانكيسنگ اك چوق نهره احتياجى وار بيليوردي.

بر آقشام آئنده كوچوك قولسز پامو قلىلر ديكىيوردي. عمجه م صوردي:

— بونلر نه در؟

— چاشیرجی عایشه قادینک تورونلرینه ایچلک.

— جانم بونکله اوغراشه جفکزه چارشیدن ایکی فانیه آلیویرسه کز..

قیا عمجه مه پک چوق شی بیان فقط بیلدیکنی قارشیسنده کنه
آکلاته مایه جفنه امین برعالمک سکوتی ایله باقدی . صوکرا پاموقلری
آمریقان بزى آراسنده اینجه پارمقلری ایله دوزلته رک دیکیشنه دوام
ایدرکن ساده جه:

— دائماً بویله کییمکه آلیشمشله، دیدی.

ایرته سی کونی عایشه قادینک کندیسنه پارمق دیکیشلی بر خرقة
دیگرکن عمجه اعتراض ایتمه دی. چوق کچمه دن آشیجی باشک کوینده
چوجوغنه قونداق حاضر لامقله مشغولدی.

بونلری نره دن اوکره نوب بیلمه سی شایان حیرتدی. چونکه همان
کیمه ایله قونوشمازدی. شیمدی یاواش یاواش قاپالی حیاته نه ساده جه
انسانیتکار وخیر پرور بر قادین مقصدی ویریوردی. اسکیدن افق
افعالی نهایتسز واو قدر روحنه یاقین مقصدلرله دولو اولان بوقادینک
بویکی آجی وقورو حیاتنده حالایاشایه جق برشی بولماسی جدآتصورمک
فوقنده بر جسارتدی. اوده انتخابات کورولتولرینی ظن ایدرسه مه پک
مراقله تعقیب ایدیوردی. چونکه ماصه سی اوزرنده ، ایش سیتی
یاننده هرکون ییغینه غزته بولنوردی. فقط بوکا رغماً حالا بز اونک
حضورنده سیاسیات قونوشمقدن تماماً اجتناب ایدیوردق .

باشقه بر مشغله واکلنجه اولسون دیه عمجه م اوئی موسیقی ایله
اوغراشمغه تشویق ایدیوردی. سالونده کی پیانونک قاپاغنی همان عینی

موفقیتمندانه هر آقشام آچار ، قاپار ، استرحامکار کوزلرله بر آز چالماسنی رجا ایدر، فقط هر آقشام عینی جواب ردی آلیردی. بر کون بردن بره:

— اسکیدن کوچوک ایکن سن بویله یامازدک ، سامیه؟ دیدی. او وقت قیا ، بازارلغنه صادق قالمایان بر آدمه وظیفه سنی اخطار ایدن بر وضعیتله:

— قیا! دیدی وصوکر: بن یکی توران شریقلری ، پارچه لری وموسیقیسی ایله خصوصیه طشره مکتبلر مزده درس او قوتدیغم زمان او قدر مشغول اولدم که قلاسیق موسیقی بی پک جالامیورم، دیبه کویا براز سرت اولان ایلك اخطارینی تخفیف ایتدی. وبو، ایلك دفعه یکی تورانده بر موقعی وحیاتی اولدیغنی ذکر ایدیشی اولدی.

برده بو حیاتی همزه بردن خاطر لاتان وقعه لر دن الیمبی اولند کدن اون اون بش کون صوکره اولمشدی. بر آقشام یمکدن صوکره سالونده اوتوریوردق. عمجه مله بنم حیاتیلمزی الک چوق اشغال ایدن سیاسیاتک قیا یاننده ممنوع وموضوع اولمه سی بزه لاقیردی بولدیرمق ایچون صیغنی چکدیریوردی. قیا باشی اوننده ، ساکت، دیکیشنی دیگرکن بزماصه نك ایکی طرفده بر بریمزه باقیوردق. عمجه م آراده ماصه اوزرنده کی غزته لرك اعلانلرینی اوقیوردی. فقط بوصیقینتیلی، قورو آقشاملارک عمجه می صیقمادیغنه تماماً امینم. چونکه قیانک حضورند اولق ، قیانک اکیلمش سیاه بوقله لی باشنه باقق و آراده تصادفاً باشنی قالدیرسه قیانک درین مائی نظرلرینه بر آن ایچون دالمق بونلر او قدر بویوک بر حظ ایدی که ! ظن ایدیورم که قیانک خصومت

و خیرچینلق کو سترمه دن ، آچیلماز بر سر اورتوسنه صاریله رق بویله معتدل ولاقید داوارناماسی عمجه می هر کون آرتان و بویون برانهاک و تحسرله بیوردی . اوده کندی طرفندن شیمدیلک قیای فضله صیقه جق صورتده بو حسلرینی کو سترمیور ، ادعاسز و قطعی بر اداره مدیری ، مشفق بر آنا کی قیانک حیات مادیه سنک انتظامنه باققله اکتفا ایدیوردی . بن بونلری دوشونورکن او آقشام قیا ، هر حالده قصدی دکل ، باشی قالدیرمش اوزونجه برمدت مائی کوزلری عمجه مه باقمشدی . احتمال عمجه می کورمیوردی . هر حالده صولغون یوزنده سیاه کیرپیکلری آراسنده کی بو ایکی بویوک فیروزه نظرلرده بویوک برالمه قارشی صوغویوب سرتلشمک ایسته یین بر مجادله واردی . عمجه م بونظرلرک معناسی و قدرتی ایله بردن بره برکنج آدم کی شاشیرمش ، کوزلرینی اوننده کی یکی تورانک بر اعلاننه ایندیرمک او قودیغنک فرقنه وارمه دن او قومغه باشلامشدی :

« ارن کویی یوردنده جمعه مکتبی خوجه لئی آچیق قالمشدر . ارن کویی یوردی فدا کار قیزلرندن برینی بوانسانی ودینی وظیفه دعوت ایدیور . »

قیا اونوتدیغی سوکیلی و آمر بر سسک چاغیردیغی ایشیدیر کی دیکیشی النده ، آیاغه قالقدی . کوزلری یانیور ، یاناقلری یانیور ، بوتون اوزون وجودنده برشی یاپه جق ، برشی سویله یه جک کی بر وضعیت واردی . فقط کوزلری حمدی پاشانک بیاض و قدرتلی باشنه دوشونجه یاواش یاواش آتش کچدی ، اسکی سکوتی یرینه کلدی . بونک شیمدی فرقنه واران و قیانک بو حالی کورن حمدی پاشا الئی

قیاه اوزاتدی . کوزلرنده تقدیر و پرستشله :

— سن طانیدیغم تورکلرک اک جسوریسک ، قیا ، الکی
ویرمز میسک ؟

عجمه مک آلی هواده قالدی . قیا دیکیشلرینی طوبلایوردی .

— بو آقشام ایرکن یاته جغم . الله راحتلق ویرسون ، دیدی .

لاقید و ساکت یورویشیله چیقادی کیتدی .

هر کون یکی تورانک قازانان بر نامزدی اعلان ایدیلور ،
هر کون یکی توران بویویور ، اوغوز مشهور بر آدمدن پک معزز
و سوکیلی بر آدم اولیوردی . آرتق انتخابانک صوکنه کلیوردق . عجمه
استانبوله بر معتاد نامزدلکنی قویدی ، اوغوزده عینی یره قویمشدی .
کچن انتخاباده بروسیه نامزدلکنی قویوبده قازانه میان اوغوزشیمدی
استانبوله قطعی برا کثرت قازانمقله قالمایور ، تورک عنصرینک اکثریتده
اولدینی قونیه ، قسطنونی کبی یرلردن نامزدلکنی قویماسی ایچونده
شدید رجالر آلیوردی . بوتورک ملیتپرورلکی سینیرلرینه دوقمقله
برابر عدم مرکزیت فکرینی پک خوش بولان غیرمسلم و غیرتورکلرده
یکی توران طرفنه کچیورلردی . انتخابانک صوکنه دوغرو ایکی فرقه
آراسنده کی مجادلات صوکه درجه شدتی بولمشدی . نهایت یکی توران
درتده اوج نسبتنده برا اکثریتله انتخاباده قازاندی . بزم طرفدن
آنجق اک طانمش سیالر دها زیاده کندی شخصیتلری سایه سنده
مبعوث اولایلمشاردی .

استانبول نامزدلرندن عجمه و اوغوز ایکیمیسه ده استانبول مبعوثی

اولشلردی . ظن ایدرسه قیانک بدرجهیه قدر کندیسنه غیر قابل

تحمیل اولماسی لازم کلن بوحیاتده کی متاتی فدا کارلغنک یالکزاوغوز ایچین دکل توران ایچینده بو قدر مشمر اولماسندندی . بن یکی تورانک بوموفیتنی قیانک فدا کارلغندن اولده اولدجه تخمین ایتش اولمقله برابرینه قیایه ایچه بر کین حس ایدیوردم . یکی تورانک نامزدلری بربرر قازاندقلری اعلان ایدلیدی کونلر هپ قیانک کوزلرینی آریو-ردم . بو کونلرده یاناقلرنده حمامسی برر قیرمز یلق، کوزلرنده غریب بر بارلاق واردی . فقط تفاخره بکزر برشی نه قدر چالیشدمسه کوره مدم . عمجه مده انتخاباتده قازاندقن صوکره ، صوکه کونلرده پولتیقهده آزیحق آلامش اولان فعالیتی تکرار آتمشدی .

بر آقشامینه سفر مده عمجه قیادن نزا کتله مساعده آلهرق صوکه کونلرده یاواش یاواش باشلادیغمز سیاسیات حقنده بکا بعض شیرل سویله یوردی . آزیحق کندینی اونوتدی ظن ایدرم ، بو کونلرده کی معتادی خار جنده یکینی تورانه اسکیدن یاپدینی کبی سوکه جک قدر ایلری کیتدی . صوکره بردن بره پک ظاهری بر تلاشله ایکیمزده قیایه باقدق . بو کونلرده حرارتلی کورونن چهره سی ده ازیاده یانیوردی . کوزلرنده نهایتسن بر حدتله فقط عدم تنزلی کوستیر بر سکونتله بزه باقیوردی . عمجه مده شاشیردی :

— خسته میسک قیا ؟ دیدی .

— خایر .

— آیاغه قالدی ، قیانک آلرینی آلدی .

— یانیورسک ، یاوروم ؟

— برقاج کوندر براز باشم آغرییور ، اهمیتسنز .

— ناصل اهمیتسز؟ خبر ویرمك لازم كلیردی، رجا ایده‌رم،
عاصم، دوقتوره تلفون ایت.

— نافله، دوقتورلق ایش یوق، ایرکن یاته‌جغم.

— هر آقشام ایرکن یاتیورسك.

قیا ساكت وصیقنتیلی:

— اوتوریکز، پاشا. آلی، قومپوستونی کتیر، یمکدن صوکره

قرار ویررز.

بك بللی بر صقنتی ایله قومپوستونی بیدك. قیانك، حقیقت

چهره‌سنده قونلی بر حاعلامتی واردی. یمکدن صوکره قهوه‌یی ایچر

ایچمز آیآغه قالدی. عمجهم:

— هیچ اولمازسه، صوفی او طه‌کده یاتسون، قیا؟ دیدی. قیا

یانان کوزلری عادتاً دولو، یاناقلری آله‌ولر ایچنده دوندی:

— صوفی فلان ایسته‌مم، پاشا. فقط اکر خسته اولاجقسه‌م،

رجا ایده‌رم، باش اوجه برتورك خدمتچی کتیریکز.

— باق، قیا، یکی توران ناصل عقللی بر قادینده بیله انسان

حسارندن زیاده ملت حسلری یاپیور! جانم، برخسته‌یه بر صوفی نیچون

برعایشه قدر باقاماسین؟

قیا، برکره‌دها، عایشه قادینك طوروننه ایچلك دیگرکن حدی

پاشانك اعتراضه ناصل باقدیسه او یله باقدی. صوکره براز خیرچین:

— رجا ایدرم، او یله بنی صیقماییکز. کیمسه ایسته‌میورم.

شیمدی عمجهم کندیبی سیغاره‌سنی یاریم براقدی، قیانك آرقه‌سندن

کیتدی. ایرتسی کونی قیا قهوه آلتی‌یه اینه‌مدی. بویوك بر حرارتی

واردی . فقط برباش آغریسندن باشقه برعلامت اولمدیغندن دوقتور خسته‌لنی آکلایه‌مدی .

خفیف برصغوق آلفینلنی اولابیلیر ؛ اولمایه بیلیر ، برآلز تحت مشاهده‌ده بولندیرلم ، دییوردی .

قیا اوطة‌سندہ تحت مشاهده‌ده اولدینی کونلرده مجلس مبعوثان کشاد ایدلدی . هر کسک کوزی اک زیاده یالکز ایکی طرفک بویوک و مشهور برر سیاهی دکل عینی زمانده حیاتلرنده شخصی بر فاجعه کچن ایکی کیشیده ، عمجه‌مله اوغوز بکده ایدی .

بردن بره خلقلک تعبد درجه‌سندہ یوکسلتدکلری اوغوز کنج چهره‌سنگ چوق یاشامش ، حس ایتمش چیز کیلری ، بیاض باشی ، پریشان قیافتی ایله نه قدر آلتیش اویاندیریورسه سیویل قیافتی ایچنده بیله عسکری برشیق و تندرستلک کوسته‌دن عمجه‌م بیاض بیقلری ، دیم‌دیک قامتی ، اختیار لغنده فعال و پر حیات برکنج‌لک یاشادان باشی ایله اوقدر نظردقتی جلب ایدیوردی .

— باقسه‌کا ، ناصل شیق ناصلده تام برارکک حالی وار . بلکه‌ده قیاوونی سومشدر . دیه فیصلداشیورلردی . ایشته‌بو ، قیانک ازدواجنک اوچنجی آینده اولمشدی .

مجلس مبعوثان آچیلدقدن سوکرا ایلک هفته‌لری ایچه بحرانیل زمانلر کچیریوردق . شیه‌دی بو قدر معظم بر اکثریتی و حکومتی غائب ایتدکدن سوکره هیچ اولمازسه اولانجه شدت و قابلیتی ایله مخالفت یاپماسی لازم کلن عمجه‌م عینی زمانده قیانک خسته‌لنی اندیشه‌سی و تداویمی ایله فعالیتنک برقسمنی غائب ایدیوردی . دوقتور بو کونلرده

خسته‌لنی قطعاً تشخیص ایده‌میوردی . برهفته قدر برچوق قونسو-
لتاسیونلر ، انتظارلرله کچدی . عمجه‌م مجلسدن کلنجه اوستنی
دکشدیریور . بکا ایرتسی کونی یکی عثمانلیده یازیله‌جق شیلر وارسه
معلومات ویریور ، رایکی لقمه یمک ییور ، بعضاً قهوه‌سنی بیتیریور ،
بعضاً بیتیرمه‌دن قیانک یانه کیدیوردی . هراقشامکی سؤاللریمه عینی
جواب :

— حرارت دوام‌ایدیور . دوقتور برآز استراحت ده‌ا، دیور .
نهایت برکون ینه یمکدن صوکرانوتلرینی ویرمک ایچون معتاددن
فضله‌سالونده قالمشدی که دوقتور کلدی . عمجه‌م پک مهم بر مسئله
اوزرینه مناقشه‌ایتدیکندن و مباحثه‌لرینک دلائلنی قید ایتدیردیکندن
کندیسی یوقاری چیقامادی . فقط دوقتور یاریم ساعت صوکره
قاپینی خفیفجه اورارق یانمزه کلدی . عمجه‌م دوقتوری کورور
کورمن جمله‌سنک اورته یرنده دوردی . قاچ کوندر متمادی یورغونلق ،
اندیشه و اویقوسنزلقله بوزولان یوزینی دوقتوره مراق واضطرابله
قالدیردی :

— بو آقشام ناصل بولدیکز ؟

— شیمدیلک برفرق یوق . فقط یاواش یاواش خسته‌لنی کشف
ایدیورز کی .

— جکرلرنده می ؟

— اوافق براوکسوروک وار . فقط بو حرارتی شیمدیلک کوکس
یابدیغنی ادعا ایده‌م . بودها عمومی ، مهم فقط اوکی آلمانزسه هرشی
اولا بیله‌جک برراحتسنزلق !

— خلاصه ایدیکز .

— عفو ایدرسکیز، پاشام . بوایلہ عسکری برقطعیته تشخیص
ایدیلیر برشی دکل . بر دفعه جله عصبیه تماماً مختل . کندیسلیه
اوزون قونوشوب تدقیقه چالیشدم . اولاً ، اوزون مدتدر کیچهلری
اویومیورمش .

— عمجهم باشنی صالادی .

— بو بلکه برایکی آی دوام ایدن اویقوسزلق جله عصبیه سنی
بوزدینی قدر بنیه سنده عمومی برضعف ویرمش . بوتون وظائف
حیاتیه سنه ، جله عصبیه سنه ، قلبنه ، جکرینه ، باغیر صاقلرینه ، معده سنه
هپ بردن براختلال ، بربطانت یامیش . خلاصه ، شیمدی براسمله
توصیف ایدیلہ بن بوخستلق اوکی آلمانزسه یک وخیم اولابیلیر .

— یک اعلا ، اولیه ایسه اوکی ناصل آلنیر ؟ سویله ، دوقتور .
— اولاً ، بوخسته لغک اسبابنی آراملی ، خانم افندی مادی ، معنوی
برفعالیتنه ، آچیق صحرا حیاته آلیشقدیلر ، دکلکی ؟
— اوت .

— شیمدی ناصل یاشایورلر ؟ یعنی ذهنلری وجودلری کافی
درجده چالیشیورمی ؟

— اولی برقادین ناصل اسکیمی کی چالیشیر ؟

— سوقاغه چیقیورلرمی ؟

— اولاً برایکی آی محله ده فقرالری دولاشمق ایچون چیقیوردی .
فقط هیچ کز مکه کیتمز . بونک ایچون چوق چالیشدم ، موفق
اولامدم . شیمدی صوک زمانلرده محله ده بیله چوق دولاشد

یوقدی . دائماً دیکیش دیگر ، اوقور ، ایشته اوقدر .

— کوردیکز می ، بوفنا . شیمدی افندم ، کندیسنه ، هان
 او یوده بیلکم ، نه اولورسه اولسون او یوده بیلکم ایچون ایلک تدبیرم
 قوتلیجه برنار قوتیق ویرمک . بونی شیمدی سز ویرملیسکز ، پاشا .
 صوکره قطعاً یالکیز بر اقلمغه کلز . دیدم یا ، قوتلی ومتین ، بللی
 ایتمه یور . فقط پک فنا بر نوراسته نی کچیریور . صوکره ایلیق صو
 بانیولری ، فریقسیونلر ، بول وساده غذا ، حرارتی دوشر دوشمز
 کزدیرمک ، ممکن اولدینی قدر اکندیرمک ، مثلاً آقشاملری بریکز
 اونک اوطه سنده اونکله مشغول اولمالی . واک نهایت ...

دوقتور بزم یوزیمه باقدی . عمجه م : — عاصمک یاننده سویلیکز ،
 دیدی .

— اوطه کزی موقت بر زمان ایچون آیرمالیسکز ، پاشا
 حضر تلی .

عمجه م دوقتورک روحنی ده لر کبی سوزدی . عجبا بو ، قیادن
 کلن بر تأثیر له می ؟

— بوکا حاجت یوق ، عزیز دوقتور . علاج لینی بن یاپه جغم ،
 کیجه لری بن بکله به جکم . او یومغه کلنجه ، قیایی او یوتدق دن صو کرا
 بزم اوراده کی بریانا قدده یا خود بشقه بر اوطه ده او یومش اولمه ده نه
 محذور اولایلیر ؟

دوقتور اوموز لینی قالدیردی .

— سز بیلیرسکز افندم . برده ممکن اولدینی قدر چونجه آیران
 ایچیره بیلیرمیسکز ؟ ایشته رجه لر ، لطفاً بونلره بو کیجه باشلایکز .

بو هفته چیقماندن مطلق خسته اویومالی . صباحلین اوغرام . بون
نوی ، افندم .

عمجهم آياغه قالدی . دو قتوری قاپییه قدر تشییع ایتدکن
صوکره سسندده هیچ طانیما دیغم بردوشکونلک ایله :

— علاجلر یابیلنجه بکایوقاری کوندر ، عاصم ، دیدی . برده ،
اونی اشغال ایدم بک هضمی قولای ، ذهنی اکندیریمی بررومان
بولامازمیسک ؟

— ینکمی اشغال ایدم بک رومان ؟ بو ، اولسه اولسه آلپ
تکین بکک صوک رومانی اولایلیر ؟

— اسمی ؟

— یکی تورانک قیزی .

— ها ، نام مستعارله اوغوز بک یازیورمش .

— بلکه .

— کچ .

تورک عسکرلری دییه یکی بر رومان ده وار . فقط هپ یکی
توران قوللقسیونی .

— اولسون . موضوع ؟

طرابلس محاربه سی ائاسنده انور بکک بنگازی مجاهدین اردوسنده
تشکیل ایتدیکی حیات اجتماعیه . بو ، جداً مراق آور بوکوزل ؛
بو قوللقسیونده « یننده تورک عسکری » ده وار .

— بک اعلا ، بونلر سندده وارسه ویر .

براز صوکره ، عمجهم بک آلنده درین چیزکیلر ، آئنده بو یکی

توران قوللقسیونک صوڪ ايکي نومروسی ، چیقدی کیتدی . بنده اجزاخانهده علاجلری یاپدیرمق و یوغورت بولدیرمق ایچون امر ویرمکه کیتدم .

علاجلری کوندردکدن بر ایکی ساعت صوڪرا بن حالا کاغدلر آره سنده چالیشیرکن عمجهم او طمه کلدی . یوزی قیرمزی و قاریشیقدی .

— قیا قومیس ایسته یور . نرده بولابیلرز ؟

— ایران ایچمه یورمی ؟

— خایر ، ایشه یکی توران چیلغینلغی افراطی ! آیرانی ده فرنکستاندن کتیرمه دک یا ! فقط قابل دکل ، مطلق بو مرتجع حریفلرک ملیتپرور مودالری چیلغینلغی ، نه ایسه ، بولمالی . نرده بولنور ؟ — ظن ایدرسهم توران لوقنطه لرنده . بن شیمدی چیقار ،

کونده ریرم . ناصل ، او یویه بیلله جکمی ؟

— علاجنی ویردم ، آزیحق صیزه جق کبی ایدی . فقط آیران ایچیرمک ایچون اصرارمه ینه تیتزلندی . رجا ایدرم ، قومیمی چابق کتیر . بلکه ایچنجه او یور . بن اوکا « تورک عسکرلری » نی باشلادم خوشلانیور ، کبی .

او آقشامدن صوڪره مجلسدن کلیرکن عمجهمک النده ایکی شیشه قومیس بولنیوردی . حتی بونی یکی توران غزتهلری بیلله یکی عثمانلی فرقه سی رئیس ی همدی پاشا حضرتلرینک نهایت تورک اولدیغنی خاطر لایه رق اجدادینک ایچکیسنی بالخاصه توران لوقنطه لرندن الیه آلدیغنی یازیورلردی .

بوکا مقابل غزته لرك برنده ده : « حمدی پاشا حضر تلرینك حرم عالیری خانم افندینك فعالیتی » سرلوحه سیله بر مقاله چیقدی . بو ، قیانك فقرا آره سنده کی صرف انسانیت پرور حرکاتی ، عثمانلی فرقه سی قادی نلرینك ده نهایت فقرا تشکیلاتی ایله اوغراشدق لری شکنده کوستریور ، مبالغه ایدیور ، بوکا سیاسی بر رنك ویریور ، عادتاً قیانی یکی عثمانلی فرقه سنك بر عاملی کوسترمك ایسته یوردی . بو بزم پولتیقه مز ایچون ای اولسه بیله حد ذاتنده فنا ایدی . ذاتاً کافی درجه ده اضطراب قیا عجباً بونی ناصل تلقی ایده جکدی ؟

بومقاله نك چیقدیغی آقشامدی . عمجه م بر معتاد کچ و یورغون کلمشدی . مجلس مبعوثانده عربده لی بر مناقشه کچمش ، قاینه دوشمشدی . اصل یکی توران عناصرینك اك قوتلی عامللرندن مرکب بر قاینه تشکیلندن بحث ایدیور دی .

یورغون ، دوشکون ، یمکده عادتاً اویوردی . شیمدی هر شیده اوغوز ایله آرتق قارشى قارشى به ، آل آله بر مجادله کچیریور لردی . مجلس مبعوثان کرسیسنده اوغوز ، مدهش و بی رحم ، کویا مملکتده کی مرکزیت پولتیقه سنی ابدیاً اولدیرمك ایچون هجوملرینی عمجه مک شخصه توجیه ایدیور دی . عمجه مده هر وقتکی قدر وقور و قطعی فقط قیانك خسته لغندن ، باش اوچنده کچن اویقوسز کیجه لردن ، بلکده قیانك تأثیرندن اسکی بارد ، متحکم منطقنك هیج مرحمت ایتمز وضوح و قدرتیله ، کنجلمکی ایله هجوم ایتمه یوردی ؛ حالوکه اوغوز عمجه مک قارشیسنده عمجه مله مناقشه ایدرکن نهایتسز ، منبغی توکنمز بر کنجلك غلیان و آتشی ایله بوتون اعتراضاتی قاووروب کچیوردی .

عمجهم يمكن صوکره بردن بره اون سنه اختييار لامش ، دها دوغروسی ايلک دفعه اوله رق حقيق ياشنی دويمش کې اكيله رک کيتدی . ايچمه ده برشی چو کيور ، ييقيلوردی عمجهم ضعيفلر سه بزم فرقه نك قوتنه ، حياتنه نه اولاجقدی ؟ بلکه قيانك ايلشمه سی اوکا اسکی کنجلکنی اعاده ايدردی . فقط بو قوتلی ، بوقادر مطلق قيا ، ناصل عمجه مک اک درين قابليت وقدرتی ييور ، مص ايديوردی ! اوغوز ايچون ياپديخی ، داهادوغروسی ياپديريلان فداکارلغک انتقامنی ناصل بيلمه يه رک آليوردی .

عجبا قيا بوراده يکي توراندن اوزاق ، دائمی بر اشکنجه ايچنده ياشارکن يکي تورانک اک بويوک خصمنک بوتون فعاليتنی ، قابليتنی پيه رک يکي تورانه ناصل خدمت ايتديکني بيلورمی ؟ کيجه ياريسي او طهم وورولدی . قالقدم ، آچدم . عمجهم ، چهره سی بوزوق و متأثر کيردی .

— عاصم ، دیدی ، بزم غزته لرده آرتق نه يادقلرينی بيلمه يورلر . قيا حقنده کی او مقاله يی عدم مرکزيت غزته سی نه ديه يازدی ؟ — نه بيلهيم عمجهم ، اونلرک ، غزته سنده سزک ايچون قوميص مسئله سی نه ديه يازيلدی ؟

— يوقسه بونی سنی ويردک ؟

— خاير ، فقط بونک نه ضرری وار ؟

— نه ضرریمی وار ؟ فقط قيا ي اولديريورز . بويکجه قطعياً اويوميور . علاجنک مقدارينی ايکی درجه آرتيردم ينه اويوميور . عصبي بر حماء هزيان ايچنده . بونی تکذيب ايتلی .

— ناصل اولور ، عمجه ؟ حمدی باشانک بویله بر خودائی تکذیب
ایتدیرمه سی فرقه سی آراسنده ناصل بر تأثیر یاپار ؟ ذاتاً اولندیککز دن
بری تورانجی اولمغه باشلادیگکز یاواش یاواش سویله نیور بیله !
عمجه م ایکلر کبی بر شیر میرلاندی . و بیاض باشی آلرنده ، بر
زمان ایکی طرفه صالاندی . بو پک مهم و آجی بر موقعدی . نه
یابه جقدی ؟ قلبی ایله اعتقادائی و بوتون حیانتک اساسائی شیمدی قارشی
قارشی به چکیدشیوردی .

— اداره خانه کیت ، صاحب امتیازه قیانتک خسته لغنی ، هر شئی
آکلات . بو حرکتک صرف انسانئی برشی اولدیغنی سویله . بکا
شخصی بر خدمت دیه بو ایشی یاپسون .

دوشوندم ، دیمک عمجه م بیله بر کون سودیکی بر قادینک صحتی
ایچون اساسائی ضعیفلاتیوردی . بر تجربه اولق اوزره :
— یا یازمازلرسه ؟ دیدم .

— او حالده قیابو اودن چیقوب کیده جک . معاهده مزه بوداخل
دکلدی دیور و امین اول که کندی طرفندن سوزینه اوقدر حرمت
ایدن بو قادین بز سوزیمزی طومازسه ق مطلق چیقار کیدر . بونی
منع ایده میز .

— کیدرسه نه اولور ؟ سزده اسکی حیانتکزه و موفقیتکزه عودت
ایدرسکز ، عمجه !

— چوجوق ! بونک فرقه مزه آچه جنی اسقاندال ، یا !

— صرف بونک ایچونمی ؟

— صوص ، حاصم ، خسته ویورغونم . کچیردیکم بحر انزلره بر

باشقه سی مطلق چیلدیرردی. بن کیدیورم. آیاق سسلرینی ایشتمه یورمیسک؟
سن ده غزته اداره خانه سنه !

— شیمدی ؟ بو وقت ؟

— سن کیتمزسه ک بن کیده جکم .

— بکی ، قالكز عمجه ، کیدیورم ؟

عدم مرکزیتہ بوتکذینی ممکن اولدینی قدرماهرانہ یازدیرمقلہ
برابر ، اعتراف ایدرم کہ ہم یکی تورانلیرہ ہمده بزم فرقه ده کیلرہ پک
باقہ میوردم ، ہب بزمہ استہزا ایدیورلر کبی کلیوردی .

بونک چیقماسی بیلہ قیانک سینیرلرنده بومقالہ نک ایلک تاثیرینی
ازالہ ایتہدی . بر هفته کچمہ دن دو قنورلر قیانک سیاحتہ چیقارلمہ سنہ
مطلق اولارق اصرار ایدیورلر ، عکسی تقدیرده مسئولیت قبول
ایتمہ یورلردی .

قاینہ تشکیلی اولا اوغوزہ تکلیف ایدلدی. او، ریاست قبول ایتہ جکنی
فقط بریکی توران قاینہ سنہ نمونیتلہ کیرہ جکنی سویلہدی. قاینہ تشکیلہ
نہایت اسکی بمن قهرمانلرن دن احد فوآد پاشا مأمور اولدی. اوغوز کندی
آرزو سنہ بناء قاینہ ده ہم معارف ہمده داخلہ ناظری اولمشدی .
قاینہ مجلس معبوانہ کلمہ دن عمجه مجلسدن اذن ایستہدی . کندی
فرقه سی قاینہ اعتماد رأی ایستہ یه جکی کونہ قدر قالماسنی، مطلق اوکون
هیچ اولمازسه اعتماد رأی ویردیرمہ یی منع ایدہ مزسه بیلہ افکار
عمومیہ ده یکی قاینہ نک پروغرامنک مضراتی حس ایتدیرہ جک
صورته دیوک برنطق ایراد ایتہ سنی ایستہ یورلردی. عمجه مک کوزنده
پاشلرلہ دو قنورلر راپورینی آرقداشلرینہ کوستردیکنی کورنلر اولدیغنی

ادعا اییدیورلردی. حمدی پاشایه اذن ویرمه سنی کویا اوغوزبک ترویج
ایتمش ایمش کبی روایتلر چیقدی. عمجه م قیا ایله ممالکتدن حرکت
ایتدیکی کون غزته لر قیانک خسته لغندن، قیا کبی بروجودک ضیاعنک
معناسندن فلان بر چوق بحث ایتدی لر. بینه یکی توران غزته لری بو
موضوعه قارشی ساکت و عنود برلا قیدی کوستردیلر.

۱۵ کانون اول ۱۳۴۷ ، شهزاده باشی

عمیحه ،

قاینه جمعه ایرتهسی کونی مجلسه کلدی ، بیاننامه سنی اوقودی .
بونی غزته لرده کورییوردم . سهررد مبعوثی خورشید سالم بك جدا
بلیغ وشدید برنطق ایله مملکتی فلا کته کوتورن بوپولتیقه صاحبی
قاینه یه اعتماد ایدلمه مسنی سویلدی . بوکا ، قارشی طرفدن سکود
مبعوثی ارطغرل بك جواب ویردی . ارطغرل اوغوزك نسخه
ثانیه سی . فقط زرده اوغوز ! اوغوز حکومت موقعنده اسکیمی کی
سویله یه مه مکدن عادتاً قودورییوردی . بر چوق پاطریدین صوکره
طبیعی اولارق بویوك بر اکثریتله اعتماد رأیی آلدیلر . بز سزك
اولمادیغکزی بللی ایتمهك ایچون بك چوق چالیشیورز . بن همان
هر کون یکی عثمانلی یه یازییورم . ینکه م سزکله برابر بنمده بر آزیکی
عثمانلیق قائمی اویوشدیرمشدی . شمدی اولانجه قوتتمزله چالیشیورز .
بوراده بعض عجیب شیلر اولیور . پادشاه وکلا ایله بعض مبعوثانه بر
ضیافت ویردی . ضیافته بك طبیعی اولارق اوغوزبکه آریجه التفات
ایتمش ، زرده بویودیکنی ، ناصل تحصیل آلدیغی صورمش . بروسه ده
تاتار محله سنده دوغدم ، تحصیلمی ، داها دوغروسی تربیه سیاسیه می

بروسه نك بويوك جامعارنده واسكى پادشاهلرك اسكى بويوك تر به لرنده ،
سوكلى خاقانز ، ديمش !

بروسه ده تانار محله سنده ! آرتق آكلارسكز يا ، نه قدر اصيل
بر آدم اوله بيله جكنى ! ناظر اولدقدن صوكره نه قيافتنى ديكشيدردى ،
نه اوضاعنى . ضيافته استامبولينك آلتنده يموشاق برمتانله كيتمش .
بوراده اجنبى غزته لرندن برينك محررى بر آنترويوو يامش ، قيافتنى
ديكشيدرمه مى موضوع بحث اولمش .

— عمرمده ياقهلق طاقدام وبوندن صوكرده طاقغه نيم يوق ،
ديمش . بك قبا فرانمزجه سويله يوشمش ، ممكن اولدينى قدر بك
اوغلى حيات اجتماعيه سندن قاچيورمش ؛ حتى برقادين دشمنى دنيله جك
قادر قادينلردن اجتناب ايتديكى ايچون يكي توران پولتيقه سنده
قادينلرك سويه سنى يوكسلىتمك ، حيات اجتماعيه ده اونلره برر انسان
موقعى ويرمك ايچون چاليشماسنه اخلاقيله ضد برقاعده ديهه باقيورلر .
بونلر يكي عثمانلى مزاح غزته لرى ايچون بويوك سرمايه تشكيل ايدييور .
كچن كون خنده ده برقاريقاتورى واردى . آياق لرنده چاريق ، آرقه سنده
اوابدى قورشونى قوستومى . لاقيردى سويلر كن آلرينى پانتالونك
بلنه صوققى ايچون يلكنى كوملكنك اوستنه ده ويرمش ، قارشيسنده
ظريف ، كوزل چارشافلى برقادين :

— قادينلر نامنه تشكره كلدم ، بويوك ناظر ، نهايت سز بزه
قادين اولديغمزى حس ايتديره جكسكز ، دييور .
ناظرلك كوزلرى دونمش :

— قادينى ؟ تكرم اسيركه سون ، صرف سزى قادينلق قيافتندن

چقارمق ایچون یکی بر پولتیقه ایجاد ایتدم ، دیور .
 فقط بنجه اوغوزك بوحاللییه آلائی ایتك اونك عامینه دکل لهنه
 چیقیور ، بوضعفلر مفرط ملیتپرورلرک تقلیده قدر قالدیشه جقاری برر
 فضیلت اولیور .

داخلیه نظارتنه کله لی برهفته اولمادن مجلسده براستیضاحده مهم
 بر نطق ویردی . بوکا هجوم ایتك ایسته یورز . فقط بك ضعیف
 نقطه سنی بولامیورز . صورت قطعیه ده عدم مرکزیته دوغروکید . جك
 اما بونی یکی عثمانلی اداره سندن دها شدید بر اداره وقوتله یاپه جغندن
 آرتق دولتی تقسیم ایده جکلر ، اوته کیلر باشقه یرلره التحاق ایده جك
 فریادی قوتنی غائب ایدیور . اونی طبیعی فرنك غزته لری تلغرافله
 ویررلر : بن دها واضح اولسون دییه بعض پارچه لرینی آلیورم .
 همان یازوب بو آقشام پوستیه ویره جکم :

بونجه سنه در يكي تورانك حاضر لاديني (۱) تورك ملتني يوكسلىتمك؛
 (۲) تورك ايمپراطورلنى عناصر مختلفه سنى عدم مركزيت ايله اداره
 ايتك بولتيقه سنى يكي توران بوكوندن اعتباراً موقع تطبيقه قويغنه باشلايور.
 تكررنيك اذنيه بونى تطبيق ايدم جكدرد. فقط بوقدر ضد ومتنوع
 املر بسله ين مختلف قوملر آراسنده بونك ايلك تطبيق ايدلديكي سنه لر
 حتى بلسكه ربع عصر بويوك تهلكه ومشكلات كوره جكنى يكي توران
 تماماً تقدير ايديور. يكي توران بوعدم مركزيتك برداعلمه شكلنه
 منقلب اولماسنه بوتون وارلنى ايله قرار ويرمشدر. مختلف عناصرى
 مختاريتيه دوغرو كوتورن بويوك امتياز لر ويريليركن تورك كويلوسنه
 اوته كي عناصر آراسنده الكچوق كريد اولان تورك معارفنه، آناطولنيك
 عمومى عمراننه برنجى درجه ده قوتى و قابليتنى صرف ايدم جكدرد.
 كوچوك تورك اراضى صاحبلىرىندن عسكر آلاماق، تورك كويلرىنده
 خوجه لق ايدم جك اعدادى طلبه سنى [هرنه جنسندن اولورسه اولسون]
 عسكردن معاف طومتق، اسكيدن روم ايلي يه صرف ايتديكي فضله
 يول و شمندوفر و مكتب تخصيصاتى يكرمى سنه مدته آناطولى يه
 صرف ايتك ايچون قانون لايحه لرى حاضر لايور. بونى تورك، غير
 تورك يكي توران فرقه سى مبعوثلرينك قبول ايتمه لرى تحت قراره آلمشدر.
 بو نقطه لرده حتى مخالف تورك مبعوثلرينك ده بزه ظهير اولاجفندن

امینز . بو تورکلره خصوصی امتیاز قانوننک یالکزی یکر می سنه مدته
مرعی اولماسنی حکومت مجلسدن ایستیه جکدر . اوندن صو کره حکومت
بوتون عناصرک بولوندیغی اولککلرک و تورک ایمراطورلغی اقوامنک
هر صورتله اداره و ترقیسنی کندی قابلیتنه ، ثروت طبعیه سنه و چالیشقانلغنه
ترک ایده جکدر . یالکزی عناصر آراسنده کی موازنه یی محافظه ایچون
حکومت بوا یلک یکر می سنه صو کره اک کریده قالانلره واک ضعیف
اولانلره اولایار دیم ایتهمی ایچون ولزومنده تطبیق ایدلک اوزره ،
دیگر بر قانون داها حاضر لامقده در .

عدم مرکزیتی تمامیله تطبیق ایده بیلک یکر می سنه لک بر سکونته
و تورک عنصرینک غائب ایتدیکی موازنه یی بولسنه وابسته اولدیغندن
حکومت بو آراق صلح و آسایشی و سکونت مملکتی اخلاص ایده جک
هر درلو حرکت مستثنا بر شدته مقابله ایده جکدر .

حکومت عینی زمانده مختلف یرلرده کی مختلف قوتلره کندی لرندن
مأمورلر ، والیر ، و میلیرس تشکیلاتی همان پایه جقدر . فقط بوا یلک
یکر می سنه ظرفنده عدم مرکزیت ایله اداره ایدیلر جک غیر تورک
عناصری عادل ، فقط صیقی بر تفتیش آلتنده بولن دیره جقدر . کندی
ریاستم تحتنده تشکیل ایده جکم بی طرف و عادل بر هیئت تفتیشیه روم
ایلی ، کردستان ، عربستان ، و روملره مسکون آطه لک مکتبلرینی
طرز اداره سنی حکومتک تفتیشنه آچیق بر اقله یی تأمین ایده جکدر .
غیر تورک مسلمان قرده شلریمزدن تورک ایمراطورلغندن آیری بر اداره
تشکیلی ایچون چالیشانلری یا خود اوفکری تلقین ایدنلری ، غیر تورک
و غیر مسلم قرده شلریمزدن دیگر بالقان و یا خود باشقه بر واسطه ایله

و یرمهک چالیشانلری حکومت شدته تأدیب ایلده جکدر .

بن پولتیقهده ، خصوصیه داخلی پولتیقهده حکومتلرک مطلق بر امل و مقصدی اولماسی ناصل لازمه او امل و مقصدلرینی ملته واضح بر صورتده تبلیغ و ملتک یاردیمینی ، اشتراکینی تأمین ایچین عینی آجیق و صمیمی بر خط حرکت اتخاذا ایتمه لری لزومه ایمان ایدرم . بویامانه توفیقاً حرکت ایده جکم . بکا یاردیم ایدن هر قوم ، هر قرداش و وطنداش بو کون برداخلیه ناظرینک نفوذ و قدرتی ، مشکل فقط شرفی وظیفه سنی یاپیور دیمکدر . بونلرله الاله چالیشه جغز . فقط تورک ایمراطورلغنک صوک چاره و تدبیر نجاتی اولان بو آجیق پولتیقهیه خیانت ایدنلره هیچ امان و یرمیه جکز . تورک قرده شلریمک مبارزه حیات و استقلالده صوک چاره لری ، غیر تورک قرده شلریمکده ترقی و سعادت ایچین ینه صوک چاره لری دییه دوشوندیکم بو خیرلی یوله هپسینی دعوت ایدرم .

ناصل آمریقاده جنوب شمالدن آیرلمق ایسته دیکی زمان سلا حله ، طوبله یوله کتیرلدی و بو کون بر برندن قومماز بر آمریقاییلق واسطه سیله مربوط جمهیر متفقه بر برینه اورولدی ایسه بزده بو مختلف اقوامی بو بویوک ایمراطورلغک استقلال و سعادتنه کندی منفعت و استقلاللری یولنده بر برینه اورمک ایچین ، هیچ یولمزدن انحراف ایتیه جکز .

هپمزی یارادان تگری هپمزک یارد مجبسی اولسون .

شیمدی بو نطقک یکی عثمانیلر اوزرینه تأثیرندن قورقوروم . نه

دیرسکز ؟

امید ایدرم که سیاحت ینکه مک اعصابنه بکله دیکمز سکون و عافیتی ویردی . سزکده سعادتکزه تمنی کارم ، محترم عمجه م . بنی یکر می

بش سنده در تربیه ایتدیککز یولده بو کون هر وقتدن زیاده ثابت
وعز مپوروم . عمر یکزده آرتق هیچ برشی یاماسه گزده سنك مملکتده
یادیفکز پولتیقه یی بن سنك اسکی قابلیتکزله دکلسه بیله اسکی شدت
و فعالیتکزله تعقیب ایدم جکم اللر کزدن اوپر، ینکه مک صحت خبرینی
وامرلر کزی بکله رم .

یکنکز

عاصم

*
* *

برلین ، ۱۸ کانون اول

عنیزم عاصم ،

شیمدی پوسته خانه ده سنك مکتوبکی غزتله لوله برابر آلام ،
او قودم . ینه بورا جقده جواب ویریورم . اولاسیاسی قسمنه کله لم :
او غوزك نطق قدرتلی فقط قدرتلی و صمیمی اولدینی قدر ضعیف
نقطه لری ده وار . اولا تورکلره وعد ایتدیک امتیازات . بونی غیر
تورکلر ناصل تلقی ایدم جک ؟ عربده نك بویوکی بورادن چیقاجق .
بو نقطه ده کی یکی عثمانلی تورك مبعوثلرینك بعضی لری نی جلب ایتمکه ،
ترده دوشورمکه موفق اولابیلیر . فقط آنا طولینك بویوک بر قسم
وارداتی آلان روم ایلی بوندن محروم اولونجه نه یاهه جق ؟ بوا امتیازات
ایاق اوستنده دورمیور ، هله صمیمیت و آچیق پولتیقه ! بویله بر پولتیقه
داخلی ، خارجی نرده کورولمش ؟ بوکا یقین اییلکی بو قدر معترض
قازانمادن یاهه مازمیدی ؟ بو نقطه یه سنز قطعاً اعتراض ایتمهییکز ،
مملکتده مدھش بر آقینتی کی آقان ، آرتان ملیتپرور جریان بزم

فرقه ده بدرجه یه قدر موجود ؛ بونی کوجندیره بیلیرسکیز . سز عدم مرکزیته قلاسیق هجومی یاپیکیز . ذاتاً بو عدم مرکزیت ، نائل اولانلرک بیله اعتراضی جلب ایده جک برماهیتده . بنجه عدم مرکزیت ایسته یین عناصر عثمانلی دولتندن آیرلق ایسته یینلردر . بونلر ایسه بو تفتیشی قبول ایتیمه جکلردر . دیگر قسم غیر تورکلرده ذاتاً مرکزیتی ایسترلر . اوغوزک عدم مرکزیتنده کی میلیرس عسکرلری تشکیلاتنک همان اجرایی بکا ک تهلکه کی قسمی کلپور ؛ بونک اوزرنده فرقه نامنه دکل وطن نامنه چوق توقف ایدیکیز . بوروسه تاتار محله سی محصولی چاپقین شیمدیلاک بر میلیرس عسکرکی مسئله سنی چیقارمایه ایدی حالی بو قدر وخیم کورمیه جکدم . بو ، راحتی قاجیردی . شدت پولتیقه سنه کلنجه بوده اتحاد و ترقینک ایلاک مرکزیتله برابر تطبیق ایتک ایسته دیکی پولتیقه . بوکا مرکزیتله موفق اولامادی ، عدم مرکزیتله عجبا داها چاقمی موفق اولاجق ؟ هر حالده شو دیدکلری اوزرنده اوغوز بیلدیکی کی اویناماسون دیه ممکن اولدینی قدر سیاحتی تقصیر ایده جکم .

فقط اوغوزله بودفعه جداً بوغاز بوغازه کله جکم . بومبارزنه ک بیلیم قیا اوزرنده نه تأثیری اوله جقدر ؛ فقط بونی یامغه مجبورم . شیمدیلاک بر آی ایچین آلمش بش سنه لک حیاتک ایلاک تعطیلنی یاپورم . قیانک اویقوسی ، اگر بنی آلداتما یورسه ، ده ایه . اسکیدن داها ضعیف ، فقط بکا بر آز ده جانلی کلپور .

یکی تورانک مسخره لنی سیئه سنه بنده اوغرام . قیانی سوقاقده آوروپا قیافته صوقامادم . چانطه سندن سیاه ایپک جبه سیله بیاض

قرب دوشین اورتو چیقدی . سویله دم ، سویله دم ؛ نه شدت نه ده
استرحام کار ایتدی . ساده جه :

— بـم قیافتمدن اوتانیورسه کز استانبوله دونه رم ، دیدی .
هیچ اولمازسه چاریق کیمه دیکنه متشکر اولدم . ترندن اوچان
جبه سی ، بیاض اورتوسيله چیقدی . نه ایسه اونی برنوع راهبه فلان
ظن ایدیورلر ، غالباً . فقط کوزللیکی نظر دقتی جلب ایدیور .
شیمدی ایچمدن عقلنه چاریق کیمک کلدی دیه شکر ایدیورم .
سوقاقلری وبوتون مؤسسائی بویوک بردقت و مراقله تعقیب ایدیور .
فرانسزجه سنی هیچ اونومه مش . اون بش یاشنده ناصل قونوشورسه
اویله قونوشور . اوتله غارسونلر اوزرینه بویوک بر تأثیری وار .
یمکی اوطه مزده ییورز . کیجه تان هاوزره کوتوردم . برآز آلمانجه ده
بیلدیکنی ایلک دفعه آ کلام . کندی کندینه اوکرشم اولدیغنی ،
اوقودیغنی فقط قونوشمادیغنی سویله دی .

«سلام سکا ای کوزل کوك! سلام سكا وطنك یشیل تارالاری!»
پارچه سنده باشنی لوجه یه دایادی ، یاناقلرندن یاشلر آقعه باشلادی .
غزته آرایور ؛ فرانسزجه غزته لری بولدیرتیور . بویوک بر
صبرسنلق و صیقتی کوسته ریور . شیمدی مطردبر هوا ، روز کارسنز
وقوروبریر بولق ایچون تیروله ، اینسبروغه کیده جکـز . فقط قورقیورم
عاصم ، قورقیورم بوراسی ده اوکا شفا ویرمه یه جک . بکا ترنده دون
بردن بره دیدی که :

— مطابق بکا سیاحت لازمه آناتولی ده بریره کوتورملی ایدیکـز .
صانکه یشیلک ، اورمان وصو بزم یوردیمزده یوقی ؟

— فقط یوللر هر وقت منتظم دکل وشمندوفر یوق. هله اوتل!
— شمندوفری اولمایان یرده آته بینرک ، یکی تورانک هیچ
تصور ایتدیککز یرلرده یوردلری وار .

— بوقدر راحتمی ؟

جواب ویرمدی . یکی توران قوللقسیوننده تورک عسکری کبی
باشقه کتابلر وارسه کوندر. ایچمده بوچوجوغه نهایتسز برآجیمقله،
حدتله برابر برده حرمت و تقدیر وار. آدم عقللی بریره صرف ایدلسه
نه قابلیت ؛ آزیچق دهآ از شوومن و آز مفرط اولسه نهذکی وایی
برقادی . فقط هپ بونلره رغماً بی بوقادین مطلق براقه جق. اکر
کندیسی کیتمزسه اولوم آلوب کوتوره جک . او قدرکه یوزی ،
کوزلری بودنیادن باشقه برکوزلک آلدی ! دون حیوانات باغچه سنی
کزدک . قفسلرده یشیل و حر اورمانلرینک حسرتیلله بویونلری
بوکولمش ، کوزلری سونمش کوزل و حر قوشلر ، محزون کوزلریله
یوردلرینی دوشونن محزون غزاللره قیانک آراسنده برمناسبت بولدم.
بن اختیار عسکر نیچین بو کوزل اسیری بویله طوتدیغنی دوشوندم .
فقط دوشوندم . فقط ناصل ونه دیه صالیویره بیلیرم ؟ بیلیم عاصم
سز و مسلکم بکا کندی فلاکت و حیاتی یاشامق ایچون هیچ حق
ویرمیه جکمیسکمز ؟ چوق شکرکه وجدانم بکا مملکتک سلامتی ایچین
بوزواللی قیایی اوغوزدن و یکی توراندن اوزاق طوتمق لازم کله جکنی
سویله یور . یوقسه اون یانمده بویله حبس ایتمکدن برازا دویه جقدم.
کورویورسک ، آرتق تماماً اختیارلادم ، عاصم .

شیمدی قیانک صوک یاپدیغنی شی نهر بیلیرمیسک ؟ بنده عثمانلیغه

بدل توركلك حسی اویاندرمق . بو اوکا لاقیردی سویله مکه وسیله اولدیغی ایچین سکوئته دیکه یورم . فقط زواللی چوجق ، ناصل تجربه سز! شیمدی سیاه صاچلرینک آغیرماسنه رغماً او قدر چوجوق و صافدل که ! بوتون حیاتی و موفقیتی مطلق برصمیمیت و دوغریلق اوزرینه مؤسس . او غوزک دوغریلق پولتیقه سی قدر بر صاف چوجوق اویونجاغی . فقط موفق ده اولدقلری زمانلر وار . هر حالده بوصافیت پولتیقه ده نه قدر مضر سه تورک ملتک حیات باطنیسنده اخلاقی بر تجدد و تحول ایچون او قدر مفید . یالکز ؛ کندیلرندن پک باشقه ، اساسی قورنازلی اولان قواعد اخلاقیه ایله مقید دیگر عناصرله مبارزه حیاته آلدانمایه جقلمی ؟ باق سکا پولتیقه یرینه نه اوزاق شیلردن بحث ایدیورم .

کوزلر کدن اوپهرم . چالیشمه که ممنون اولدم . انشاء الله موفق اولورسک !

عمجه که

حمدی

عمجه مک بومکتوبنی المده بویوک بر حدتله صیقدم . آرتق قوتلی دماغی ، هر شیشی قیا قارشیسند جلیق اولمشدی . او قطعی ، واضح ، سیاسیانک ال ایجه نقطه لرینی هیچ بر شیدن چکنمز بر اینجه لک ایله تطبیق ایدرکن اخلاقی ، حسی هیچ بر ملاحظه یی ذهننه اوغراتمایان حمدی پاشا شیمدی زرده ؛ دیمک که قیای فدا کارلغه اغفال ایدیشی سیاسی بر موفقیت مقصدیله دکدی . فقط او دقیقه بیله غزته لرایچین

تعلیمات و یریرکی ذهنده سیاسیاتک اک بویوک موقع طوتدینی حسنی ناصل تلقین ایدیوردی . قلبده قیایه قارشى بومکتوبدن صوکره سونمز بر کین قاباردی .

بوآراق اوغوز بوتون فعالیت و قدرتی ایله معارف و داخلیده چالیشیوردی . بوسنه حتی بودجهدن اول عدم مرکزیت اصول ادارهسی و تورک — بوکا طبیعی ارمنی و کردلرکده داخل اولدینی — ولایتلرینک خصوصی امتیازلری ایچین قانون لایحهلرینی یکی تورانک قراندینی بویوک موفقیتک حرارتی صوغومهدن مجلسه ویردی . بونلر انجمنلرده مذاکره ایدیلیوردی . برپازار ایرتهسی کونی ایچون هیئت عمومیهنک روزنامه سنه کچمشدی .

بونى تلغرافله عمجهمه خبر ویردم . اون ایکی ساعت صوکره مستعجل بر تلغراف آلدیم : « جمعیایرتهسی اقشامی استانبولدهیم . » بوکا پک زیاده سويندم . نهایت عمجهم قیانک نفوذینه رغماً اسکی حیاته و مملکت ایچین اساسلرینی مدافعهیه کلیوردی .

جمعیایرتهسی آقشامی یدی قولده بویوک غارده ساعت یدیده کلن اکسپرسدن عمجهم وجههسی و باش اورتوسی ایله قیاء چیمقیدیلر . قیانک رنکی صولغون ، فقط کیتدیکندن پک چوق جانلی ایدی . او اقشام عمجهم یمکدن صوکره قیانک حضورینه یموشادیچی تأثیرندن قورقارکي : — هادی ، عاصم سنک او طه که چالیشمغه ، قیاء ، سن اذن ویررسک ، دکلی ؟ دیدی .

قیاء ، ماصهنک اوزرنده بولدینی غزتهلره دالمشدی . یوزنده اوزون بر حسرتدن صوکره سوکیلی برشینئه قاووشمقدن

متولد بر حظه ویره جکی پنبه و کوزل بر سکون و سکونیه برابر اوزاق خولیالی بر تبسم واردی. او دقیقه احتمال او غوزک آتشین نظراندن برینی اوقیوردی. عمجه مک خطابنک نه معناسنی نه ده کیمدن کلدیکنی آکلایه جق قدر دالمش اولدیغنه امینم. فقط، بلکه غیر اختیاری، باشنی قالدیردی. چهره سنده او آیلردن بری کورمه دیکمز ایلک وسعادت رؤیاسیله تبسمی صولمادن باقدی. او وقت عمجه مک بوتون وارلنی ایله، آیرلق ایسته دیکنی نفوذه نه قدر مجلوب اولدیغنی قلم آتهرق آکلادم. برآن قدر، اولدینی یرده آیقلری کری کیتدی. صوکره چابوق بر کندیسنی طوپلایشله او طه دن چیقدی. و بمله آشاییده جداً چالیشدی. او غوزک مختلف زمانلرده کی نظرلرینک مهم نقطه لرینی ضبط ایدیور، تا اسکیدن بیلدیکم بر فعالیتله دولاشیور، کوزلری ثابت و فعال، دوشونیوردی. بو پک شایان ممنونیت بر علامتدی.

نهایت مشهور بازار ایرتسی کلدی. مجلس مبعوثان مثلی کورولمه مش بر ازدحامله دولمشدی. قابینه نک او کونکی چهره سی پک معنیدار و تورکدی. یمن قهرمانی احمد فؤاد پاشا او نیفورمه سیله، خارجه ناظری آلپ تکین پک یووارلاق تورک چهره سنک آناتولی سکوتی آلتنده کی احتیاط واعتدالی ایله کورونیورلردی. نافع ناظری پانجه مقتدر، ذکی و عزیمکار بر سلاو چهره سی؛ زراعت ناظری وارتسکس افندی آناتولینک باشقه چهره ده ناموسلی، فداکار و جسور چو جفی؛ پوسته ناظری بر کنج روم، اوقاف ناظری کوزل نجیب چهره سیله چولک عرب مدینتینی هضم ایتش بر کنج عرب! شیخ الاسلام دیکر اختیار اسکی بر عرب، نهایت حربیه ناظری ده مائی وبارد متحکم

کوزلری، متین قفاسیله طرابلس محاربه سنده چولده یکی بر حیات وبلده عمران یارادان وطنک سوکیلی بر چوجوغی ایدی. اک شایان دقت نقطه قابینهک غیر تورک اعضا لری اسکیدن بری تورک ایمراطور لغنه صادق قالمش عزیمکار، فقط عدم مرکزیت ایچین اتحاد و ترقی ایله ایلک سمنه لری چارپشمش نهایت عین فکر واساسله طوبلانمش معروف و بویوک سیالردی. نهایت داخلیه نظارتنک یکی قانون لایحه سنی مذاکره قویدیلر، ایشته بوکون عمجه مک بوتون حیات مسلکینی تسویج ایدن اک بویوک کونی، بلکه ده صوک بویوک کونی اولدی. هر ماده موقع مذاکره قونلدیغی زمان اوزون و آتشین بر نطقله اوغوز طرفداراتی عادتاً صارصه حق بر قدرت وضوح و منطقله سویله دی و نهایت خاتمه اوله رق:

— یا کلش یاپیورسکیز وطنداشلرم، دیبه هایقیردی. مملکتک اختیار و تجربه کار بر عسکر و سیاسی صفتیله سویلیورم که بو تورک ملیتپرور، روم ملیتپرور داهاییلم نه ملیتپرور، جریانیله عدم مرکزیت بر فلا کتدر، بر مقاسمه و انحطاطدر. ذاتاً ملیتپرورلک جریانی وعدم مرکزیت جریانی بوایشن بر بریخی دوغوران ایکی مصیبت! ظن ایدرمیسکیز که باشقه لسان، باشقه ماضی، باشقه امللرله بر حکومته یدی سکیز عرق تشکیلات سیاسیه لری ده آیری اولدیغی حالده صادق قالسون؟ خایر! داغیلیورز. اینانکیز، تورکلر سز که بوملیتپرورلک تورکلک دیه عثمانلیقدن رجعت ایدیورسکیز، اونه کی وطنداشلیک زله آرا کزده کی منفرد باغی چوزیورسکیز؛ غیر تورک عثمانیلر سز که برر برر کندی خصوصی قانونلر، خصوصی امللر، لسانلرله و اداره لرله

میلرورلک جریانیکیزک طبیعی بر نتیجه سی اولارق آیری آیری
 آریلیورسکیز، سزکده عثمانلیق رابطه کنزچوزیلور و ظن ایتمه ییکیزکه
 بونکله کندی باشکزه کندیکنزه مخصوص بر حکومت یابه یله سکیز!
 بوده خایر. بو عرق و ملی تمایلاتکزه مغایر حکومتلرک بر رلقمه سی
 اولورسکیز. ارمیلر روسیه، عربلر انکلتزه و آطه لر بحر سفیده حاکم
 بحری مملکتلر، و ملتلرک آراسنده شخصیتکیزی، ملیتکیزی نامکیزی،
 هر شیکیزی تورک ایمراطورلنی خولیا سی ایله داغیدیورسکیز و سز
 تورکلر، سزلر بو حالکیزله، بو وطندن کندی الکیزله بویوک پارچه لر
 قوپاردقن صوکر عجباً آناتولیده کوچوک بر عشیرت حاله عودت
 ایتدیکیکیزی بلکه آلتکیزده یالکیز آتلیکیزله آسیای وسطایه
 یوزیکیزی چویردیکیکیزی آکلایه مایورمیسکیز؟ صوگ سوزی
 سویله مهدن دوریکیز و بر آن دوشونکیز! اکر مرکزیتدن داخلیه
 ناظری بک افندینک اولدن بری یکی توران پولتیقه سنک یکانه سلاحی
 وقوتی اولارق تورک عنصری متضرر اولور، تورک عنصری یتیمور
 فریادی دوغری ایسه عدم مرکزیتدن ده بوتون بر عثمانلی ایمراطورلنی
 داغیلور. هم نیچون تورک عنصری، تورک عنصری دییه هایقیریور.
 سکیز؟ تورک عنصری ایسترسه داغلسون، ایسترسه مضمحل اولسون،
 تورک عنصری عثمانلی ملتنده یاشایه جق تورکلک وهویت بر اقامشدور.
 آمریقاده هانکی انکلیز، آمریقایی تشکیل ایدن ایتالیان، اسپانیول و سائر
 قوملره قارشئ انکلیز، انکلیز عنصری دییه بر دعواده بولنشدور؟ بوکون
 نه آنغلو ساقسون، نه لاتین اولمایان بر آمریقا حکومتی و آمریقا ملتی خصوصی
 ملیتلرک محویله عمومی بر ملیت آلتنده بر آمریقا ملتی یامش دکلیدر؟

عمجه م بونی سویلرکن او قدر متأثر و صمیمی ایدیکه بوتون مجلس بر آن ایچون صمیمی و تهلکه‌لی بر سکوتله صوصدی . صوکره هر کسک غیر اختیاری کوزی اوغوز بکه دوندی .

اوغوز ، عمجه مک بوتون مقصد واملنک قلبنک آتشی کورونن تهیجه قارشی هر شیشی قاورایان بر اعتدال و سکونت آلتنده حس ایدیلن مطلق و یکی بر کنجلك حیاتیله کرسی‌یه کیتدی . قابینه اعضالرنک منظم سیاه ردغوتلرینه بدل او بول ، ابدی قورشونی قوستومیه ابدی وقورشونی ایپک کوملکنک قدرتی وعضله‌لی‌بوینی آچان یاقه‌سند قیرمزی بویوک بر بویون باغی کوریلوردی . قیرواوزونجه صاچلری آلتنده هپ خط و قوتلی اعضای وجهیه سیله صوک کونلرده صوک درجه قابلیتی ایله حیات طاشان باشیله خلقه بر آرز باقدی . بو اونک لاقیردی سویله مدن دائمی عادت ایدی . قولی قوستومنک بول قولی آلتنده بوتون قدرتی عضلاتی و بو مختلف عرقلری ملیتلرینه بر برینه رغماً باغلایه جق دو کومی یایمغه قدرتی اولدیغنی کوستیر کی قالدیردینی زمان اسمر و ناصرلی بویوک النک خفیفجه تیره دیکی محسوس اولیوردی . بودفعه کی توقنی هر زماندن فضله اولدی . صوکره مثلن سسینک بوتون آمریت واقناع ایدیجی آهنگ و عظمتی ایله عادتاً جمله‌سی جمله‌سنه مقابله ایتدی :

یا کلپورز وطنداشلم ، دیه کورله‌دی . مملکتک حیاتنک تامنابعه چیقمش ، تورک کویلرینی تدقیق ایتمش و مملکتنک صوک سلامتی ایچین

اولمکه حاضر لائمش عاجز بر تورك اوغلی صفتیله سویله رم : عدم مرکزیت نه فلاکت ، نه مقاسمه ، نه ده انحطاطدر . نه عدم مرکزیت ملیتپرورلکی ، نه ده ملیتپرورلک عدم مرکزیتی دوغورمشدر ، ملیتپرورلک اون طقوزنجی عصر دن بری هر ملتک کچیردیکی خیرلی خیرسز ، هر نه ایسه غیر قابل اجتناب بر انقلابدر ، حتی بوکونکی «أندیویدو آلیزم» تکامل شخصینک ناصل اوکنه کچلمزسه بویوک مربیلرک ، حکیمارک بر خیال دیه باشلایوبده بوکون کوك صالوب هر شخصی - اولا بن حیاته ، تکاملمه ، هر شیمه صاحب ، هر شیمدن مشول برر خصم - دیه سور وکله یوب کوتورییورسه ملیتپرورلک جریانی ده یینه فردده دوغان شینک جمعیت حالنده اجتنابی غیر قابل برحرکتی اولمشدر . فقط ناصل «أندیویدو آلیست» بر تربیه بر مملکتک انضباط و اداره سنده آنارشئی یا مایورسه ملیتپرور برقاچ ملتله برلکده حصوله کتیردکلری اداره ده مطلقا دا علمایی انتاج ایتمز . هله بونلری مشترک سیاسی بر منفعت ، بوتون موجودیتلرینک ادامه سی ایچون الزم اولدیغنه قانع اولدقلری بر باغ باغلارسه یابه جقلری مشترک اداره هیچ بر وقت داغامااز .

مملکتده یدی سکز عرق یدی سکز لسانی اولمامی نه عدم مرکزیت حسلرینک نه ده بوکونکی ملیتپرورلک حسلرینک محصولدر . بواسکی عثمانیلرک وقوفسزلق و لاقیدلکلرینک میدان چیقاردیغی بر شیدر . وقت وزمانیله تورک مکتبیلری آچلمش ، تورکجه تحصیل ویرلش اوله ایدی بر آرنادو ملیتپرور جریانی قارشیسندنه بولمازدق . کذلک ، غیر مسلم قردشلریمز ایچونده برقاچ عصر اولی تورکجه تحصیل

مجبوری اولا ایدی ، بر قاچ عصر اولی ، مرکزیت دنیلن پولتیقه وایده آلی تعقیب ایدن بر حکومت و ملتک یاپاجنی هر شیدنی یامش اولماز لازم ایدی . فقط اجدادیمز یقین وقته قدر ایده آلسز ، عاقل ، باطل ، هر شیدنی براقیدیلر . صوکره بوتون بوتدیرلر یاپیلان مملکتلرده بیله اوایانان ملیتپرور جریانک بزه کله سندن بزی ناصل مسئول طوتارسکسز ؟ بز یکی توران تورکاری و یکی توران پولتیقه سنی ترویج ایدن غیر تورک ، مسلم و غیر و مسلم بوتون یکی ملتیر بواسکی و یکی اسبابک تولید ایتدیکی بر وقعه قارشیسندن بولنیورز . آرتق ملیتپرور جریانلریله اسکی عثمانلیق باغنگ بر برینه باغلایه میه جفی بر طاقم ملتیری بر برینگ بوغازینه آتلس بر حالده بولیورز . بو عمومی بوغازلاشمه آراسنده ده برشی غائب اولیور ، برشی مثلی کورلمه مش صورتده مظلوم و مغدور اولیور : تورکار . بر تورک صفتیله هایقیر یرم که : وارسون تورک عنصری متضرر اولسون ، وارسون تورک عنصری بیتسون دیهن هر شیخصه ، قوته و حرکته قارشق تورکار آرتق بویون اکیه . جکدر . ناصل هر عنصره ، هر ملته ، یاشامق ، تمدن ایتک ، بویومک حق ویرلدی ایسه بونی تورکلرده آلاچقذر ، تورکلرده یاشایه جقذر . اونک ایچون بوملیتپرور تورک فرقه سی سیاسی نقطه نظر دن اوته کی عناصره — آرتق اوکنه کچه میه جکنی قانلی تجربه لرله آکلادقذن صوکره — ویردیکی عرقی تمایلات و قابلیتلرینه کوره ترقی واداره یی کن دیسنی داغلمقدن ویتمکدن قورتلق ایچون ویریور . اوت هر ملتک یاشامق حقنی ، چوغالمق حقنی تورکلرده ایسته یور . بونی هر هانکی بهایه اولورسه اولسون صاتون آلاچقذر . بو پارلمنتو ، مشترک بر منفعتله

باغلاندقدن صوکره داغلمق ایچون چالیشانلری ، داغلمق ، انحطاطه دوشمه مک ایسته ینلرله برلشه رک ازه جکدر . بونی یایمق ایچون کافی عنصر ، کافی قدرت هنوز تورک ایمراطورلغنده موجوددر . و دیدیکم کبی ، عدم مرکزیتله اداره ایدلمه نک ایلاک شرطی بو حکومتده موازنه یی محافظه ایچون تورک عنصرینی ایلاک یکر می سنه ظرفنده اوته کیلره یتیشدیره جک قوانینک قبول و تطبیق در . بوکون سزدن ، هپکزدن بونی ایسته یورم . صوکره عدم مرکزیتک ایلاک آدیملرینی ، والیره توسیع مأذونیت ، محلی مأمورلر تعینی و میللیس تشکیلی ایسته یورم .
بوراده خورشید سالم بک :

— باغلری چوزمک ایچون ایلاک آدی ! دیه هایتیردی .

— خیر ، یکی ودواملی باغلر یایمق ایچون ایسته یورم . بونی ویره جکمیسکیز ؟

صولدن سسلر :

— عشرت اولمق ایسته میورز !

رئیس چینغراغی چالیدی .

— اوت ، عشرت دکل ، دیادن نامی قالقمش ماصال انسانلری اولماق ایچون بونی ایسته یورم . نهدن قورقورسکیز ؟ فرض ایدیکیز که عدم مرکزیت بدرجه یه قدر داغیتسون ، بونی تورک قاننک ، فعالیتک ، حیاتنک بر قسمی ذاتاً ویره رک داغتمقدن ایی دکل ؟ بو اولمیه جغنه امین اولیکیز ، کندی پارلمنتوسی ، مملکتی و حکومتی فنا بیله اولسه کندی کندی اداره ایتمکی عرب ، کورد ارمنی و سائر البت باشقه اسملر و ملتلرک برلقمه سی ، ایکنجی درجه ده تبعه سی اولغه ترجیح ایده جکدر .

ارطغرل ایکی دقیقه ایچون سوز ایستدی :

— فرض ایدیکز که هپسی داغلسون ده یالکز کندی تمدن ،
 ترقی و چوغللمسی ایچون چالیشان . بویون عثمانلی ایمراطورلغندن ساده
 عثمانلی تورکی قالسون . نهایتسز زماندن بری تاریخده تورک تورکستانده
 اولمازسه عربستانده ، اوراده اولمازسه ییزانسه ، اوراده اولمازسه
 آوروپاده خلاصه دائماً استقلالنی محافظه ایدن ، حکم ایدن بر قدرت
 دیه قالمامشیدر ؟ بوکون بر تورک صفیله باغیرییورم . قومشولریمه
 کندیمه مساوی بر قدرت ویررکن بنده یاشماق حقمی آلیورم .
 وطن اتمه ییکز که بو قومشولریمز کیتسه ده تورکلک محو اولوب
 کیده جکدر . بوکون دنیاده سکسانله یوز میلیون آراسنده تورک
 وار . دائماً آرتان ، قابلیت حیاتی برشی قیرهمیان معظم بر تورک
 کتله سی ، بو هر وقت یاشایه جق و بویویه جکدر . فقط آرتق غایه
 خیالیسی یبانچی اولکلر و ملتلی قلیجله ضبط ایدوب ، اوزرنده تنبل
 وعاطل بر تحت قوروب اوتورمق دکل ، تاملتندن ، منبع حیاتندن
 کلن بر قابلیت ، بر فعالیت ، بر سعی ایله ، مدنیت ایله ابدی برملت
 اساسلی و تمللری قورمق اولمالیدر .

بونک اوزرینه مختلف خطیبلر سوز سویلدیلر ، هایقیردیلر . ایش
 یومروق یومروغه کله جک درجه یی بولدی . نهایت کافی ! کافی دییه
 هایقیردیلر . بز یکی عثمانلیلر بر آووچدق . فقط صوک قابلیتیمزی ،
 شدتمزی صرف ایتدک . نتیجه ، بوملعون کونده داخلیه نظارتنک
 یکی قانون لایحه سی مدهش بر اکثریتله مجلسده قبول ایدلدی ، کچدی
 مجلس معبوثاندن چیقارکن عمیجه م تلمماً اکیلمش ، ازلمش بیتمشدی .

اوتوموبیلده خورشید سالم ایله برابر ایکیمز کندی کدریمزی اونک اضطرابی قارشیسنده اونوتمشدق .

عمجه مک قرق الی سنهک مساعیسی کومولمشدی . بردن بره اختیار باشی اللرنده عسکر کوکسنی صارصان هنجقرقلرله بوروشوق یاناقلرندن یاشلریوارلان دیغنی کوردک خورشید سالم عمجه مک الی طودی : — هرشی غائب اولمش دکلدر ، حمدی پاشا ، دیدی ، اوغوز بوکوننک جزاسنی چکه جکسه ناموسم اوزرینه یمین ایدرم .

بر آز باطلاق کوزلری قرمنی ، اللری تتره یوردی . اوتوموبیل الکتریک ضیالری آراسندن قایوب اوچارکن بو حیات بناسی باشه چوکمش اختیارله انتقام یمنی ایدن کنج آراسنده استقبالك بر قانلی صفحه سنی کوریورم ظن ایتدم .

بو مغلویت بر قاج کون ایچین عمجه مده قیایه قارشی تهلهکیلی ضعفی اولدیردی . اوندن صوکره بر تبدل اولدی . مخالفتک وسائطی نه قدر شدتلندی ایسه او قدرده کوچولدی . بونی طبیعی وطنی قورتادق ایچون اتحاد اسلام پولتیقه سنه دوندک . بوتورک ملیت پرورلکی قارشیسنده مسلمانلر داغیلور دییه تهلهکی بایراغنی قالدیردق . یکی عثمانلی فرقه سنک کزیده اعضاسی قلملری ایله ! عربستانه و کردستانه داغیلارک کورد ، عرب اعضالری پروپاغاندا لری ایله بو فکری یامغه باشلادی . عاداتا بو جریان بر آزده تورک علیهنده اولیوردی . تورکلری بت پرستلکه وتورکلک جریاننه قاپیلهرق محار تورکلر ، فینوالر کبی خرسیتیانلغه متایل اولقله بیله اتهام ایدیوردق . ودکل کورد ، عرب حتی تورکلر بیله بو جدأ مخیل تهلهکیی دوغرو عد ایده جک قدر هنوز غافل

ایدیلر . ایشته بونک ایچین بو دفعه بر کره دها اسلامیتی آلت ایدینه رک
 نعصب سلاخیله ، اسلامیتی حتی مدنیته برسد کوسترمکدن بیله
 چکینمه دن پرواغاندایه باشلادق .

بو پارلمنتو مجادله سندن سو کره بر سنه ، ایکی سنه کلدی کچدی .
 تورکلر ایچون مستثنا امتیازلر وعدم مزکزیتک ایلک تمللرینی قازانان
 اوغوز تورک ولایتلرنده حتی کوردستانک و عربستانک بر قسمنده هر
 دورلو تجدد اجتماعی ومدنی ایچین یاپدینی قانونلری دیشیله ، طیرناغیله
 اوغراشدینی حالدده بعضاً مجلسدن قوپارامیوردی . مثلاً قادینلرک
 تحصیل ایچین یاپدینی قانون لایحه لری یکی تورانک حتی کندی مسلمان
 اعضالرینک بر قسمنک اعتراضیله یونتولش و کوچولش چیقدی .
 یکی تورانک قیزلری اوچ سنه اولکندن زیاده حکومت کندیلرنده
 اولماسنه رغماً چالیشمه لرنده دوچار اعتراض اولیورلردی . مملکتده
 افترا ، اسناد ، حرص هرشی قاریشمشدی . بر زمان صوکره عدم
 مرکزیتدن اوغوزک مقصدی جداً داغتمق اولمادیغنی آکلایان
 وشدتی کورن عناصر ایچنده آیرلق فکرنده اولانلر غیرممنونلر طرفه
 کچمشلردی . غیر مسلم تورک طرفداریمز اسکی یه نسبتله آرتیوردی .
 هر حالده اوغوز تورک عنصرینه ایسته دیکی قدر حضور ویره میوردی .
 برده هر بویوک فقط آشاغیدن یوکسلمش بویوک آدملرک قورتیله مدینی
 حسد وانکسار خیال اونک شخصنه اولیوردی . وکندنجه بوقدر
 صمیمیت وقدرتله اورته یه آتدینی تجدد پولتیقه سنی آیاقده دوردیره
 بیلیمک ایچین اوغوز دائمی ونهایتسز مشکلات قارشیسنده قالیوردی .
 یو مشکلات ویورغونلق اونک عناد واصرارینی آرتیرمقله برابر

ایلك آچیق ، صاف و نیکیین جازبه سی یرینه اونده شیمدی سرت ، صورتسز ، و اولدجه انسانلره اینانماسی آزمیش بدیین بر آدمک صوغو قلغنی حاصل ایتشدی . اوغوز اطرافنده کی مختلف احتراسلردن واسلامیته یایدیردیغمز رولدن اونی قودورتان حدت و عصیانله وقتيله سهویلن پک سهویلس بر آمدن شمدی چکینیلن بر رئیس اولیوردی .

نهایت ، ۱۳۵۰ سنه سی کلدی . بوتون بوسنه لرده قیانک عمجه مله حیاتی ده عجیب بر دوریه کیردی . عمجه مک پولتیقه سنک و فرقه سنک هزیمتندن صوکره قیایه قارشی وضعیت و محبتنده بر اطرادسزلق حاصل اولدی . بعضاً برایی کون ایچین دالغین و بارد ، صوکره کیندار و متجاوز ، بعضاً ده عادتاً مسکین دنيله جک بر مجلوبیته ، بر زبونلغه دوشیوردی . قیا عمجه مک هزیمتک ایلك زمانلرنده غایت ای داوراندی . کندی متأثر اولما مقله برابر غایه خیالیسی ، حیاتی کوچش بر آدمه قارشی قادینلغنده نازک بر رقت و مرحمت او یاندیغنی ظن ایدیورم .

ای خاطر لارم ، پارلمتوده اوغوزک ایلك قانون لایحه لری کچدیکی تاریخی کونک اقسامی عمجه مله خورشید سالم آریجه یمک یش ، بر ایکی ساعت اوطور مشدق . خورشید سالم کیتدکن صوکره قیانک اوطه سنه چیققدق ؛ قیا ، باشی اقسام غزته سنک مجلسده کی مجادلاتی اوزرینه اکیلمش بزم کیردیکمزی کورمدی . عمجه مده ایلك دفعه اوله رق قیانک آلی اوپمکی بلکه بالالترام اونوتمش کبی کیتدی بر قولتوغه اوطوردی . قیا باشی قالدیروب عمجه می قولتوقده بنی آیاقده کورنجه ایلك دفعه اوله رق عمجه مه شفقته بکسر بر شيله ایلرله دی :

— راحتسزمیسکنز . پاشا ؟

عمجه مده بوشفته، بو آجیمغه قارشى سعادت یرینه بر عصیان ایله
مقابله ایتدی. کوندوز آغلامش، بلی بو گلش اختیار شیمدی استهزا
ایله، آجیلقله دوغرولدی. ایشیتمه مش کبی:

— فرقه کزک موفقیتنی تبریک ایده جکم، بو کون ناصل راحتسز اولورم؟
قیا بر آز حیرتکار، کوستردیکی اییلکه نادم کبی مغبر بر سسله:
— تورکلرک موفقیتی دیمک اولان بو کونده سزی ده تبریک ایتمک
لازم کلیر.

— غالبلر اکلنه بیلیرلر!

— سز غالب موقعنده بزدن اوزون قالمش اولدیغکیزدن البت
آله حق حس و وضعیت حقنده ده مفصل معلوماتکز اولمالی.
شیمدی عمجه م ایله قیا قارشى قارشى به عمجه مک ده ایلك دفعه
اشترک ایتدیکی بر خصوصتله باقیشدیلر. صو کرا تکرار اوتوردی،
سکونتله غزته سنه باشلادی. بن فنا بر موقعده ایدم. چونکه عمجه م
شیمدی بر آن ایچون دوشن اعصابنک بوتون قابلیت تحکمی ایله بن
کویا اوغوز و یا خودیکی تورانمشم کبی بکا باغیرییور، کندینی غائب ایدیوردی.
قیا اون دقیقه قدر صبر ایتدی. صو کره، یا ناقلری قیرمزی، قالقدی:
— عاصم بک، تورکلرک تحقیر ایدیلشینه ناصل تحمل ایدیورسکز؟
دیهه بکا دوندی.

— اوغوز پولتیقه سی، تورکلک مسخره لنی آلنده کینجلیکی
کور کورینه اضمحلاله سور و کله مک قوم دیاسی!

— سزک هانکی ملتدن اولدیغکیزی سویلر میسکیزی؟

— عثمانلی!

— بن تورکم حمدی پاشا، بر تورکک باشقه ملتئ تحقیر تربیه سی داخلنده اولمادینی ایچون صوصیورم. فقط ملتک تحقیر ایدلمه سنه تحمل ایدمه جکمی لطفاً اونو تملکیز.

ملتکیز، ملتکیز هاهاها! اوغوزک مظفر اولدینی بر کونده بکا قفا طوتمق، بونه قدر تورکجه برشی! اوغوزک بواز دو اجزی بیله قوقلا مجلسنه فسح ایتدیره جک قدر قدر تلی اولدینی بر کونده، طبعی طبیعی!!
بونک کوچوک و حقسر اولدینی بنده قیا قدر حس ایدیوردم.
حتی عمجه مک یکی عثمانلیلک اک مهم عناصری تورک اولدینی اونو تماسنده دامارلر مده کی عرق قانی عصیان ایدیوردی. فقط بوکون اونی معذور کورمکه، اونک بودوشوک ساعتده هر شیئه تحمل ایتمه مجبوردم. قیا هیچ اونوته میه جغم بر عظمتله دیکیشنی طوبلادی. حتی بکا سلام ویرمکی بیله اونو تماندن چیقدی کیتدی. عمجه مک عصبتی پک چوق سورمه دی. یوزی قرمزی، یورغون، دوشو کدی. بالکیز بر زمان ظن ایدرسه م قیانک اوطه سنه کیتمک جسارتنی طوبلامغه چالیشدی. صوکره یواش یواش کیتدی.

بویالک غوغالری اوزرنده قیا اوزون مدت کیننی، حدتی محافظه ایتدی. خدمتچی یاننده عمجه مله قونوشیور، برشی بللی ایتیهور، فقط بالکیز قالنجه حقیقی بر قیا اولیوردی. عمجه مک ایلک بویوک تأثری کچنجه قیای کندی صبر سزلنی ایله صوقدینی بو حاله قارشئ متانتنی محافظه ایدمه دی. شیمدی کیجه لری و صبا حلری اوندن بر نظر، بر کله آلا بیلیمک ایچون تصور ایدلمه میه جک قدر کوچولویوردی. فقط قیای دیکشدرمک ظن ایتدیکی قدر قولای اولامیوردی. برکت

ویرسون بوتائر وندامتنی خورشید سالم، فاتح درسعالمردن محمد فوزی
 افندی و بخله اقشام طویلانه لرینک آتشین و حرصلی مذا کره لری
 برآز تعدیل ایدیوردی. قیا ایله آرتق یمکدن صو کره سالونده پک
 چوق اوتوره میوردق. فقط بوتون بونلره رغماً قیایی تماماً کندی
 حالنه براقه میوردی. مذا کره نک اک حرارتلی نقطه سنده بعضاً دالار،
 صو کره برآز اورته دن غائب اولوردی. ای بیلوردمکه اورته دن غائب
 اولوشی قیانک سالوننه قدر حقیق و قیایه بر ایکی لاقیردی سویله مک
 وسیله بولق ایچون ایدی. قیادن مأیوس کلیرسه مخالفتمزه شدید ،
 عادتاً وحشی بر چهره ویرردی. ا کر قیا لقردی سویله مشسه مطلق
 آزیحق یموشار، طبیعی بر مخالفته دو کولوردی. آرتق عمجه مله یکی
 عثمانلی فرقه سنک مخالفتمده کی درجه حرارتی و غلیانی قیانک عمجه مه
 قارشی نظر لری و حساری اداره ایتدیکنی او کر نمشدم. فقط بو کامقابل
 کونلر وایلر کچدکجه مخالفتمزک آلدینی محترص ، متعصب و قیمت
 اخلاقیه سی ظاهر آ بویوک اولمایان سیماسی ده قیانک بزه قارشی آلدینی
 وضعیتی اداره ایدیوردی. هر کون بر آزدها عمجه مه قارشی صوغویور،
 هر کون بر آزدها ایچنده مخالفتمزه قارشی دویدینی استخفافی ،
 استحقاری لاقید بر برودت آلتنده صاقلامغه چالیشیوردی. فقط
 بو مخالفتمک، بو استخفاف ایتدیکنی مخالفتمک برایکی سنه صو کره کیتدکجه
 عظیم اولمغه باشلایه رق یکی تورانه بر مانعه شکلی آلدینی کوردکجه
 اونده ده بو استخفاف ، غیظ و حدته ، کینه دوندیکنی کوریوردم .
 عمجه مده کی حسلر دیدیکم کبی مختلف و متنوعدی. مخالفتمک و فرقه سنک
 موفقیت ویا عجزینه کوره قیایه قارشی حدید، حتی ظلمکار بعضاً ده

بوتون پولاتیقه خارچنده کندی قلبنک درین عشقنه طوتولاروق عاجز،
زبون ونیازکار بر اختیار اولیوردی .

مجلسده اوغوزك لایحه لرینی ، تکلیف لرینی سقطلاندیره بیله جك
قدرته کلدکن صوکره بو بویه نیم موفقیت کونلرنده اوه دوزکن
عمرجه مک شیمدی تماماً اختیالایان یوزنده ترده ، قورقو واذا کوریردم .
قیادن بر نظر ، بر کله ایچون بوتون بر اقشام آیلرجه ، سنه لرجه
بیك مشقت ، بیك تنزل ، بیك اشکنجه دن صوکره الهه ایتدیکی
بوکوچوک موفقیتی اونوتمش کوروردم . فقط بوقدر عاجز وبشری
بر ضعفه رغماً مملکتی ایچون مقصدینه موفق اولوق وظیفه سنی بوقدر
مشکلات قارشیدسنده یاماسنه پک منتدار اولیوردم .

قادینلرک تحصیلی مسئله سی و بعض اجتماعی قانونلر نهایت کلدی
چاندی . بو ، یکی توران حکومتنک ایکنجی سنه سنده ایدی . بزیاواش
یاواش بوکا افکار عمومیه یی تحمل ایده میه جك حاله کتیریوردق .
او سنه مجلس لایحه لری تأخیر ایتمکی مناسب کوردی . اوچنچی سنه
قانون لایحه لری بر دها مجلسه کلدی ، بر دفعه مخالفت مطبوعاتنک
شدتلی فریادی مبعوثلره بونی آچیق دن آچیغه رد ایتدیردی . بونک
رد ایدلمسی ایچون بن خیلی مقاله لر یازدم ، عمرجه م خیلی نطق سویله دی .
نهایت بوضوئک سنه نك شدت واحتراصنه قادینلره ارککلرک مساوی
تحصیلی بر کره دها فدا ایدلدی .

واو اقشام زواللی عمرجه م بوموفقیتنی فنا بر آجی ایله اوده دی .
ایشک دوغروسی بن بیله بوقدر سنه صوکره — آرتق او سنه لرک
احتراصندن اوزاق ، — پک فنا یاپدیغمزی تقدیرایدیورم . بوقادینلرک

تحصیلنک ار اککلرله مساواتی قبول اون، اون بش سنه صو کرا ائملکتی
 فینلان دیاه بکزه ده جکفی دوشونمه مک جنایتی یادیغمزه نادم .
 آقشام کلدیکمز وقت قیا الی اوپمک ایسته ن عمجه مه الی
 آرقه سنده ، صفوق بر سلام ویردی .

یمکدن صو کرا چهره سنده کی قاراکلق بولوتدن عمجه م لاقردی
 سویله مکک جسامت ایده مدی . ساعت اونده یاتمه کیتدی . عمجه م
 اونی تعقیب ایتدی . فقط بر ساعت صو کره دوشوک و مغلوب بر چهره
 ایله او طمه ایندی . بو ، آجیقلی اولدینی قدر کولنج بر وضعیتدی .
 چونکه ساعتلر کچور ، بن اسنه یوردم . عمجه مک سویله یه جک سوزی
 اولمادینی پک آجیق کورونیوردی ، فقط او طمه مدن کیتمه یوردی .
 نهایت اولدجه صیقینتیلی و آجی بر تبسمله یوزی کر یلرک ، کوزلری ،
 ایلك دفعه ، یوزیمه باقمقدن اوطانیر کبی :

— عامم ، او علم . بواقشام سنک او طه کده یاتمه مجبورم . بن
 شوشزلونغ اوزرینه اوزانیرم ؛ خدمتجیلرک برشی آکلادیغی ایسته میورم .
 قیانک بوکیجه تاتار داماری طوتدی . قادین تحصیلنده کی مخالفتک
 انتقامنی چیقاریبور .

بونو سویلرکن آزیحق کوزلری دولیوردی . بن کورمه مزلیکه
 کلدیم . یاتاق او طمه مک قاپیسنی آچدم :

— سز بوراده یاتیکز ، عمجه ، بن چالیشه جغم .

عمجه م یالکیز قالمقدن متشکر ، باشی اوننده کیتدی . فقط قیانک
 عنادی ایرتسی آقشام ده کچمه دی . و عمجه م ، تحیل بیله ایدرکن
 یورکمک صیزلادیغی استرحاملردن صو کرا او طه سنی آیرمه مجبور

اولدی کنديسنه او طه طاقي اصارلايوب بك اوغلندن دونديكمز
كيجه آرابه ده يوزيني كورميوردم . فقط حس ايدييوردم كه ايم ،
بك ايم بر فلاكت كچيروردى . بردن بره :

— بو قيا ايله اولنديكمزك اوچنجى سنه سى ، ديدى .

— اوت ، عمجه ؟

— شيمدى يه قدر ، حتى خسته اولديغى وقت بيله ، آيرلامشديق .

— اوت ، عمجه ؟

براز سكوت .

— عاصم !

— عمجه ؟

ينه سكوت .

— عجاقيانك بو حر كتى بنم ياشمك كچكين اولماسندن اولاييليرمى ؟

— بوتون صميميتمله خاير ديه بيليرم ، عمجه ؟ قيا ايچون ياشك

اهميتى اولاميه جغنه ده امين اوليكز . فقط بو قادين تحصيلي ايچون

ياپيلان مخالفتي كيم ياپسه عفو ايتزدى .

— عمجهم راز مستريح حتى منتدار اولدى سسنده عصبي اهتزازله :

— او حالده اميد وار اولاييليرز .

— نه دن ؟

— قيانتك تحولندن .

— ناصل ؟

— مثلا مملكتك ناموسلى وبويوك قيزلريني دلگير ايده جك

بو قادين دشمنلغنى تعديل ايده بيليرز .

بن بردن بره قیزه رق :

— آرتق وقت کچدی افندم ، دیدم . ذاتاً بو مخالفت عقللی
آدملری آلتاماشدر . یالکز کویلرده تأثیر پایدق ، بوده کله جگ انتخاباتده
بره قزانديره بیلسون دییه . بویکانه فرصتمزی کویلولره قارشى
اساساتمزی دیکشديره رك غائب ایدمیز . حتی بز بو کون بوتون یکی
عثمانلیر بو تجدد اجتماعی لایحه لری لهنده رأی بیله ویرسهك عوامده
اویانديرديغمز وهر کون بویومسنه چالیشدیغمز تعصب دالغهنه مقاومت
ایدهمیز . بونی بیله اندیشهیه دوشوره جگ قدر بویویور . اوغوزمثلا
اناطولیده باشدن باشه مکتب آچدی ، تحصیل ابتدائی بی مجبوری
پایدی . شدتی سایه سنده ابتدائی تحصیلی آلامش بر آناطولی چوجوغی
یوق . صوکره ، آناطولینك یوللری ، شمندوفرلری وتدریجی بر
رفاه باشلامادی دکل . کچن بایرامده بروسیه کیتدیکم وقت شهرى
طانیهمیه جقدم . شهره کیرمه دن صره ایله معمور فابریقه باجه لری ...
شهر بر صره اوتل وهر درلو وسائط مدنیه ایله دولو ... حتی کشیشك
دیشلی شمندوفرى وکشیش اوزرنده کی یکی اوتل بیله اونك موفقیتلرندن .
بروسه کندى مملکتی دیه ده بلکه الکتریقلری ، یوللری ، شمندوفرلری
زراعتی وزنکین بانیلوری ایله زنکین بر اهالیسی وار . فقط اوراده
بیله اونك شدتندن و براز چوق قاچان اجتماعی تجدد لایحه لرندن
اورکن ، اونلره معارض پك معارض بر اکثریت محسوس .

صوکره ، آطنه . آطنه بریکی مصر بیلیرمیسکز؟ ارطغرل اورایه
والی اوله لی درت نعله کیدیورلر ، اورانك حیات اقتصادیسی پك
چابق انکشاف یتمشدر . اوراده تورکلر مسلمانلر چفتجی ، خرسیتیانلر

فابریقه جی ، ایکی عنصرده نه قدر زنکین بیلیرمیسکز ؟ بونلر باشده اوله رق اوتنه کی آناتولی ایالتلری ده ایکنجی ، اوچنجی درجه ده ایلریله یور ؛ اهالی ده ا از تنبل ، وسائط نقلیه نك اوزاق یر اهالیسنی کوزلرینی آچوب قیانجه یه قدر ده امدنی یرلرله تماسده بولندر مه سی ، اونلری نه قدر دیکشید یردی بیلسه کز ! بوتون بونلر ده غمآینه اوغوزدن خشنود سزلق ! — بونلر صانکه مرکزیتله یاییله مازمیدی ؟

— اوت . فقط اوچ سنه در ردیف طوپلانمایور ، اوچ سنه در آناتولینک چوققلری کندی تارالاری باشنده . صوکره هپسندده آوروپاده تحصیل ایتش بر چوق چفتنجی کنج تورانلی وار . بیلیرمیسک عمجه هیچ برشی اولمایور سه ق بیله ملت صفیتله زنکین اولیور ز . — راحت و حضور اولما دقن صوکره ! صانکه خار جدن بو اوچ سنه زی راحت بر اقالرینه اینانیرمیسک ؟ یارین ینه بر پاطریدی حیقار ...

...

— صوصیورسک ، عاصم . یوقسه سن ده می قیا طرفنه کچیورسک ؟ — سن ده می دیمه یکز ، قیا طرفنده اولان سزسکز ، عمجه . فقط دوشونیورم که بوتون بو یکی توران موفقیتی پولتیقه سندن دکل ده ا زیاده فدا کار ، چالیشقان و بحر کلی چوققلرندن ، بز یکی عثمانلیلرک قصوری نه عقل ، نه ذکا ، نه ده تحصیل کسیکلکی ، یالکز تنبلک و خود بینلک ! — سنک کبی بر یکی توران چوجنی وارمی ، عاصم ؟

— مرسى ؛ عمجه ؛ اوت بن یکی عثمانلیلر پولتیقه سی ایچون پک چوق چالیشیورم . فقط بزم هنوز اجتماعی ، اقتصادی ملی بر شینمز اولمادی . — بونی پولتیقه یاپانلر ملته یاپامازلر ، بونی ملت کندیسى یاپار .

— فقط رهبر ایستر .

— پکی ، مقصدك ؟

— بو انتخاباتده قازانمق ایچون حاضرلاندق ، هم سومه دیکم وسائله ؛ انتخاباتدن سوکره المزه درت سنه اولکندن چوق قابلیتلی برملت وزنکین برملکت کچه جک . بونی ده المزه کچین ساده مسلمان عنصرینک نسبة اسکیمش و مترقی اولمایانی . بزنه یاپاجغز ؟ اونلری ممنون ایتک ایچون کریمی کیده جکز ، یوقسه ایلری یه می ؟
— ایلری یه ، عاصم ؛ مراق ایتمه ، برکره المزه حکومت کچسون مملکتک خیری ایچون دیدیکمی بنمده اوغوزقدر یاپدیره جق قدرتم وار .

آرتق آوه کلشده . آراده پولتیقه ایله کدرینی اونوتان عمجهم قیانک صوغوق وصولغون چهره سنک نفرتنده اریدی ، اوزولدی . سوکره عمجهم مخالفتنده محسوس اولاجق برصاغدن کری حرکتی یاپدی . اسکی شدت و وحشتی کیتمشدی . ابدی قادین مسئله سنی هیچ قاله آلمیوردی . فقط بو قیایی دکشیدیرمه دیکمی کبی خلقده او یانیدر دیغمز اژدری ده او یوتمادی .

دردنجی سنه نك نهایتنده اوغوز ایچون او یانیدر دیغمز تعصب قاصر غه سی غایه سنی بولمشدی . ذاتاً بر مجلس مبعوثانک درت سنه دوامی ایله قاینه نك ده دوامی و موفقیتی کورولمه مش برشیدی . فقط دوشمه سی یقین ایدی . هله اوغوزک بوسنه قادینلرک تحصیلی ارککلرله مساوی اولماسی ایچون معارف نظارتنک یاپدینی معهود لایحه لری مجلسه تکرار ویره جکی سویله نیوردی . بو ، مملکتده کی مخالفتک

جاهل قسمنده امثالی کوروله مش بر حدت او یاندیردی . ایلك عدم مرکزیت باشلادیغی زمان اوغوزه ظهیر اولان خرستیان وغیرتورک عناصرده بودرت سنه صوکره اوقدر اوکا ظهیر دکلدیلر . مملکتده اوغوز وارکن آریلامایه جقلرینی آکلایان بر کوچوک فقط عقلی ، حریص ، باشقه امل کودن قسم حرصلرینی اولانجه قابلیتی ایله اونک علیهنه چویرمشدی . چونکه عدم مرکزیتله اداره یه باشلانیلان بعض یرلرک اهالیسی هیچ بروقت اولمادیغی کبی طوپراغه باغلانیورلردی . یالکیز دیدیکم کبی عدم مرکزیتله امیدلری وامللری اللرینه کلدی دیه حاضرلانا نلر شیمدی اوقدر شدت ونفرتله چالیشیورلردی .

— مرکزیت بیله بوندن ، بوشدندن ایی اولوردی ، دیورلر- دی . اوت شبهه سز عدم مرکزیت اوغوزدن باشقه برال ایله پایله ایدی مملکت ایلك آدیلمده داغیلردی . فقط تورک و مسلمان عنصرینک جاهل قسملرینک ، غیر مسلملرک عقلی و حریصلرینک عداوت و کیننی قازانان اوغوز کیدنجه کلنلرک پولیتیکه ایله مملکتی طوتماسی غیرقابل کورونیوردی . ایشته اوندن دولایی او کوزل درت سنه لك خارق العاده موفقیتی ایله برآز ترده باشلایان کنجدر شیمدیککی حالی کوریور ، عمجه مه حق ویریورلردی . نهایت ینه بر تاریخی کونده ، مجلسک داغیله جفی کونده تصادفی اولارق معهود لایحه نك قبولی ایچون اوغوز و اوغوز طرفدارانی بویوک پاتردی یاپدیلر ! وپک عجایب اولارق وشبهه سز حیاته قیانک نفرت وانتقامیله غائب ایندیککی سعادت قزانمق ایچون عمجهم بردن بره قادین تحصیل ایچون کلن لایحه نك قبولنده اکثریتله هم فکر اولدیغنی سوبله دی . ایکی طرفدنده اوزون وجسارتلی نطقلردن صوکره بویوک

برا کثرتله چکدی. و بزقایدن چیقار کن بونک مملکته افکار عمومیه یه تأثیرینی دوشنیوردق. پک عجیدر، او آقشام اوه کلنجه ینه تام دوت سنه اولکی کبی قیای آقشام غزته لری اوزرینه اکیلمش بولدق. بزى کورنجه باشنى قالدیردى عمجه مه دوغرو بو دفعه مرحمت دکل، شفقت دکل، محبت و منتدارقله کلدی. اوزون، اوزون، بیاض اللرینى اوزاتدی. عمجه مک باشنى چکدی، بیاض صاچلری اوزرینه مصالحه بوسه سنی براقدی صوک آیلر وسنه ده بودوداقلرک حسرتیله، اسمسز محرومیتلرک اشکنجه سیله خراب اولان عمجه م قیانک سیاه قیورجق صاچلرینی اختیار اوموزلری اوزرینه چکمش، بنم اوراده اولدیغمی اونومش بو سوکیلی صاچلر اوستنه اختیار یاشلرینی آقیدیوردی.

اوچنچى قسم

ھې كوزىمىك اُونىدە عىجەم: اوموزىدە قىانك سىياھ قىویر جق
 صاحلى باشنى صىقيور، صىقيور. بوغولاجق. آلرملەۋنى قورتارىيورم.
 شىمدى دە قىانك قىویر جقلىرى اوزايوو، عىجەمك بويىنە صارىليور،
 صىقيور، شىمدى دە عىجەم بوغولاجق؛ اۋنى قورتارمغە چالیشيورم.
 سىياھ، اىپك قىویر جقلىرى پارمىلارمىدە دولاشيور، پارمىلارمى بىر بىرنە
 باغلايور. آرقەمدە عىجبىر بىر اورپرمە، اطرافدە بىر كورولتو، سوقاقدە
 قوشيورلر، قىندىل سونمك اوزرە وقاپى يە شىدتلە وورىليور. خاير،
 تەلفونك چىغراغى اوتەكى اودادان چالنيور، چالنيور، بىر كلىسا چاكنك
 ماتىم كۈنلەردەكى اصرايىلە وورىليور. ياناقدىن فىرلادم تەلفونە:

— آلو! آلو! كىمسىكز؟

— خورشىد سالم، سىز كىمسىكز؟

— عاصم، نە وار؟

— اوغوزى ووردىلر!

نە جواب وىردىكىمى، نە حس ايتدىكىمى پك واضحا بىلمەيورم.
 ھىحالەدە فوق العادە برشى اولدىنى زمانكى شاشىرمە:

— نه زمان؟ کیم؟ تولدیمی؟

— تولمه دی. یاتسو نمازندن چیقارکن فاتح جامنک قایبسنده .

قاتل بر دلی، ظن ایدرم.

خورشید سالمک سسندہ مظفریتہ ، ائی بر خبر ویردیکندن

طولایي تقدیراته انتظاره بکزر برشی .

— دور، عمجه مه خبر ویرهیم .

— ذاتاً بنده شیمدی اوتوموبیل آراتدم، سزه کلیورم. پاشای

قالیر !

آرقه مه روب ده شامبریمی آلام . ألنی نك اوداسنه قدر کیتدم .

بیك مشکلاته کوزلرینی بر دوزی یه اوغدینی حالده یوقاری کیتمه

یا ناغه تکرار یاتمنی ترجیح ایدن ألنی یی عمجه مه یوللادم . اوطه مده

الکتریقلری یاقدم ، بکله دم . چوق سورمه دن عمجه م ایندی ،

آرقه سنده ایپک برکوملک ، آیاغنده یموشاق بر پانظالون ، اوستنده

کوزل برروب ده شامبر ؛ بیقلری ، صاحیلری طارانش ، یوزی پنبه

وکنج ، کوزلری سعادتله مالی ؟ کلدی . عمجه مله بوتون حیاتمه

بو اقشامکی شخصی سعادتق اونده هیچ کورمه مشدم . مسعودلرک

خودکام قناعتی ایله متبسم :

— نه وار عاصم ، اختلامی اولیور ؟

— بلکه ده .

— آدم سنده !

— اوغوزی وورمشار !

— تصادف اولارق سوقاقدن ده قول کچیور ، عسکرلر آياقلرینی

یره ووریورلر ، قاصطورالری شاقیردایورلردی .

عمجه مك يوزندن قان وسعادت بررؤيا كې اوچدى ، كوزلری چو كدى ، يوزى كول رنكننده ایدی .

— قيا ، دیدی ، قيا آرتق بنم ایچون ئولدی دیمکدر .

صوكره ، بردنبره يوزسنه اختيارلامش كې قانابه يه دوشدی .

— بلكه بوخيرلى برشى اولور ، عمجه .

او بنى دويمه مش كې ديشلری آراسنده فيصله دادی :

— بن بوكيجهنك سعادتى بوتون عمریمه يتيشير ظن ایدیوردم .

— عمجه ، عمجه كندیكى طوبلا ، قيا هرشى دكل ، وطن وار ،

حكومت وار . بلكه سنى تكرار حكومته آلاچقار .

سكوت ، صوكره بردن بره :

— ئولدیمی ؟

— هنوز ئولمه مش . شیمدی خورشید سالم بورایه كله جك .

— بكا باق . بونی قيا قطعياً خبر آلاملی ، آكلادكمی ؟ قطعياً ،

قطعياً خبر آلاملی !

— قابلی ؟

— أوت ، قابل ، اولاغزته لك ایكى كون اوده كلمه مسنی بن

تأمین ایدرم ، قبانك سینیرلرینی بهانه ایدرهك خدمتچیلرك كندیسنه

برشى سوبله مه مسنی ده تأمین ایدرم .

— بو قابلی ؟ بلكه مجلس یارین فوق العاده اولارق طوبلانیر .

سزك بولونمايه كز نظر دقتی جلب ایدر .

— خسته یم . هم دون مجلس رسماً داغلدی .

— یكى ، ایكى كون صوكره ؟

— اووقته قدر اوغوز یاؤلور یاخود قورتیلاجنی تحقق ایدر .
 قیا ایچون ایکی حالدهده تهلکه آتلامش اولور .

— شیمدی نه دن قورقیورسکمز ؟

— قیانک اوغوزک باشنه قوشماسندن . بونی هر حالده منع ایتمه
 قرار ویردم ، اوغوزله قیا بوفوق العاده حالده قارشى قارشى به کلمه ملی ،
 قطعياً ، قطعياً آ کلادکی ؟
 — آ کلادم ، عمجه .

عمجه مک کول رنکی کرکین چهره سنی ، حیات چکیلن کوز-
 لرنی کوردکجه اوکا بردن بره برشی اولماسندن قورقیوردم . فقط
 هر حالده ذاتاً مدهش اولان اراداتی اوقدر انسانلغک فوقنده برتقلصله
 جانلانش ایدی که اولوم کلسه دیدیکنی یاپمادن ثولیه جکنه قانعدم .
 صوکره ذهنم بر آ ز قاریشیدی . اوغوزله قیانک آ کلاشمانی ایسته مه
 مسی عجبا قیانک فدا کارلنی بهوده اولدیغنی قیا آ کلار و اوغوز بو
 فدا کارلغک قیا آلدادیلهرق آلد ایدیلدیکنه مطلع اولور ، صوکره
 بوتون بو خارق العاده زمانده موقعندن برقادینی تهدید وتضیقله آلدیغنی
 میدان چیقاراق ناموسی کیدر دیه می قورقیوردی ؟ یوقسه قیانک
 کندیسنه عمرنده ایلك يموشادینی دقیقهده قیای بوتون بوتون غائب
 ایتکدن می قورقیوردی ؟ یوقسه هرایکیسندن ده می ؟ بوندن باشقه ،
 افکار عمومیه بوسوء قصدی ناصل تلقی ایده جکدی ؟...

عمجه یاقلاشان برتهلکه بی کوزلریله دفع ایدر کی فیزلادی .

— بن کیده می ، خدمتکارلرک سکویتی تأمین ایده می . صوکره
 قیایه سنک نیچون چاغردیغکی آ کلاتمای ، خورشید سالم کلنجه اینهرم ، دیدی .

— ینکمه نه دیه جکسه کز بکاده سویله یکز که اوکا کوره اداره کلام ایدیم .

— هر حالده بر پولتیقه شیئی اولدیغنی سویله مه ملی که غزته لره فضله انهماك دویماسون .

... بویوک قیزم فوق العاده خسته دیه دیشاریدن بر تلغراف .
— یکی !

خورشید سالم آلافرانغه کیجه ساعت ایکیده کلدیکی زمان عمجه م تکرار ایندی ، یوزندن شیمدیلک قیایی قاندردیغنه قانعدم .
خورشید سالم پک چوق شی او کر نه مه مشدی .

— جامعدن چیقارکن اوغوزک آرقه سندن بر قاچ آل روولودر آتلمش ، باشندن وصول جکرندن یارالانمش ، اوینه کوتورمشلر ؛ هیئت وکلا اوندی ، یاننده طوبالانمش ، کندیسی لاقیردی سویله یورمش . ایلک ایشی اوله جکشی آکلایجه خلفی ایچون صدر اعظم پاشا و آرقدا . شلرینه ارطغرلی توصیه ایتک اولمش . قاتلی بر دلی دیورلر مش ، « شریعتی قالدیریور ، قادینلرک باشنی آچیور ، دیه ووردم » دیمش . قاتلی اهلینک آلدن قوتلی بر قوه عسکریه یاله محافظه ایدره ک توقیفخانه یه نقل ایتمشلر ، استانبول خلقی شدتله قیزغین ، هریره تلغرافلر چکیلیور .. بعض یرلرده بوجنایتک یکی عثمانلیر طرفندن ایقاع ایدلیدیکی سویله - نیورمش ، « یکی عثمانلی » اداره خانه سنک جاملری طاشلانمش . فقط یاره لی اوغوز کوزینی آچنجه ایلک ایشی پولیس مدیرینه استانبولک سکوننک محافظه سی ایچون امرلر ویرمک اولمش . طشره لرده ده والیلره تلغرافله ک اوفق بر قردانمایی منع ایچون شدید امرلر ویرمش . هر حالده

اڭچوق يېڭى تورانلىرىك تائثر وغلينىڭ فابرىتىجه وىرمىنى منع ايجون ضابطه امر آلمىش .

خورشيد سالم :

— كليركن سوقاقلردە قوللار ويىڭى عثمانلى اداره خانەسنى محافظه ايجون بربولوڭ زاندارمەنىڭ باب عاليدە اداره خانە قارشىسىندە اخذموقع ايتىش اولديغنى كوردىم ، ديه بيتىردى .
عمجەم :

— عاصم ، سەن يېڭى عثمانلى اداره خانەسنە كىت ، غزەتلەر اوغوزك اورولمەسنە بيان تائثر ايتسونلر و حكومتك كوستردىكى متانتەدە متشكر كورونسونلر ! يالەكز ، بوندن استفادە ايله ، افكار عمومىيە بويە جنائتلەر سوق ايدە جك قدر منفور اولان برقاينەيە نہايت وىرمىسىندە برمنطقى نتيجه ديه ذكر ايتسونلر ، سەن ھەمان كىت ، بزدە خورشيد سالم بىكلە بورادە چاليشىرز .

عمجەملە خورشيد سالمك ايلك دفعە اولارق نەم آرارلندن كىتىدىكى وقونوشمق ايجون يالەكز قالمق ايستەدكلرىنى ظن ايتدىم . آزيحق باشم دونيوردى ، عمجەمك و خورشيد سالمك يوزىنى شدتلە تدقيق ايتدىم . خورشيد سالمك ممنون اولديغنى كورمەمك قابل اولامازدى . فقط عمجەم اويلە دكلدى ؛ يوزندە فوق العادە برشى وارى ، بو ، قورقۇمى ، تائثرى ، بونە ايدى ؟ يوللردە عىنى باش دونمە سىلە كىتدىم . سوقاقلە كى غلبە لغە ، كوشە باشلارندە خلقك طوبىلانوب كىجەلك اثوابلرلە قونو- شمەلرینە بىلە دقت ايدە ميوردىم . بوندن درت سەنە اولىدە فوق العادە برحالدە يەنە بر كىجە بويە يېڭى عثمانلى اداره خانەسنە كىتمەشدىم . فقط

اوزمان ذهنده بوکوتوشبه یوقدی. مقاله می یازمادن مطلق بوشبهه یی ازاله ایتلی ایدم. نهایت ذهنم اوزون اشکنجه لردن صوکر اقرار ویردی.

آکلادم، دیدم، عمجه م خورشید سالک بوايشده دخلی اولوب اولمادیغنی، بو جنایتده یکی عثمانلیلرک اک مفرط طرفدارلرینک تشو- یقاری بولنوب بولمادیغنی صوراجق، اوت مطلق بونک ایچون یالکیز قالمق ایسته یورلر!

هر حالده اعتراف ایدرمکه ایرتسی کونکی یکی عثمانلی نک باش مقاله سی پارلاق دکلدی. اوه دونمک ایچون ایچمده فوق العاده بر استعجال واردی.

وزکن سوقاقده غازلر هنوز سونمه مشدی. موزعلر «اوغوز بکک سوء قصدی، فاتح جامی جنایتی» دیه سوقاقلری مشئوم، اینجه ومدید برعکس صدا ایله دولدیریورلردی. هر یر پک غلبه لقدی وهر کسک النده برغزته، آلتنده درین بردوشونجه خطی واردی. قیایی بوسی ایشتمکدن عمجه م ناصل منع ایدر؟ دیه دوشونه رک بویوک بر مراق ایچنده اوه کلدیم. ییقانوب تراش اولونجه یه قدر ساعت سکزه کلش اولدیغندن دوغرو یمک اوطه سنه کیتدم. قهوه آلتیده نه عمجه م نه قیا واردی. آلی:

— باشانک باشی آغریبور. کورولتو اولماسون دیه باغچه طرفنده یازی اوطه سنده اوطوریبورلر. قهوه آلتیلرینی یوقاری چیقاردیم، دیدی. صوکر ا تجسس نه غلبه چالامیه رق صورتی:

— بو اولدیر دکلری بویوک آدم خانم افندی نک نه سی افندم؟

— تیزه زاده سی .

— یا اما بزه هیچ گلزدی ؟

— دارغیندیلر .

مهم برشی سویله به جگمش کی قولانمه ا کیلدی :

— احمد اغا اسکی قوجه سی ، دیدی .

— خلط ایتش .

ألنی بی کوه زه لکه سوق ایدن بوفوق العاده حالدن قورتلوق ایچین قهوه
آلتی بی بیتیرمه دن یوقاری چیقارکن مر دیوه نك باشندن عمجه مک کور
وامر سسنی ایشدیوردم . عادتاً مجلسده کی قدر خیزلی و غلیانی سویله-
یوردی . عمجه مک قبالی قاپیدن صوفه ده کورله یهن سسنگ غائب
ایتدیردیکی طنان برانجه چوجوق موزع سسی :

— او زبک ... دیبه اوزاقلرده اینله یوردی .

قاپی بی خفیفجه ووردم ، دویمادیلر ؛ عمجه م :

— اوت قیا ، اوغوز ایله ایلک دفعه اولارق دون متحداً رأی
ویریوردق ! سنی و مملکتک بوتون قادینلرینی یوکسلده جک بوقراری
اعتراف ایدرم که مخالفت طوتماسه موفق اولامیه جقلردی . بنم فرقه بر
عسکر طابوری کی لیدرلرینک قراری اوزرینه رأی ویرمه آلیشقدرلر .
فقط بوکا رغماً اولنره بونک ایچین رأی ویردیرمک چوق مشکل
اولدی . آرتق ممنونسک دکلای قیا ؟ بوندن صوکره یمین ایدرم ، مخالفت
مملکته نافع کوردیکی هرشی ایچین حکومتله برابر حرکت ایده جکدر .
سنی چتین تورک قیزی سنی ، هادی باقلم اختیار عسکری تقدیر
ایتدیککی بردها کوستر . اما دون آقشامکی کی تام آلمک شو

بوروشنی اوزرینه !

اوطده خفیف بر حرکت ، قیآنك محزون واوزاق بر کولوشی
وارکه بو کون ایلک دفعه اولارق قلبی دلیور . بلکه اوغوز بو
دقیقه ئولیوردی . قاپی بی شدله ووردم .

عمجه م سسندمه قیصیلان برهیجانله :

— کیریگز ، دییه هایقیردی .

قیانی کورونجه :

— عاصم بك غزته لر سزده می ؟ دییه آیاغه قالقدی .

— آء ، تأسف ایدرم که کلیرکن آمادم .

— احمده سویله سونلر ، جانم یحین بوسباح کچ قالدی ؟

عمجه مک یوزی پك اذیتلی بروضعیتده :

— احمد بو کون اذنی . آشچی یمکدن صوکره چیقنجه سویله رز ،

آلسون !

— سز اوندن اول سوقاغه چیقمايه جقکه یمسکز ؟

— خایر ، ینکه .

عمجه م بوتله کی آتلاتدیغندن ممنون ، ینه عینی بلاغته باشلادی .

اگر بونی جلاقلیلچندن قورتارمق ایچین بو قدر لقردی سویله مک

لازم کله جکمی بر محکومه سویله سه لر بو قدر ای ، بو قدر پارلاق

سویله مزدی .

مجلسده کی مخالفت حیاتنك تحف نقطه لرندن ، محاربه حیاتندن ،

هرشیدن سویله یور ، سویله یور وقیایه جدأ غزته یی اونوتدیرسوردی .

اوکله یاقلاشلایقه غزته جیلرک فریادی آزمشدی . عمجه م یمکلری اوآرقه

اوطه ده ییدیکی کبی کچ زمانه قدر یعنی غزته جیلرک فریادی بیتنجیه قدر
 اواوطه ده اوطوردی. فقط بو کورولتولی کونده ، بوفوق العاده حالدرده
 قیایی شبههیه دوشورمک جدآ فوق العاده بر ایشدی . اوکون قیانک
 بوتون فوق العاده لکنه رنما بر چوجوق قدر صاف واعتمادکار اولدیغنه
 قرار ویردم . پارلمنتو ذاتاً داغلیش اولدیغندن یالکیز سابق معبوتلر
 اوغوزک وورولمسی حقنیده بر قرار ، خصوصی بر مذاکره
 ایچین ینه مجلس معبوتانه طوپلانمشلردی . عمجهم خورشید سالمه
 تعلیمات ویرمش اولاجق که عمجهمی ایسته مدیلر ؛ بنده بو جنایتده
 خورشید سالمک بر بیلدیکی وار حسی واردی . بلکه بو حوس بوتون
 مملکتده واردی . فقط حکومت بردن بره بکابیلیم ناصل اضطراب
 ویرن شیله بو جنایتده فرقه و سیاسیات قاریشدیر مامغه قرار ویرمشدی .
 اوته کی موافق غزته لرده یکی عثمانلیلره ایمایه بکیزهر شیئی یکی توران
 یعنی اوغوزک غزته سی شدتله رد ایدیوردی . حتی اوغوزک قاتانی
 عفواتمک ایسته دیکنی ، بو بچاره بدلای بر حبس خانه یه دکل بر تیمار خانه یه
 قیاقمله اکتفا ایدلمه سی شدتله وصیت ایتدیکنی سویله یوردی . اوغوز بر قاچ
 کون دها یاشاسه بیله جریحه سی پک وخیم وأولوم محققدی . آطنه
 والیسی ارطغرل بکی تلغرافله چاغرمشلردی . بر کیجه اول اوغوز
 علیه نه اوقدر خصومتکار کورونن افکار عمومیه ده بو جنایتله برابر
 اولچوسز بر عکس عمل واردی . تا طشره لردن ، کویلدن ، هریردن
 اوغوزک صلابت دینه سندن ، بویوکلکندن باحث ، مملکتک و توروک
 عنصرینک حقیقی خلاصکاری دیه ماتم طوتان ، چیلدیران تلغرافلر
 یاغیوردی .

مملکت بر آغزیدن هپ اوغوز، اوغوزدیه هایقیریوردی. صانکه
 صوك سنهك خصوصتی، علیهنده اولماسی بو بویوك تأثر دها درین،
 نادم وچیلغین بر صمیمیت ویریوردی. بوتون بونلر آراسنده بزیک
 عثمانیلر برشی کوریوردق، بو انتخاباتده یکی توران مدھش بر
 اکثریتله قازاناجقدی. و سببی ده ساده جه اوغوزك وورولمسی ایدی.
 یمکدن صوکره ساعت طقوزه قدرینه معهود آرقه اوطه ده
 اوطوریوردق. عمجه مک اون سساعت دوام ایدن طلاقتی شیمدی
 پیرانمش کبی اوموزلری بوفوق العاده یوک آلتنده چوکوک کوزلرنده
 اوزاق، یورغون واندیشه ناک برشی؛ اونک وظیفه سنی شیمدی بن
 یامغه چالیشیور، سویله یورم، قیاء ساکت، دیکله یور و آرا ده عمجه مه
 باشنک آغریسی ایچین بر آتپیرین تکلیف ایدیوردی. بکا خفیف
 وصقینتمیلی بر سسله :

— بوکون بر غزته کورمکه موفق اولامدم. آقشام غزته لرینی
 کویا آلتی قاپیده بکلیور. سس صدا کسیلدی. بوکون حتی هر کوندن
 چوق غزته جیلر باغیریور، بریسنک قتلی ...
 — اوت، بر جنایتی، نه در؟ ایکی کشی فاتح جامعی آلولوسنده
 غوغا ایتشلر بو غزته جیلر، بیلمز میسکز بو عادی شیلردن استفاده ایدرلر.
 عمجه مک کوزلری منتدار بر نظرله قالقدی.

— یا :

اوطه یه آلتی کیردی :

— عاصم بك سزی بر خوجه افندی کورمک ایسته یور.
 اوطه دن چیقدم. یوقاری دوزکن عمجه م مردیونده بنی بکله یوردی.

— امام فیضی افندی ، بنی اوغوز ایسته مش کیدیورم ، دیدم
 عمجه مک چهره سی یورغون و مضطرب ، برأولو کورمش کبی تیره دی .
 — اوغوز یا اولسه ، یا خود ایی اولسه ، یکر می درت ساعت
 بو حال دوام ایدرسه یا کندیمی یا قیای او ره جغم کوزلرینک ایچی
 قرمزی و حالی ایدی . جواب ویرمه دن اوطیه یوروردم :
 — ینکه ، دیدم ، سوقاغه چیقیورم . سزه بوتون غزته لری آلا جغم
 دوندیکم وقت او یومشسه کز بو اوطیه بر اقریم .
 — تشکر ایده رم ، عاصم بک .

طالعک غریب براسته زاسی اولارق ، بودرت سنه در قیانک هبمز
 ایلک آجمنغه باشلادینی یکر می درت ساعتی . بو آقشام اونده
 بویوکلکندن باشقه ایلک دفعه اولارق بر قادین ، بوتون معناسیله
 یاشایان بر قادین ، کوریوردم . فقط اونک یوزنده او یله اوزاق ،
 صبور ، فقط درین بر الم کولکه سی واردی که . . . بر آز داغنیق
 صاچلری آلتنده کوزلری صولغون ، فقط محزون و درین پارلایوردی .
 بن چکیلیرکن ، یوزی براز محجوب فقط کوزل :
 — عاصم بک عمجه کزله برابر « یکی عثمانلی » ده قادینلر علیه نه
 مقاله لریکزی عفو ایتدم .

آنی اوزاندی ، اینجه پارمقلرینک تماسیله المدن وجدانه قدر بر
 آتش کجدی . بر شی سویله مدن اوطه دن چیقمد . آرقه مدن سسی
 بزه خطاب ایتدیکی وقت ایلک و صوک دفعه اولارق یوشاق
 و مشفق :

— الله راحتلق ویرسون عاصم بک ، دییوردی .

مردیوه نلردن اینرکن دیشاریده کی بر فیرطنه نك چيغريشان روز-
کارلرینی دیکله مک بيله متخالف و کورولتولی جسملردن بی قورتاریر
ظن ایدیوردیم. مسافر او طه سنده فیضی افندی بی براقدیغم کبی بولدم.
بر قانا به نك اوستنه دیز چوکمش ، باشی اوننده تسبیح چکیوردی.
زواللی اختیاری ناصل آغلار براقدمسه او یله بولدم. اختیار قلبنك.
بوتون رقت و رابطه سیله بوروشوق یانا قلیرینه کوزلکلرندن یاشاردوشیور
دائما کوزلکلرینك بوغوسنی یازمه مندیله سیله رک آغلا یوردی .

— هایدی فیضی افندی ، کیده لم .

— هایدی ، اولاد .

— اما آرتق کوز یاشی یتیشیر .

افکاریمی طوبیلامق ایچون جاده ده بر زمان یورودك ، اختیار
هپ آغلا یوردی .

— باق سوقا قلیرک حالنه ، اسکیدن سوقا قلیر بویله تمیز اولور میدی؟
مملکتک یوزینی تکمیل دکیشدیردی. بوتون عالم اسلامک الک بویوک
اولادی ایدی. اسکی زمانلردن بری مملکتک ، فقرانک یوزینی اوغوز
قدر کیمسه کولدورمدی ...

اختیار دائما بویله سویلرکن بن بر آراهه چاغردیم. فیضی افندی بی
کویا دیکله یور کبی ظاهراً ساکت ، فقط صوڪ درجه خلجانی ،
آراهه نك تکرارکلری سرعتله یووارلانه رق کیتدك . سراجخانه دن
آراهه چیقهارکن اها لینك غلبه لغی آرتیوردی . دکان اوکلرنده ،
کوشه باشلرنده ، آلا ی آلا ی کنجلردولاشیورلر ، فیصلداشیورلردی .
فاتح اولوسنده بویوک بر ازدحام واردی .

کمری کچد کدن صوکره بزم اسکی محله به پک اوزاق اولمایان بر
 محله به صادق. بورایه یاقلاشد قجه اهالیده پک متأثر اولدینی قدر احترامکار
 برانتظار و سکونت حس ایدیلوردی. عادتاً اوغوزی راحتسزایتمه مک
 ایچون سوقاقده کیلر آیاقلرینک اوچلرینه باصیورلردی. هله اوغوزک
 اوینک سوقاغی باشدن باشه دولو ایدی. فقط او قدر سس سز و متأثر
 بر خلق ایدی که! بو خلق آراسنده برچوق کنج صاریقلر، چهره لر واردی.
 اک نهایت آراهه بیاض براوک اوننده دوردی. قاپی بی جبهه لی، اورتولی
 بر قادین آچدی. قاپینک یاننده کی اوطه ده لامبا یانیوردی. ایچه
 غلبه لق واردی.

— حریبه ناظری و صدر اعظم بوراده لر، بر سوروده دو قتور،
 الله اونی آرتق دنیا مشقتندن قورتاراجق، دیه فیضی افندی باشی
 صالادی. صوکره قادینه :
 — خسته مز ناصل؟

قادین یناقلرندن آقان یاشلرله جواب ویردی. صوفه ده واک
 هر طرفنده لامبالر یانیوردی. مردیومنی، بوتون سوقاقلره سرایت
 ایدن بوا احترام سکوتی ایله یاواشجه جیقدق. قاپی بی آبلق چهره لی
 بیاض کتن کوملکلی بر دو قتور یاواشجه آچدی. اوطه دن کسکین
 علاج قوقولری کلیوردی. بن شاشقین کبی ایچری کیردم. کوزیمه
 غیر اختیاری قیانک وضعی خاطر لاتان بر قادین، جبه سنک قوللرینی
 صیغامش، دریدن چاریقلی آیاقلری لرلی اوقشار کبی ساکت و مشفق
 دولاشیوردی. شهه سز بو بر خسته باقیچی ایدی. دو قتور یاواشجه :
 — همشیره مریم، سز چکیله بیلیر سکنز، دیدی.

شمدي نه دن كلديكيني بيله مديكم برخاجانله، بر عذابه بردورلو
خسته نك ياتاغنه باقغه جسارت ايده ميوردم. كوزلرم طاوانده، يرده،
ديواره دولاشوب دور يوردی .

ايچمدن بريسته سويلر كبي :

— پردلر يشيل خورما داللي يازمه دن، سدير عيني يازمه دن ،
يرده تورك خاليسي وار، ياتاق صاري طاوان تحته ، ياتاغه يقين بياض
اورتولو وعلاج شيشه لری دولو بر ماصه ، بياض كوملكلي ، باشي
آچيق بردو قتور، هايدی باقلم، عاصم شيمدي خسته يه صره كلدی .
آنی بر جسارته كوزلريمي قالد يردم . اوغوزك باشي صاريلى ،
كوكمي صاريلى ، ياصديق ييغينلری آراسنده صانكه مملكتى آلت
اوست ايدن آدم او دكلش كبي اوتورور بر وضعيتده ياتيور . هوا
غازلری سونمش، ياتاغك ياننده كى كوچوك مهباده اوچوزلى برشمعدان!
بوخفيف وطاتلى ضيا ايله اوغوزك چهره سنده دزين اويوقلر يوموشامش؛
كوزلری بياض صارغيلر آلتنده وظيفه سنى بيتير مشلرك سكونت
واستراحتى ايله دالغين باقيور. بنى كورنجه مختضر چهره سنده فوق العاده
بر اميد و حيات دالغالانيور . صاغ النى مشكلاتله اوزاتهرق سسنده
بوتون قواعد وقوانين ياتي آرقه سنده بر اقمش بر انسان طاتليلغى ايله :
— نهايت كلدك ، قرده شم ، دو قتور ، صنداليه يي يانمه كتير ،
تا يانمه .

قابل اولديني قدر خسته يه ياقلاشيورم. اوغوزدن او قدر يوكسك
وروحانى بر شى اوچيور كه تويلرم اورپريور ، كوزلرم دن ياشلر
آقق اوزره .

... دوقتور شیمدی بر دها سویله، قاچ ساعت وار؟ دوقتورک کوزلرنده یاشار وار. فقط تردد ایتکسزین:

— سکونتله کچرسه اون ایکی ساعت، بلکهده زیاده. فقط چوق خاجانلانیرسهك اوچ ساعته بیله اینر، قردهشم.

— اصغریسی اوچ ساعتی؟

— اوت!

— او حالد چوق وقم وار، آننهك دیزینه باشمی قویوبده

بر ساعت، صوك ساعت یا تمغه بیله. ساعت قاچ؟

دوقتور ساعته باقارکن الی تیتره یوردی.

— ساعت اون بر، بن کیدیورم.

— سن دور، قردهشم. بودوقتور، عاصم بك، بنم چوجوقلق

آرقداشمدر. اونسكه آياق قابی آلاچق پاره من یوقکن جامع آولوسنده

یالین آياق اوینادیغمزدن بری بر بریمزی بیلیرز، دکلای سنغور؟

— اوت، اوغوز.

— حتی مائی طون بیله کیپردك، دکلای؟

— اوغوز، بو کونلری کچ قردهشم، عاصم بکه سویلیه جککی

سویله!

— بو کونلری عاصم بکه سویله مهن دن سویلیه جککی آ کلاته مام.

سنغور، کل باشمی دوزلت!

سنغور بر قردهش، بر آنا شفقتی ایله دوغرولتدی، بر بارداقدن

برشی ایچپردی، یاواشجه النی اوقشادی. اوغوز بر دقیقه سنغورک

النی طوتدی وصوکره:

— سن دور، سنغور، سن وار کن حیاتی ، چو جوقلق حیاتی
دها انی یاشانه بیلیرم، دیوردی .

اوغوز شیمدی آغر آغر ، کسک کسک سویله یوردی .
اونک سنک اهتزازی ایله اوچوزلی شمعدانک تیره شن آله ولری
آراسنده برمناسبت وار . سنغور ماصه نک باشنده الی ایله یوزینی
کولکه لندیرمش اوتوریور ، هر یرده عمیق برسکوت ، فقط سوقاقده
بوسکوتک آرقه سنده یوزلرجه قلب بوتیره ین وئولن نفسی بکله یورلر .
بز او طه نک بوشلغندن و اوغوزدن کلن غریب برسکونتله دیکله یورز ،
همان قلبمزه کوزلریمزه یاشلر کله سنه رغماً سعاده یاقین برشی وار !

— بروسده ییلدیرمده تاتار محله سنده یز . اک چوق سودیکم
شی آنهم ایشه کیدر کیتمز یشیله چیقمق ، جامعک طاش اولوسنده
شادروانلر اطرافنده اوینامق ! نماز وقتلرندن اول هر کسک آبدست
آلدینی زمانلر یالکز بورادن چکیلیورم . صوکره چپلاق آیاقلرم
واللرم هپ صوده . جامعک مرحوم قیومی حاجی ذاتی افندی پیرانمش
جبه سیله ، کوزلکی ایله کچرکن یالانچی برته دیلده الی صالاردی .
بن اونی فیضی افندی یه بکزه دیرم . امام افندی صاریغنک آلتنده کی
تراشلی قرمزی اکسه سی ، غیجر غیجر یکی غالوشلری ایله پک او قدر
مساعده کار دکل ، قاشلرینی چاتار . فقط هر زمان قیوم افندی :

— زواللی باباسز چوجوق ، براقک امام افندی ، دیه مرحمتی
جلبه اوغراشیر .

زواللی باباسز چوجوق ، بو آجینمخی سومزدم . برکون سنغورده
سویله دی ایدی ده اونی بر اعلا دوکمدی . دکلکی سنغور ؟ برده

آراده استانبولدن جامعی کورمکه چارشافلی فسلی ، شاپقهلی مسافرلر کلیردی . آياقلارينه بويوك ترلكلري بن چورمكى چوق سورددم .
 آنهم آغاسنى كنج ايكن غائب ايتمش چاليشقان ، جسور برتانا ر قادينى ايدى . كوچوك اويىز بو كوچوك تاتار اوينك رفاهى ، تميز-
 لكنى هيىچ بروقت غائب ايتمدى . يمش باغچه لريزده چاليشير ، يمشلرينى ساتار ، قيشين ديكيش ديكر ، هر كون بر آزدها بوروشان چاليشقان چهره سى دها فعال وانتظامكار بر حيات كوسته رير ، بكا بايرامده آياق قابى ، شالوارى ، هرشيئى آلير ، وهان هر وقت اتيديرردى .
 صوكره آلتى ياشنه كليركلز محله مكته نه . هر آقشام علم حالمى ، جزئى او قودير . آنهم او قومش بر قاديندى . عائله ده تا بوزغوندن اولكى حيا تمزه قدر آنهمك روايته كوره هب او قومش قادينلر وارمش .
 بروسه عسكرى اعداديسى خوجه لرندن كنج يوز باشى لطفى بكه اولنوب استانبوله كيدن تيزه خديجه خانمده اويله ايمش ديرلر ..
 حتى بوتون كون مكته قاپايان وچو جوقلرى دوكن خوجه افنديدن مشكى اولدينى اچين (بلكه ده هفته لى آلمقده فضله اصرار ايدى يوردى)
 آنهم كوچوك بر او مكته آچاسنى ، كوچوك تاتار قيزلرينى او قوتماسنى خيفه ابلا بوتون كون سويلردى . خوجه لقده بزم عائله قادينلرنده ارثى بر علت . قيشين او ما كنه سى باشنده چاليشيركن مندرلرى اوستنده مريم ، عايشه ، عبده ، سنغور و بن صاللان صاللان تبارك جزئى از برله دك ؛ ابتدائى تحصيلنى قرآن ، علم حال و بر آزده قرائت ، هب بونى آنهمدن او كرنديك . پارماقلى ايله اى حساب ياپاردى . فقط يازى ايله چيقيشامازدى . آنهمك اك بويوك امللرندن برى ده

بنی رشديه ویرمک صوکر عسکری مکتبه ، اک نهایت استانبوله
کیدوب قلیچ طاقق ، لطفی بک انشتم کبی ضابط اولمق . بو فکر
چیقار چیقماز هایدی سنغور فلان دکنکلر اوموزه جامع آولوسنده
برایکی ، برایی ، تعلیم ! رشديه تحصیل آلام . شهادتنامه ده
وار ، دکلئ سنغور ؟ فقط بوتون مکتب تحصیل اوقدر . اوندن
صوکره آنهم روماتیزمالی ، اکمک قازانمق بکا دوشیور ، سنغورک
باباسنک آراهلرندن برینی قوشیوردم . بواپی بر حیات ، آراهدده
یکرمی یاشنده طوسونک یاپدیغی کبی بن اون بر باشنده آیاقده شویله
دیزکینلر المده ، بروسه دن چکرکویه قوم ، طاش طاشیدم ، هم
آراهلر بوش دونرکن بن تا اوکده . بوشرفلی ، اک شرفلی کونلر .
آغا کونده ایکی غروش ، بعضاً اوچ غروش ویریر ، آقشاملری
اکمکم قولتوغنده ، سنغورک آغاسی کبی ، اوتکی آغالر کبی بن ده
آنهمک اکمکنی کتیریورم . آنهمک بوتون اصرارینه رغماً اوکا
فانیله ، انتاری ودون یایمق ایچون بایراملق بیله آلامدم . یالکز یکی
قرمزی بر قوشاق وقوشاغک اوستنه صوقولو بر قراچ ، آیاقلرم ینه
چورابسر ، یالکز برچفت یمنی !

صوکره اوینه طاش طاشیدیمز چکرکده متقاعد محمد پاشانک
نظر دقتی جاب ایدیورم . اوکله وقتی آراهنک ایچنه اوزانمش ،
اکمک یرکن بر المده بانچهیه آتلمش بر غزنهیه بنی دالمش بولیور ، مراق
ایدیور ، حیاتی صوریور ، بن آنهم ایچین چالیشدیغمی سویلرکن
دویدیغم غرور ! آنهمی یاننه بر خدمتله آلمی ، بنی ده مکتبه ویرمکی
تکلیف ایدیور . خایر ، خایر . بونک احتمالی یوق . بن صاغ ایکن

آرتق آنهم هپ او خانمی اولاجق .. ایسترسه دیکیش دیکه جک ،
 اوقدر ؛ بیلمم بو تکلیفی رد ایتدیکم محمد پاشا نیچون آغلادی ؟
 صوکره محمد پاشانک اوندۀ آرتق آچیلان حیات فکریه . اولا محمد
 پاشا بکا برآز پاره اقراض ایدیور ، کندینه لازم اولمایان ایکی
 حیوانی اوجوز صاتیور ، آرتق آرابه بنم . هفته ده اوچ کیجه قامچی
 بلمده ، دیزکینلر المده محمد پاشانک چکرکه ده کی کوشکنه . صوکره
 اوزون چالیشمق کیجه لری ، کوزیمک اوکنده آچیلان یکی دنیالر !
 عسکری اعدادیسنه کیرمک غیر قابل اولدینی ایچون ملکیه
 اعدادیسنک پروغرامنی حرفیاً محمد پاشا تطبیق ایدیور . آرابه
 ایچنده ، کیجه کوندوز کتابلر المده ؛ اون آلتی یاشنه کلدیکم
 وقت همان استانبوله کی هراعدادی مأذونی قدر برشیلر بیلورم .
 صوکره ملکیه پروغراملری ؛ خوجه لری چوقلق تقریرله درس
 ویردیکندن بونلری عینی عیننه تعقیب قابل دکل . اونک ایچون
 بوموضوعلر اوزرینه فرانسزجه ، تورکجه برچوق کتاب اوکده .
 برسنه رومانیاده بوزغونده براقدیغمز یرلرک پاره سنی رومانیا حکومتندن
 آلق ایچون محمد پاشانک ابرامیله رومانیایه کیدیورم .

صوکره بن اون سکز یاشنده آرقه مده ستره بانطالون ، آیاغمه
 پوتین و اوچوز لیرا پارم وار . سوروجیلک قابل دکل ؛ چوق
 دوشونمک ، چوق یاشامق ، برچوق شی یایمق ایسته یورم ، فقط
 حکومت مأموریتی دکل ! نه یاپه جغم ؛ دوشونیورم . ودوشونورکن
 مشروطیت اعلان ایدیور . استانبوله کیتمک ایسته یورم . محمد پاشا
 اختیار ، فقط تجربه کار باشی صالایور . کیتمه مه می توصیه ایدیور ،

بروسه ده چالیشه جغم . فقط ناصل ؟ مکتب و خصوصی درس
ویرمکه . بروسه اعدادیسنده تاریخ خوجه لغم وار و چوق خصوصی
درسارم . مشروطیتدن صوکره انشتم لطفی بکت اتحاد و ترقی
جمعیتک اسمیله برابر مشهور اولدغنی غزته لرده کوریورم . مشهور
اولدی دییه دکل ، فقط بو بویوک مقصده برابر چالیشمق ایچون
استانبوله کیتمک ایسته یورم . آنهم بوکا موافقت ایتمه یور ، تیزه
ئوله لی پک چوق اولمش ، لطفی بک بزی هیچ آواماش ، برده قیزی
وارمش اما هیچ مکتوب فلان برشی یازما یورمش . آدینی صوریورم ،
آنهم بیلمه یور ، تیزدک ، بر قیزم اولورسه آدینی قیا قورم دیردی
اما بیلم دوغوردقن صوکره همان ئولدی ، بکاده لطفی بک بر خبر
یوللامادی دیور ، بوتون دنیاده یکانه اقربام بوخیل قیادن باشقه
کیسه یوق .

اوغوز بوجله یی سویلرکن ، یکریمی سنه اوله دونیورمش کی
دکل شیمدیکی حیانتدن بحث ایدیورمش کی سویلایور . اورتقه لده
آجی برسکوت ، صوکره ینه باشلایور . فقط کندی خصوصی
حیانتدن بحث ایتیور . دوغوردن دوغرویه قیایه کچور .

— مشروطیتدن بش سنه صوکره آنهمه بر مکتوب کلایور .
بو حیانتزده نه مستقنا بر حادته : « بروسه ده ییلدیرمده تاتار محله سنده
مرحوم حاجی نور افندی حریمی عایشه خانمه . »

مکتوب ، تیزه جکم ، دییه باشلایور . آنه سی چو چوق ایکن
ئولمش ، شیمدی ده باباسی ئولش ، دکرمن درده اوطوریورمش ،
آنهمدن باشقه کیسه سی اولمادیغندن اون یاننه دعوت ایدیور .

یکرمی یاشنده بر قیز یاننده بر اقرابه ، حامیه محتاج . مکتوبک
 لساندن یارانک حمایه محتاج بر قیز اولدنی آکلاسلما یور ، برارک کبی
 یازیور . مکتوب اونمده دوشونیورم . آنهم کیتمه حاضر .

— خدیجه نك قیزی ، دیه کوزلی دولیور . بن دوشونیور ،
 دوشونیورم . نهایت دیورم که :

— آنه ، بونل بزی شیمدی به قدر هیچ آرامادیلر . باق ،
 قیا ، خایر ، سامیه ، نه ایسه سنک نرده اولدنی ده بیلورده هیچ
 آرامامش ، شیمدی کیمسه سز قالمش ، چاغیریور . نیچون چاغیریور ؟
 عجب سنی بوغاز طوقلغنه چاتیر ییقایوب یلک پیشیره جک ، بنده
 اوشاقلق ایده جک ایکی فقیر اقربا دیه می چاغیریور ؟ استانبولده
 بویومش ر قیز ، جامعه طاقونیه کبی اوکچهلری اوستنه یابانجی ایلرده ،
 معبدلرده دولاشانلر کبی برر ترلک طاقه رق صاللانان نه ملت اولدنی
 بلیرسز قیزلردنی ؟ ندر آنه ؟ بویله ایسه بزدن اوزاق اولسون !
 آنه ، آنه سن بیلمه یورسک ، چونکه سن برقادینسک ، حنیفه
 آبلاده برقادین . فقط بواسطه استانبوللی قادینلر برر قوقلا ، برر ملتسز ،
 ایشسز ، مقصدسز ، سوسلنمش قوقلا .

— یاوروم ، استانبولدن نه خانملر کلیور کوریوروز ، نیچین
 اولسون ؟ هم خدیجه تیزه نك قیزی ، بزم قاتمز ، یالکیز قالمش ،
 کیتمه لی .

— بن سنی برگون قیلدا تمام آنه . بن کیدوب آکلا به جغم ،
 صوکره نه یامق لازم کله جکفی دوشونه جکم .

آنهم بکا تا اون بر یاشمدن بری حیاتمز ایچون قرارلر ویردیرمه

آلشمش اولدینی ایچون قبول ایتدی . اوکون رومانیا یه کیدرکن محمد پاشانک آلدیردینی کوچک چانطه بی آنهم حاضرلادی . ایرته سی کون ده یوله چیقدم . بی تعقیب ایدیورمیسکز عاصم بك ؟ یکر می اوج یاشنده میم . هنوز حیاطمه معین بر یول بولمامش و شخصی بر حیاطم ، بر خلجانم هیچ اولمامش ! یوله هپ قیانک ناصل اولابیله جککی دوشونیورم . چونکه سامیه امضاسنه رغماً بن خدیجه تیزه مک قیزی قیا دیه دوشونیورم . واپورک مر دیو متی آرقه مدن طیر ماشه جق ایکی کنج استانبولی قادین وار . بونلره قیانک آراسنده بر مناسبت دوشوندیکمدن کندی روحده ده بر مناسبت بولمغه چالیشیورم . آرقه لرندن دار چارشفلر ، آیاقلرنده انسانی یورویشتندن منع ایدم جک ایکی اویونجاق اسقارپین . صوکره ایکی دانه ده کولونج دینه جک قدر کوچوک آل ! مر دیو نلری چیقمامادیغندن آللرینی استمدادکار ، بکا اوزاتیور ، واپورده کی کنجلر « کوستکلی خانلر » دیه کولیورلر ! بوانسانه نه فنا حدت وعصیان حسی ویریور . او کوچوک اویونجاغی الذن چکدم ، واپوره چیقاردم . کتابلرده کوردیکم بویوک ، یاشایان مدنی قادین سیالری ، آنهمک دنیا و جمعیتده موقعی تأمین ایتش بر نمونه سی ایچون ایچمده بر حسرت وار ! تقلید مدنیته بزه ویردیکی بر کوچک کوستکلی مخلوق ایچمده برشی تطمین ایتیه یور . فقط کوچوک شیئه بیله کولن کنجه دونیورم . نره دن چیقادیغنی ومعنای اصلیسینی تحلیل ایده مدیکم بر قدرته قولم عادتاً کندی کندینه قالدیور ، قدیفه یاقه لی بالطوسی ، جلین ، مردار ، مستهزی یوزیه کوچوک بکی ، بو کوچوک شیئه اش استانبول

کوچوک بکنی یره سر بیورم . بو حیاسمده بک معنیدار بر تمثالدر ،
عاصم بک : بوتون عمرمده بو کوستکلی کوچوک شیشک الندن طوتوب
یوقاری یه چکمک ، صوکره بونی آشاغی چکن ، تذلیل ایدن کوچوک
بکی یره سرمک ! استانبوله موصلت . صوکره ترنله توتون چفتلیکی ،
اورادن ماونه ، دکرمن دره سی . دکرمن دره سنک او کونکی بولسز ،
بلیرسز یولی .

اوغوز ، ینه دالدی ، اوت ، او کونکی . چونکه بو کون اسکی
دکرمن دره سیله یکی دکرمن دره سی آراسنده اوقدر فرق وارکه ؛
او بو کون یوللری وتیمز کوچوک اولری و اوتلری ایله محویتکار بر
اسویچره کوبی .

اوغوزه سنغور بر آز قومیس ویردی . وخسته آزیحق طوردی .
صوکره اسکی و آشنا بر سوکیلی کتابک اکسوکیلی صحیفه سنه کلش کبی
دوام ایتدی :

— مرحوم لطفی بک قیزی سرایلی کوینده اوطوردیغنی
سویله دیلر . کویلولر کسندن چوق ممنوندی . آفاجان بر قیزی
اولدیغنی سویله یورلردی . لطفی بک تام کوکلرنجه بر آدم ، طاتلی
سویله یور ، کوزل خولیلار ، املر آ کلاتیور ، اونلرک کوی قهوه سنه
کلیور ، قونوشیور ، فقط بو خولیلار اولسون دیه کویلولری تضییق
ایتمه یورمش . الله رحمت ایله ئولمش . فقط قیزی سویله دیکنی
یاییورمش . کویده قیزلر ، ارککلر ایچون اوندی بر مکتب آچمش .
کیمی کویده قهوه ده اوتوریر کورورسه مقاومت ایده میه جکلری
طرزده سویله نیرمش . کویده اون اوچ یاشندن اون آلتی یاشنه قدر

ارکک چو جوقلری طوبلامش ، یولک طاشنی آییقلاتمش ، کوی دلیقانلیری ده اورایه یاپی ویرمشر .

زهرا آبلانک اوغلی علی ایله ذکیه خانمک اوغلی حسینی باباسنه یالوارمش استانبوله مرانغوز یاننه چراق یوللاتمش ، شیمدی کویده کی صوگ یاپیلان اولر استانبول اوی کبی تحته ایمش ! انسانه فضله تاریشماسه یمان ، یاووز شی دییورلردی . بونی بکا آ کلالتان مرحوم لطفی بکک امکداریمی یوقسه طانیدیغی می نه ایسه بیاض پوطورلی ، تنبل یوزلی اختیاردن آ کلایوردم که کوی عینی زمانده قیایی بنمسه مش وپک چوق سوییوردی .

— سزاونک اقرباسی میسکیز ؟ افندی دییوردی .

— اوت ، تیزه زاده سی ، دیدم .

— اويله ایسه بن سزی اورایه کوتوره میم ، دیدی .

شیمدی قهوه خانه ایله قیانک اوی آراسنده کی مشهور یولدن یورو یورم . کوی چوجقلرینک آجدینی بویول برآز چاربیق ودوز دکل فقط ایکی طرفنه آغاچ دیکلمه سی بیله اونودلامش ، نهایت تام ایزمیت کورفزینک اوزاق ، اسکیمش قیمتمدار برمینیاتور رنکلریله کوچوک ، متناسب طامغجقلری ، قویو ، قویتو صولرینه ناظر ، یکی ، اخشاب برأوه یاقلاشیورز .

کوی اولرینک درنده اوچی سیاه چاموردن . آقشام اولیور . کوی قیزلری آیاقلرنده طاقونیه ، آرقه لرنده سیاه بزدن فراجه ، باشلری اورتولو ، قاشلری چاتیق راستقلی ، رنکلری فندق قابوغی کبی قرمنی وزنکین ، اللرنده دستی صویه کیدیورلر .

أوك اطرافى تحتہ بر پارمقلىق، ايجى آغاچلىق و بر قسمى خندقلىق،
 بر قسمى باغ، بويوجك بر باغچه؛ باغچه قپوسنى اختيار ايله ايتيور.
 بكا يولى كوستروب سويملى بر «ايوالله» ايله اوزاقلاشيور. باغچه ده
 تميز و منتظم بر يولدن ايلرليورم و أوك آرقه طرفه دونيورم. اورادن
 طاتلى بر سس ايشيديورم. آرتق قلبمده برسكونت وار. بيليورم كه
 قيا استانبولك كوچوك كوستكلى قيزلرندن دكل! اوى دو تنجه دور ييورم
 او بر طرفى بويوك و بر چوق پنجره لى اوزون بر درس خانه، باشلى ايكى
 اور كولى، آرقه لى دوز انتار يلى، كوزلى ايشيقلى بر چوق كوچوكلى
 بويوكلى قيزلر صرملرده اوتور مشلر، بو طرفه خوجه نك سويله ديكى
 بر شيشى ديكه يورلر. آقشام آزادى اولق اوزره. خوجه بر شى
 اوقيور، داغلمه دن هر آقشام رؤيالرينى، خويلالرينى، تميز و كوزل
 ياهجق بر پارچه. بونى قيا دائما يپاردى. قيانك يوزينى كورمه يورم.
 — بونلر دائما توران يولنى آرايورلردى، ارلك قادين، چوجقلىر
 واردى. اك چوق چوجوقلىر آرايورلردى. اختيارلر يولده دوشوب
 اوليورلر. فقط چوجقلىر كيدييورلر، كنجلىر كيدييورلردى. اما
 نهايتسز اوزون يولده سس نه لرجه قاله جقلىرى، كوزلى حسرتدن
 صولانه جغنى، قلبلىرى ضعيفلايه جغنى حس ايدهر ك كيدييورلردى. فقط
 يولى، بوصارپ، بوصولاق اولمايان يولى چوق سوييورلردى. اونهايت
 يوردلرينك صولاق ايللرينه، يشيل معموره لرينه، سونمز اوجا قلىرينه
 كوتور ييورلردى. صوكره يولده يوروركن تنبل دور ميورلردى. ايكى
 طرفه آغاچلر ديكه رك، يوللرى تميزلهره، چيچك و چمن تخملىرى
 آتارق كتوم، سياه قبالرينى آچوب يور كنده كى بلور صولرى بويوله

دو که رک کیدیورلردی. اونا ر حالا کیدیورلر، سنه لر وار که کیدیورلر و کیده جکلر. فقط کچدکلری یول، توران یولی شیمدی آرتق صارب، صوسز بر قیالق دکل، چنلی، چپچکللی و بلور ایرماقلر آقان یشیل کولکللی بر معمور یول!

— تورانی هیچ بولمایه جقلرمی؟

قیانک سوکیلی سسیله غشی اولش کوچوک، یووارلاق، صاریشین باشلی برارکک چوجق، مائی دونی، چپلاق آیاقلری، حیرتکار بویوک کوزلریله اوکه کلیور. قیا نه دیور؟ بیلمه یورم؟ کورفزدن و بوتون هوای نسیمی دن چوکن، یره کچن مور، پنبه رنکلرک آ کلاشلماز سرندن کلیر کبی برچوق چوجوق سسی، موسیقی بیلیر چوجوق سسی و بونلرک فوقنده کور و مظفر، ترانه دار برقادین سسی:

یکی توران، ای سوکیلی اولکه، سویله سکا یول نرده؟

صوکره او کوچک مائی دونلی چوجق، بو کونک شانلی ارطغرلی بنی کوشه ده بولیور، چوجقلر داغلامدن بن اورادن صاووشیورم. باغچه نك او بر طرفه ایکی اینجیر آلتنده میخانیلان بر تخته صره یه اوتوریورم، بکله یورم و قیا کلیور. آرقه سنده سیاه یلدرمه، بیاض بر باش اورتوسی وار. باشی عین قیورجق صاچلی سوکیلی باش. یوزی رؤیالری نك هیچ قنادلری قیرلماش کوشه، مش یالیزلی و کونشلی قلبی ایله بویوک و کنج قیا اوکون نه بویوکدی: ساده طاتلی:

— سز اوغوزسکیز دکللی؟

صوکره اینجه اوزون الی المده، هیچ کلاشه میه جنی کبی بر بریمزک رؤیالری، امللری، روحی آ کلا یورز. قارشی قارشی یه، بر کو موش

آی کورفرك، اوستندن بو یشیل، اوزاق وادیلری، قویتو صولری
 یقینجه قدر اوتحته صروده اوطوریورز. چوجقلری داغتمش،
 اوده اسکی بردادیدن باشقه کیمسه یوق. بورا جقده یمکه قدر اوتوره بیله-
 جکز. او باشنی بر انجیره دایامش، بنده قارشیسنده ینه بر بریمزی
 دیکله یورز. بردنبره قلمده حیاتی یالیزلایان نهایتمز بر سکونت
 وقناعت ویرن برشی وار! شکل بیله ویرله میهن امللرک اکصمدانیسی
 شکل آلمش کی؛ او آقشام نه قونوشدق، بیلمه یورم. افکاریمز،
 احتیاساتمز یواش یواش برباشدن اوته کی باشه، برقلبدن اوته کی قلبه
 آقیور، بربرینه قاریشیور، بربرینی اتمام ایدیور و بردها بربرندن
 آیرلماق اوزره بربرینه اورولیور.

صوکره یمک ییدک، صوکره قیانک اوطه سنده اوتوردق، ایکی
 دیواری فرانسزجه، تورکجه کتابلر، بر کوشه سنده پیانوسی، آلچق
 بر سدری، بر ایکی قولتوغی و پیانونک اوستنده انشتم لطفی بکک
 رؤیالی کوزلریله طاتلی، حلیم چهره سی اولان بواوطه ده پنجره لردن
 آیدینلق کلنجه یه قدر قونوشیورز، یکی تورانک لطفی بکک کوردیکی
 فقط حیات و حقیقت ویرمدیکی بو بویوک رؤیاسی حقیقته کچیرمک
 ایچون ایکیمزکده کنج و ییپیرانماش قلمبنده دنیالره قارشی قارشی یه
 کله جک جسارت و امید وار.

رؤیانک حقیقی رسمنی چیقارماق ایچون بوتون انساجی روح مزله،
 یکی دوغان عشقمزک حرات واملی ایله خاطر لایورز. سنه لرجه،
 هپ عشقمزی بو رؤیایه بر خدمتکار دیه قوللانمق؛ بربریمز
 ایچون قابلریمزده، اللریمزده، کوزلریمزده اویانان ییلدزلی، شفقلی

عشقى كوكلارى، دنيالرى، صوكره انسانى ضعيف، فقط نا روحدن
كلن ايسته كلرى، همىنى، اوکا صرف ايتدك. زواللى، سولمش،
كيرلنش وسقطلاشمى رۇيا او كيجەدن نەقدىر اوزاق، او كيجەنك
مبذول وفيضدار علويته نە ضد اولاجق قدر رەنكسىز.

شىمدى اوغوزك كوزلرندن دامله دامله ياشلر يووارلانيور.
صوكره دوام ايدييور. فقط آرتق سىى ضعيف، چابوق
سويليور، آلتندە ترل وار، بوتون بو زمانلرك دوكمك ايسته دىكى
تفرعاتى كچمكه نجبور اولديغى حس ايدييور.

— دكرمن درەسندە برسە آنەم كلكدن صوكره يكي توران
ايچون كتابلر آراسندە باش باشە چالشدق، حاضرلاندق. اوحياتى
بويوجك مقياسدە باشلامق ايچون كوچك دكرمن درەسك داروتبىل
محيطى موافق بولمايوردق. اوسسەنك نهايتندە سغوردە مەكتى
بىترەجكدى، النده بر دوقتور ديپلوماسى اولاجقدى. دوشوندك،
دوشوندك، ارضروم ديدك وايرتەسى سە قيانك، نىم قاچ پارەز
وارسە طوپلادق، آنەم، سغور، قيانك شاكردى كوچوك
ارطغرل كيتدك وتورانك تمللرني باشلادق. ايلك سەنلرك مشكلانى
فقط يوزولمق بىلمەن حرارت وكىنجلەكى! صوكره انسانى برشى
اولديغى آكلامەدن سەنلرك، مشترك مساعينك، مشترك مللرك وحرلرئىزى
هركون اك صوك تلىه، اك صوك ذرە سە قدر بر رينە يواش يواش
اوروشى. قىياى شىمدى حس ايدييورم كە سومەديكم بر آن حياتدە
هيچ اولماشدر. حتى اونى طائيمان اوليپلە سوسيوردم. وتولور كىدە
سوييورم. فقط او، او ناصل كيتدى؟ صوكره ناصل يان يانە بو قدر
سە ال الە كيدركن دها يقين، آرامزە هيچ بر شىئك كيرەميه جكى

قدر روحلریمز و قلبلریمز صوک قابلیتی ، صوک زنکینلیکینی حیاتمیزک
روئاسنه دوکیرک اوتکینی تطمین ایدیوردی . صوکره استانبول
واستانبولده قیانت کولکهسی کی بوتون حیات مساعیسی تعقیب ایدن
حمدی پاشا !

— یورولیورسک ، اوغوز !

آز قالدی سنغور ، سویلنیله جک آرتق برشی یوق . یالکیز
مقصد سومکدن ، ال اله چالشمقندن باشقه برشی ایسته مین قلبلریمزده
دوغان ، ایستین صوک انسانی وضعیف شی .

محبسک دیوارلری آراستده عاصم بک ، اون اون برسنه نك دویمادن
قلبمده طوپلانان آرزولری بردن بره قلبی پارچالایه جق ، بوتون
موجودیتی داغیداجق بر قدرتله توضیح ایتدی . عمرمده ایلك دفعه
اک بویوک صمدانی شی قیانی سومک ، قیانت صاحبی اولدیغنی
دویدم . ذاتامقصد ، یکی توران سنه لردن بری قیانت عشقنه کوتورن
آنا یولی دگلی ایدی ؛ محبسده اوتوردم ، اوزون اوزون یازدم ،
یازدم ! اعدائم سویله نیوردی . بعض آقشاملر توقیفخانه نك پنجره سنه
باشی دیاردم ، قیا ایچون هنوزادراک ایتدیکم بوسنه لرك تراکم ایتیش
مطلق حسرتیله دنیا لره صیغما یان امللرم قیانت ایکی نارین الی ایچنه
یرلشیر بیتردی ! بر آقشام محبسک قاپیسی آچلیدی ، واو آقشام ...
دوردی ؛ سنغور باشی اوقشایوردی . شیمدی سسی حیانتک
سوکیلی ترانه لرینی تکرار ایتیه یوردی . شیمدی چابوق آتلامق ایسته دیکی
قورقونج و تهلمکلی بر کچیدده پر تلاش ، قیصیق برسله قاچیوردی .
آرتق سنغور ، قولی باشک آلتنه قویمش ، قالدیرمشدی .

— عاصم بك ، تخليه امرى سزك كيتريدىككىزى خبر آلام .
 او آقشام اوده آنهم قيانك بويوك بر كدر ايچنمه سوقاغه چيقديغنى
 سويله دى ؛ او كيجه ، اون بر سنه صوكره ايلك دفعه نهايت مطلق
 اوده اولمى لازم كلن كيجه عودت ايمه دى سنغور ، قوميص
 وير ، بر يودوم ، يتشير . ايرته سى كوني نكاح اولديغنى يازديكز .
 نهدن ؟ نيچون ؟ بو بر فداكارلقى ايدى ؟ يوقسه حدى پاشاي
 سويورمى ايدى ، سوديمي ايدى ؟ بو قابل دكل ، دكلى ، سنغور ؟
 اون بر سنه صوكره ، حياتىزى تكميل بيليورسك ، قاچ دفعه بر روحك
 ابدى اشكنجه سنى كيدرملك ايچون سويله يمين ايدرم كه ...
 دارما سنغور ، عاصم بك مطلق آكلايه جق وسويله يه جك ،
 سويله ييكز ، سويله ييكز .

— نه يى ، اوغوز بك ؟

— قيا بر فداكارلق ايچونمى ، بنى قورتارمق ايچونمى اولندى ؟
 سنغورك يىناق كيمكلى قيب قرمنى ، كوزلى آلولى و
 اندیشه ناك ، تا روحه باقيوردى . كوزمك او كنده آچيق وخسته
 بر قلب بندن كله جك بر كله ايله شفا بولاجق يا خود بر ضربه ايله
 ازيله جك ظن ايدى يوردى . او قدر او كا : اوت ، فداكارلىق در ، ديمك
 ايچون دودا قلم يانيوردى . فقط بونى ناصل ديه جكدم ؟ ديسم
 همان قيايى كورمك ايسته ميه جكميدى ؟ بونى دوشونور كن عمجه من
 اختيار ، حالى ، مضطرب چهره سى كوزيمك او كنه كلدى . شيمدى
 اونك ده كوزلرنده او قدر بر اشكنجه واردى كه . صوكره اكر قيا
 اوغوزك ثولوم ياتاغنه كليرسه بردها عمجه مه دونميه جكدى . بو ضربه يى

او اختیاره ناصل اوروردم ؟ فقط اوغوزده ، کوزلرینه طوپلاناں
حیاتنده ساده وانسانی بر استرحامله تاروحی قاریشدیریور، صوریور.

سنگور بو الیم وضعیتدن صیزلاناں بر سسله :

— نه سویلیه جکسکز سویلیکز، عاصم بك، بواسکنجه بیتسون.

— بن ، بن ... بو مسئله حقنده بنم هیچ بر معلوماتم یوق .

— یمین ایدرمیسکز ؟

— ایدرم !

اوغوزك چهره سنده کریلن، بکلهین حیات چککدی ، کوزلرنده
آقق ایچون بکلهین صیجاق ، انسانی یاشلر قورودی . بردن بره اوئی
دنیادن آلان برتعب و اوزاقلق واردی . باشی جالسز، آرقه یه دوغری
دوشدی ، صوغویان وئولن بر سسله :

— کیده بیلر سکز عاصم بك . سنگور ، مریم ایله آنهم

کلسونلر !

حیاته صوك باغلانیدی تل قویمشدی ، سنگوره بیله امید و حیاتله
خطاب ایدن سسی ، شفقت دالغهلری ایله سنگوری قوجاقلایان آهنگی
دورمشدی . باشم اوکده قاپیدن چیقدم . ناصل چیقدم ، یچون
چیقدم ؟ قاپیدن چیقنجه فیضی افندی بی مر دیونده اوتورمش ، بکله
بولدم . آیاق سسی ایشیدنجه قالدی عینی یاشلی یوزیله :

— اولاد ، بکله دیکی شفایی ، تسلی بی ویردکمی ؟

دیدى .

بن بویوك برجنایتی ، یوقسه فدا کارلقمی یاپدم بیلیمه رك چیقدم .
سوقاق تنهالا شمشدی . آرقه مدن سنگور شدتله قانی بی فاپامشدی .

سنگورک یوزندن سرت ومدھش ، برعصیان اولدیغنی ، بنم یالان
سویله دیکمی حس ایتدیکنی آکلادم . فقط ایچمده برتک آرزو
واردی . اوده بورادن ممکن اولدیغنی قدر چابوق اوزاقلاشمق !
قوناغک قاپی سنده کی غاز آلتنده ساعته باقدم . ایکی یی چاریک کچور .
فقط قاپی یی چالمان ، آرابه دوردیغنی ایشیدن احمد کلوب قاپی یی آچدی .
— بکله دیکزمی احمد ؟

— پاشا افندی او یله امر ایتدی .

مردیوهن باشنده برصندالیه اوزرنده او یوقلایان النی ده فیرلادی .
— پاشایه خبر ویرهیم ، دییه یوقاری یه کیتدی .

بن هیچ پاشایه خبر وریلدیکنی ایسته میوردم . هیچ کیمسه یی
ایسته میوردم . شیمدی قیانک او طور دینی دامک آلتنه کیره لیدن بری
وجدانم آتشارله یانور ، قلم پارچه لانیور . هپ کنج قیائی یالیزلی ،
کونشلی قلبی ایله اوغوزه کیدرکن کوریورم و صوکره اوزاق ،
ئولن بر سس تکرار ایدیور :

— قیا او کون نه کوزلدی ، قیا او کون نه بویو کدی .

زوالی قیا ! صوکره اولچوسن بر قورقو دویورم ، اوغوزک
ئولدیکنی دویقدن صوکره قیانک بویوک کوزلرنده کی شمشکله
اوریلانجغم آنه یاقلاشدیغمی ظن ایدیورم . آلتنده صغوق بر تر وار .
هرشی غائب اولمان بلکه وقت وار . چیقسه قیائی اوغوزه کوتورسه !
نه سفالت ، نه سفالت یاربم ! بن بو بدبخت آدملردن دهانه قدر چوق
بدبختم ! مطلق ، مطلق قیایه کیدهیم ، سویلهیم ! عجبهم ؟ نه مه لازم ؟
عجبهمک آرتق حیاتمه کی تحکمی یتیشیر . شیمدی یکی عثمانلیقدن ده

یکی توراندن ده نفرت ایدیورم ، یالکز حسرت ایچنده ، اشکنجه ایچنده ٹولن اوغوز و اوغوزک حیاتی صاتون آلق ایچون بوقدر محرومیت و مشقتدن صوکره اوغوزک ٹولدیکنی دویان قیا !

اوطمه سوروکلندم . پالطومی بیلہ چیقارمه دن قانابه اوستنه دوشدم . باشم المده سالانیورم وجدانک ، قلبمک ، صیزیسی ، اضطرابی ، آتشی صیزدیرمق ایچون سالانیور .

— ٹولدیمی ، عاصم ؟

ایچمدن بویوک برشی ، زه دن قالقدیغنی بیلہمدیکم برشی بونی صورانک قفاسنی ازمنک ایچون قالقیور . قارشیمده عمجهمه قانلی وکیلن کوزلرله باقیورم . عمجهمک اختیار یوزی برآز دهاقورشونی ، کوزلری دها حمالی و کوتو ، آغزی ، آلی ، کوزلری پک مضطرب و سفیل . فقط جنایت یاپانلرک سفالتی ، هرشیئه قرار ویرمش یاسی وار !
قورو آتشی سسیله :

— ٹولدیمی ؟

— خایر ، ٹولیور !

— نه ایسته یور ؟

— قیانک سبب ازدواجنی بیلیمک !

عمجهمک یوزی بتون بتون قورو یور ، قورشونیلہ شیور ، سویله یوب سویله مدیکمی صورمیور بیلہ . یوزیمی تدقیقه بیلہ حاجت یوق ! آرزولرنی کور کورینه یامش برماکنه قارشیسندنه . اونک ایسته دیکندن ، اونک خاطر لایغندن باشقه نه وقت نه یاپدم ؟ کنجلکم بویکجه کندی اراده سنی هرشیئک فوقنده طوتان بواختیاره

قارشى كين وعصيان دوييور . اونك كوزلرى اوزاقده ، بوزولن ،
قورويان دوداقلرى آرهسندن عيني فنا تبسمله :

— قيا بو آقشام هروقتدن چوق اوغوزى صايقلايور !

— بردن بره آياغه قالقيورم . كندى سسمى طانيمايورم .

— سزه يالواريرم ، آرتق سويله ميگيز وكيديگيز !

— خسته سك ، عاصم !

— اوت ، پك ، پك ، پك خسته .

— بكا برشى توديع ايتك ايسر كي :

— بن ده خسته يم ، عاصم . بوكيجه آرتق قيانك يانسه چيقاميجهجم ،

بوراده شو لامبارك هپسنى ياق ، اوتوره لم . قيلدانه جق حالك يوق ،
دكلى ؟ دور ، بن ياقه يم .

— صوكره چينغراغى چكيور .

— الهنى ، قيزم ، برصيجاچ چاي ياپ . عاصم ، آزيحق راحتسز .

— بنده باشم حالا آغرييور . يالكيز ، كزر كن دقت ايديكيز ، خانم
اويانماسون .

— شيمدى بواشكجه يده لاقيد ، مغنوتك آغريلرى كيكلريمه قدر

سرايت ايتمش ، صامت وسفيل ، قولتوقده وجدانمى ديكله يورم .

— اوده ، اوسفيل اختياردده قارشيمده روب دوشامبرى ايله اوتورييور .

— چاي ايچمك ايچين بكا اصرار ايتمه ديكنه متشكرم . او ، بر ، بر ،

فنجان ده ، هپ ايچيور . دقيقه لر ، ساعتلر يواش يواش يورييه رك ،

سوروكلنه رك كچوب كيدييورلر . سوفه دن ساعت چاليور ، نامتناهى

برزمان صوكره درت . بلكه برعصر صوكره ، بش !

ساعت آلتی بی اور دینی زمان عمجه مک آحیق ، مضطرب کوزلری
 قاپانمش ، آغزی آحیق ، باشی دوشوک ، خورلایور . بوتون
 وجودی ، اختیار و مضطرب وجودی بر او یقو ایچنده غائب اولمش کی .
 یاننده صارقان بوروشوق ، یوموشاق الحس ایدیور که آرتق بوتون
 ارادت و قوتی صرف ایتمش ، بردها برفرقه ، بر دولت اداره ایدمه جک .
 کینم ، عصیانم آراسندن آجیمق ، بوسفیل اختیاری بوتون بئیلکی ایله
 حیانتک الک چرکین عمقنه چکن انسانی ضعیفی ، خود بئیلکی ایچون آجیمق
 وار . فقط صوکره اونک قارشیدسنده کنج مشعشع سرت و تمیز عشقنک
 یوواسنی ، کوکلری اوپن یوکسک ، یالچین قیالرده کی قارتاللردن بیله یوکسک
 قوران اوغوز و بویوک کنج قیا ، یارم ، بردامله آغلا یه بیلمه !

ساعت یدی بوچوق ، برشی یایمق ایچون غازلری چویردم ،
 پالطومی چیقاردم ، الهی صوبایی یاقیور ، عمجهم حالا خورلایور .
 — بوکون خانم افندی ، ایسترسه غزته بی ویره جکمی یز ؟
 — بویوک اوغوز بکک وفاتی ، داخلیه ناظرینک وفاتی یازیور ،
 یکی توران ، یکی عثمانلی ، یازیور ، یازیور !

آرتق فضله حیرت و کدر ایچون نه قابلیت ، نه ده الاستیقیم وار .
 قاپی وورولیور . ماری قورقاق برسله :

— الهی ، خانم افندی غزته لری ایستهدی ، المدن آلدی .
 الهی یوزیمه قورقاق و متردد باقیور . قاپی بی کوستریبورم ،
 نهایت یالکیز ، عمجهم حالا خورلایور و بن و بنم قلم ارقدرد شدتله
 آتیور ، او قدر دهشتله آتیور ، پارمقلم طوتما یور و دیزلرم
 تیتره یورکه . اوطه نک سفیل قاپالی هوا سنی ، بزم سفیل قاپالی

قلبریمزی کسکین ومنتقم بریچاق کسر کی قطعی ، کسکین وپارچالانان
برسس :

— حمدی پاشا :

حمدی پاشا شاشقین ، و سرسم برچهره نك صوك كونلرك تضیق
واندیشه سیله چورومش ، داغیلش بنلکی کوزلرندن کنسینی طوبلامغه
چالیشه رق باقیور .

— قیا اوکون نه کوزلدی ، قیا اوکون نه بویوکدی !

اوت قیا اوکون پک بویوکدی . فقط کوزل دکل ! عمرمه
اونی اوقدر اوزون ، اوقدر معظم کورمدم : آياغنده چاریقلری ،
آرقه سنده سیاه بموشاق جبه می ، باش اورتوسی ینه صاچ خطنك
آلتندن چوریلش ، اللری اوزون قوللی جبه سنك قوللری ایچنده .
یوزی ، فقط یوزی آرتق اختیار اولمان بوتون کنجلیکنی غائب
ایتمش ! کوزل چهره سنك چیز کیلری قلبی دلن ، صیزلایان بر
وضوحه درینلشمش . رنکی عادتا یشیل ، دوداقلری قورومش ،
اینجلمش . مائی کوزلری صولغون . فقط نه مدهش ، نه هیچ بر
وقت صفت ویره میه جکم بر قوتله یانیور . شیمدی اونده دشمن
اردوسنه دالان بر آتیلا ، دنیایی آلت اوست ایدن بر جنکیز سکوتی وا.
فقط اوسکونت آلتنده نه اولیور ؟ ینه عینی سس :

— حمدی پاشا ، اللریکی ، سفیل اللریکی اوزاتما ! قانلی اللریکی ،

ملوث اللریکی براق ، یانکه دوشسون !

قلیمی قاریشدران برذاتله اختیار ایکله یور :

— قیا ، یمین ایدرم که قیا ...

— یمین می ایدرسک ؟ ناصل یمین ایدرسک ؟ نه دیه ایدرسک ؟
اولدرمدم دیه او یله می ؟ بلکه الکله اورمادک ، فقط اونی برتعصب
جنتی ایله اوران سنک قدر قاتلمی ؟ اولا برشیطان ، زبانی ذکاسیله
بنی آلتوب حیانتدن چکمک ، بکا اونک حیاتی صاتون آدرمق .
فقط بوایشیدلمه مش بازارلقده بیله نبات ایتیمه جککی بیلم ناصل
دوشونمدم . حیاتی بکا صاتقدن صوکره ینه حیاتی المق ایچون
چالیشمادیغکی سوبیله بیلمیرمیسک ؟ ساخته کار ! اونک حیاتی المق
ایچون سنه لرجه آلق ، عادی برتزویرله اینانمدیغک مقدس برشیئی
آلت ایدرهک اونی اوراجق تعصب سلاحنی حاضرلامادکی ؟ بونی
نه مهارتله ، نه وجدانسزو آلقا بر نباتله یابدک ! سلاحنی حاضرلادک ،
زهرله دک واوردک ! صوکره ، صوکره ، صوکره بر انسان اولدیغکه
اصلا اینانلیه جق برغدرله یکر می درت ساعت بندن بونی صاقلادک .
مزارک باشنده بیله اللریمزک بر برینه دوقونماسنی منع ایتدک ! آلقا ،
آلقا ، آلقا !

— قیا ، قیا !

— قیا ، اوت ، قیا ! بوقدر ملوث وعادی اولمه سهک بلکه سنی
اولدیردم ، حمدی پاشا ، فقط چوق ، پک ، پک چوق دوشوک
وسفیل سک . درت سنه بوتماسنه ناصل تحمل ایتدیکم خیانتکار ال
اله نهایت اوردک ! یوزیمه باقا و آغلامه ! بن اوغوزی سنک ذلیل
قلبکک هیچ آکلامیه جفی بر عشقله سوییوردم بن تا قلبمک کوزلرینی
ایلک آجدینی صباحدن بری اونی جانلی شیرلک کونشه احتیاجی قدر
بویوک بر احتیاجله سوییوردم الاله سنه لرجه کونلر رؤیامزی کورورکن

هر کون، هر دقیقه قلم آغز مده الم ابدیاً اونك الیری ایچنه دوشه جك،
باشم ابدیاً اوموزینه دایانه جت، آنی ناصل بکله دم ، بیلیر میسك ؟
بیله مزسك ! صوکره الك یقین اولدیقمز بر کونده ، اوزون و آتشی
انتظارك مطلق ومنفرد بر سعادت اولاجنی آنده اونى آلك، قاپادك .
بن ناصل ایشیدلمه مش بر حسرت و محرومیتله اونك حیاتی ایچون
عشقمی فدا ایتدم ! بیلیر میسك ؟ بیله مزسك . چونكه سفیل و کهنه
نفسکدن باشقه دنیاچه برشی ، بر ایلك ، بر انسانیت المی ، بر انسان
آرزوسى اولاجنی هیچ بر دقیقه خاطر یکه کتیرمدك ! درت سنه ،
درت سنه و یردیکم سوزه صادق قالیرکن نه اشکنجه لره ، نه نفرتلره
غلبه چالدیغمی بیله کورمك ایسته مدك ! کوکله کونشیلره ، آیلره سنك
خودبین قلبك و آرزولرك ایچون یارادلدی ظن ایدیوردك !

— قیا ، قیا !

قیا بیاض چاریقلرینی کیرلنمسندن قورقارکی یرده یوارلانا بیاض
یاشه دو قوندرمقسزین کری چکلدی . اشیکک اوستنده بر آزددها
بو بومش کبی ایدی رنکی داها یشیل، یوزی داها کرکین و یاش کله یین
کوزلری حیات قاپیسینی ابدیاً کندیسنه قامش اولان دنیاچه قارشى
بوتون قادیلغنی ، روحنی قوروتمش کبی ایدی .

— شیمدی آرتق اولدردم ظن ایتدیكک اوغوزك یکی توراتی
اوکسوز براقدم ؛ آناسنی اولادسز براقدم ظن ایتمه ، بن بو مردار
محبسّه ، کندى اختیارمله ، و یردیکم سوزه اسیر اولارق قپاندیغم
أوه آياغمك توزینی سیلکوب ایشته کیدیورم .

— قیا، یمین ایدهرم، یکی تورانک یکی جهنم اولسه بیله سنه کله کلیرم، حیاتم، اساسم، هرشیم بر کوچوک اشارتکله بر اقیر کلیر؛ یمین ایدهرم، یکی توران ایچون اوغوز قدر چالیشه جغم، اوغوزدن چوق چالیشه جغم، یکی تورانک اک کوچوک اساسنی قوعمق ایچون حیاتمله چالیشیرم. سندن برشی ایسته میهرک چالیشیرم. یالکز سنه کله کلیم، براسیر کبی کلیم، نه صفتله ایسترسه ک کلیم.

— چکیل، سفیل، دون اکر بوضربینی حاضر لادقدن صوکره حتی اوردقدن صوکره بیله اوغوزک الی بر دفعه طوته بیلمه ممانع اولمایه ایدک هیچ اولمازسه بوکون ساکت بر وداعله بلکه ده عفوله چیقار، کیدردم. شیمدی بوتون بیلانقلریک یارداجیمی نسخه نایه ک اولان ساخته کار بیلان یکنه کله سکا یلدرمه مک اوجی سورونمدهن چیقوب کیده حکم.

اوطه ده شفا وتسلی بولماز بر آجی ایله، جنتله اولویان اختیارک یاننده ظن ایتدم که قلم کناهکار بدبختلری دها چوق آکلا یور، ایچمده انسانی بر مرحمت کندی سفالتمی اونوتیدردی. اکیلدم، اولادینی اوقشایان بر آنا کبی عمجه مک یرده کی باشنی قالدیردم، دیزیمه قویدم. قیا ظن ایدیوردم که تمیز، بیاض چاریقلریله بزه باصمادن اوچدی کیتدی.

دیشارده قار فیرطنه سی اینله یور، او انجه جبهه سیله اوچوب کیدیوردی. اینمه لی براختیار بقیه سی عمجه می برأت کوچه سی کبی یاتاغنه قویدیغمز زمان قیا بلکه اوغوزک تولوم یاناغنک باشنده ایدی. فقط اوغوزک کوزلرینی بیله آرتق آناسی قیامش اولاجقدی!

بوکون بونلردن اوزاق ئولورم . فقط یکی تورانک آناسی بویوک
قیانک نیچون حمدی پاشا ایله اولنوب درت سنه برابر یاشادیغنی تنویر
ایتمش اولق حسی حیاتمک یکانه تسلیسی !

صوڪ

تذکرہ شہداء و شہیدان

۱	شہیدان	۱	۱
۲	شہیدان	۱	۱
۳	شہیدان	۱	۱
۴	شہیدان	۱	۱
۵	شہیدان	۱	۱
۶	شہیدان	۱	۱
۷	شہیدان	۱	۱

تذکرہ شہداء و شہیدان
 شہیدان
 شہیدان
 شہیدان

۸	شہیدان	۱	۱
۹	شہیدان	۱	۱
۱۰	شہیدان	۱	۱
۱۱	شہیدان	۱	۱

۱۲	شہیدان	۱	۱
۱۳	شہیدان	۱	۱

۱۴	شہیدان	۱	۱
----	--------	---	---

اجزایی ۵۰ مجلدی ۷۵ غروش

۳۰	داغه چیقان قورد	خالده ادیب خام
۶۰	آتشدن کوملک	»
۲۵	رائقك آنه سی	»
۷۵	خندان	»
۵۰	یکی توران	»
	سویه طالب	»
	خراب معبدلر	»

ایستور کیتا بزرگمین
ایستور کیتا بزرگمین
ایستور کیتا بزرگمین
ایستور کیتا بزرگمین
ایستور کیتا بزرگمین

۱۵	منور	کزیده صبری خام
۵۰	أولمش برقادینك اوراق متروکسی	»
۵۰	ندرت	»
۵۰	بیان کلی	»

۵۰	سیسلی کیجهلر	خالده نصرت خام
۲۵	خام مکتوبلری	»

۵۰ آزاده [پهر لوقی دن ترجمه در] خندان لطفی خام